

إهداء إلي

مي عصام

مي عصام
رواية

لم أعد صغيرة... وليتني بقيت

الكتاب:	لم أعد صغيرة ... وليتني بقيت
المؤلف:	مي عصام
تصميم الغلاف:	مرودة فتحي
المراجعة اللغوية:	مؤسسة إبداع للترجمة والنشر والتوزيع
رقم الإيداع:	2016 / 10471
التقييم الدولي:	3 - 108 - 779 - 977 - 978
الإخراج الفني:	مؤسسة إبداع للترجمة والنشر والتوزيع

المدير العام: عيد إبراهيم عبد الله



جميع الحقوق محفوظة

وأى اقتباس أو تقليد، أو إعادة طبع، أو نشر دون موافقة قانونية مكتوبة يعرض صاحبه للمساءلة القانونية، والآراء والمادة الواردة وحقوق الملكية الفكرية بالكتاب خاصة بالمؤلف فقط لا غير.

العنوان: 40 ش محمد فريد، وسط البلد، القاهرة

هاتف: 0223952354 - موبايل: 01142050403

الموقع الإلكتروني: www.prints.ibda3-tp.com

البريد الإلكتروني: info@ibda3-tp.com

مي عصام
رواية
لم أعد صغيرة... وليتني بقيت



oboiikan.com

الإهداء...

إليكم... يا مَنْ سكنتُم القلب والروح

إليكم... يا مَنْ لم يزدكم البُعدَ إلا قُرْبًا

أبي الغالي، أخي وتوأم روحي.. تمنيتُ لو كُنْتُمْ هُنَا، وأنا أحاولُ أن
أمسَ النُّجومَ محققةً أحلامي التي دوَّمتُ ما شاركتُموني إيَّها.. لكن
وكما هو الحال.. هذه سنّة الحياة، ليس كل ما نتمناه نُدرکه..

إلى أحلامي التي لم تلمس واقعاً بعد.. أعدك أن تكوني
يوماً واقعاً أعيش فيه..

في صبيحة يوم جديد من أيام الشتاء ومع خيوط الفجر الأولى وانكشاف وجه الصباح ونسمات الهواء الباردة، أحضرت سلمى كوبًا من «النسكافيه» وكتابًا جديدًا وبدأت ممارسة هوايتها المفضلة في ذلك الوقت المبكر من اليوم، كان الكتاب شيقًا، يتحدث عن قضية الحجاب وفضله ومدى أهميته.. التفكير فيما تقرأه يسيطر عليها إلى الحد الذي جعلها تترك الكتاب جانبًا، ظلت تفكر وهي تنظر من نافذة غرفتها على المحلات الفاخرة الموجودة بجانب العقار الذي تسكن به، فهي تسكن بشارع مكرم عبيد وهو أحد الشوارع المشهورة في حي مدينة نصر، وتذهب الي مدرستها الواقعة أيضًا في ذلك الحي..

وسيمة جداً هي، تُسر كل من ينظر إليها، بشرتها صافية بيضاء، شفتاها ورديتان مستديرتان، عينيها عسلتان، ويقف حاجباها

كحارسين لتلك العيون العميقة الواسعة المليئة بالأمل والحب
والتفاؤل..

فتاه في مقتبل العمر، تحب الحياة وتحب دراستها، وتعشق القراءة،
كما أنها أيضاً تعشق كتابة ما يجول في خاطرها، تلجأ إلى كتابة
تلك الخواطر عندما تشعر أن بداخلها ما تريد أن تبوح به، تكتب
عندما تصبح الحياة قاسية عليها، تكتب عندما تغمرها الفرحة
فتحاول تسجيل تلك اللحظات وتلك المشاعر الجميلة التي تشعر
بها.. فالكتابة بالنسبة لها هي الملاذ الآمن الذي تلجأ إليه في كل
وقتٍ وحين..

أما أسرتها فهي أسرة مُحبَّة للإسلام، ترعى حق الله عليها فيما
أمر به؛ والدتها تلتزم بأداء الفرائض والسُّنن، وتحافظ دوماً على
قراءة القرآن، وفي بعض الأحيان تحضر دروس التفسير والدين
في المسجد، لكنها لم ترتدِ الحجاب إلا عندما تجاوزت الخامسة
والثلاثين من عمرها، وذلك منذ سنتين.. وكانت سلمى وقتئذٍ في
الرابعة عشر من عمرها.. وكان سيف أخوها في الرابعة..

والدتها قررت ارتداء الحجاب بعد سماعها خطبة للشيخ الشعراوي

رحمه الله، لكن حجابها لم يمنعها من وضع مساحيق التجميل، وارتداء الفساتين القصيرة التي تغطي شيئاً واحداً بعد الركبة.. لأن في ذلك الوقت كانت هناك بعض السيدات اللاتي يمثل الحجاب لهنَّ مجرد غطاءٍ على الرأس فقط..

نشأت سلمى على المحافظة على الأذكار كل صباح ومساءً، وعلى المحافظة على الصلاة في مواعيدها، وسماع قصص عن أخلاق الرسول والصحابه، منذ صغرها تحاول جاهدة أن تلتزم بالأخلاق الحميدة، أهلها دائماً يساعدونها على ذلك، لكنها أبداً لم تفكر في ارتداء الحجاب، خاصة أن حديثهم لم يكن يتطرق إليه، لم تكن تعلم أنه فرض.. لكنها علمت ذلك عندما ارتدته أمها..

أغلقت سلمى الهاتف بعدما اتفقت مع صديقتها ديمة أن يتقابلا في الغد الساعة الثامنة بدلاً من السابعة والنصف للذهاب معاً كعادتهما الي المدرسة، ديمة هي الصديقة المقربة لسلمى وتسكن معها في نفس الشارع، ديمة جميلة جداً، شعرها مموج فوق رأسها وملامحها رقيقة، ووجهها أبيض تعلوه الابتسامة ويزيدها جمالا

تلك الغمَّازات المحضورة على وجنتيها، تحب ممارسة الرياضة وتكوين الصداقات، لديها الكثير من الأصدقاء سواء من النادي، أو من المدرسة، أو من الشارع الذي تسكن به، ترى نفسها من أجمل بنات حيِّها ويزداد غرورها عندما تشعر بانجذاب واهتمام الآخرين بها، أما عن أسرتها، فلها أخ أكبر منها بسنة واحدة، وأخت أصغر منها بثلاث سنوات وعلاقتها بأسرتها متماسكة إلى أبعد الحدود؛ بالأخص علاقتها بأخواتها فهم أصدقاؤها المقربون قبل أن يكونوا إخوة لها..

في المرحلة الثانوية، كان الحجاب يغلف رؤوس الكثيرات من أصدقاء سلمى، لكنه في تلك الفترة كان بعيداً كلَّ البعد عن تفكيرها.. إلى أن تكلمت معها زميلتها خديجة المعروفة في المدرسة بالتزامها وتديُّنها.. وقالت لها إنَّ الحجاب فرضٌ ولا بدَّ للفتاة المسلمة أن ترتديه..

سلمى بالفعل مقتنعة أنه فرض ولكنها لم تقتنع أبداً بأنه من الممكن أن ترتديه قبل أن تلتزم في ملبسها، فهي ما زالت تلبس الجيبات القصيرة والشورت، وبالتالي ففكرة الحجاب مؤجلة بالنسبة لها..

ذات يوم أحضرت خديجة لسلمى كتاباً عن الحجاب، وقالت لها إنَّ عليها قراءته بتمعُّن وتركيز قبل فوات الأوان، وبالفعل بدأت بقراءته، وكان الكتاب يتحدث بأسلوب الترهيب مما جعلها تشعر بالخوف على عكس الكتاب الذي قرأته من قبل، فانتابها شعورٌ بأنها شديدة البُعد عن الله.. لأنها أصبحت بالغة، ووجب عليها شرعاً أن ترتدي الحجاب وترتدي الملابس المحتشم الذي يداري مفاتها، وحاولت أن تتناقش مع أهلها في ذلك الأمر..

استغرب والدها الخوف الشديد الذي يُلَوِّن وجه ابنته، قرأت عن الجحيم وما أُعدَّ للعصاة، والكتاب جعلها تفكر في جهنم، حاول والدها أن يهدئ من رُوعها:

- سلمى يا حبيبتي! الحجاب فعلاً فرض، وربنا إن شاء الله يكرمك بيه، بس أنا شايف إنك مش مستعدة للخطوة دي، الحجاب مسئولية ولازم تلتزمي بشروطه، مينفعش تكوني محجبة ولا بسه ضيق، مينفعش تكوني محجبة ولا بسه قصير، خطوة خطوة وربنا يعيناً جميعاً على طاعته.

حديثه هدأ من رُوعها، نظرتها تتفق مع نظرة أبيها، قالت لنفسها

إن خطوة الحجاب تحتاج بالفعل إلى خطوات تسبقها حتى تكون صحيحة..

وعندما جلست مع خديجة يوماً آخر، تناقشنا معاً في مضمون الكتاب، وأن الحجاب بعيدٌ عن تفكيرها في تلك الفترة، وأنها ستفكر في الأمر لاحقاً فقالت لها خديجة:

- بعدين، بعدين امتي؟؟ كمان انتي ضامنة بييجي عليكي بعدين، ما انتي ممكن في أي لحظة تموتي، هتقابلي ربنا ازاي، وانتي متبرجة، طيب هتقولي لربنا إيه؟

ولأن سلمى بطبيعتها تخاف الله، وتتمنى الجنة وتخاف من عذاب النار، أحست بالفزع من كلام خديجة مما كان سبباً في سكوتها وعدم قدرتها على أن تتفوه بأي كلمة، فنظرت خديجة لها قائلة:

- ربنا يهديكي!

استمر تفكيرها في ذلك الموضوع أياماً طوال، والتفكير في كلام خديجة أكثر، فكلامها مخيف ومرعب.. ثم انشغلت في امتحانات الثانوية العامة وتركت أمر الحجاب إلى أن يشاء الله..

انتهت المرحلة الثانوية، والتحقت ديما بكلية التجارة جامعة حلوان،

أما سلمى لم تتمكن من الالتحاق بكلية الإعلام التي كانت تتمناها، واختار لها مكتب التنسيق كلية الآداب قسم اللغة الإنجليزية بجامعة عين شمس..

حزنت كثيراً لأنها منذ صغرها تحلم بالعمل في مجال الإعلام، وتحلم أن تصبح مذيعة مشهورة ومحترمة.. تقدم برامج هادفة تفيد الناس والمجتمع.. ولكن حياة الإنسان ومستقبله ليس ملك يديه يصرفه كيفما شاء...

إنها المشيئة التي لا دخل لنا فيها، فنحن نجتهد لكن ليس علينا إدراك النجاح.. فالحياة تدفعنا إلى مسالك لو خُيرنا بينها وبين ما نحب لما اخترناها وما سلكتها.. فالأمر ليس منه بُدُّ.. وعلينا ألا نزدري ولا نستخف بأي مجال فربما يكون هو الأفضل..

رغم كرهها لدراسة الآداب، إلا أنها قررت أن تجتهد في كليتها، وأن تضع حلمًا آخر وهو النجاح بتفوق في دراستها التي اختارها الله لها، دون أن تتنازل أبدًا عن حلمها في أن تصبح مذيعة يومًا ما، ولكن أصبح أمر الإعلام بالنسبة لها مؤجلًا إلى أن تنتهي من المرحلة الجامعية بنجاح..

وعندما التحقت بالجامعة، قابلت كثيراً من البشر؛ فهناك الفتاة المتبرجة التي لا يدل مظهرها أبداً على أنها فتاة جامعية، وهناك الفتيات اللاتي يرتدين النقاب ولا يظهر منهن سوى العينين، وهناك من هم مثلها في الملبس وأيضاً لا يرتدين الحجاب، وهناك من ترتدي الحجاب دون مراعاة لملبسها الذي لا يليق به.. وهناك من ترتدي الحجاب بمفهومه الشرعي فهو لا يصف ولا يشف..

ونفس الحال بالنسبة للشباب فهم أشكالٌ وألوان، فمجتمع الجامعة مختلف تماماً عن المدرسة، فالجامعة عالمٌ آخر، تختلف شخصيته وتكويناته..

التحقت خديجة أيضاً معها بكلية الآداب، ولكنها كانت في قسم آخر فلم تكن تراها إلا قليلاً جداً، وتعرّفت في الجامعة على مجموعة من البنات والشباب الذين أحسّت أن تفكيرهم قريب منها وسعدت جداً بتعرفها عليهم والقرب منهم..

معظم زميلاتهن كنَّ يرتدين الحجاب، ليس الحجاب الشرعي ولكن الطرحة القصيرة، والبنطال والقميص، وكانت أخلاقهن عالية.. فهن مثلها ملتزمات بالصلاة ويتعاملن باحترام مع الجميع..

فكرت سلمى جدياً في أمر الحجاب، فهي ترى أن كل ما تحتاجه أن تغطي ذراعيها، وأن ترتدي ملابس لا تكشف، والموضوع ليس صعباً..

وبالرغم من أن والدها ووالدتها حاولا نصحتها بأن تفكر جيداً في تلك الخطوة خوفاً من أن تكون ليست مقتنعة تماماً فيأتي اليوم الذي تخلعه فيه.. ولكنها لم تسمع لكلامهما..

عندما ذهبت للجامعة تلقت التبريكات والتهاني من كل من حولها، وكانت سعيدة جداً بتلك الخطوة وسعيدة بفرحة أصدقائها لها.. وفرحت أيضاً دوماً لها التي رأتها صديقة أثناء عودتها من جامعتها، أصبحت علاقة دوماً بسلمى عبارة عن مكالمات هاتمية فقط رغم أنهما يسكنان نفس الشارع، لكن مواعيد دراستهما وعدم تواجدهما في جامعة واحدة، وانشغالهما جعل كل واحدة منهما في وادٍ بعيدٍ عن الأخرى..

ذات يوم وبعد شهر من حجابها قابلت خديجة بالصدفة، كانت تنتظر أن تراها بفارغ الصبر حتى ترى حجابها وتسعد به، ولكن للأسف لم يحدث ما توقعته، فخديجة عندما رأتها قالت لها

بأسلوب غريب:

- ده ماسموش حجاب يا سلمى، البنطلون الضيق ده مينفعش على الحجاب!

صدمت سلمى من كلام خديجة لها، وأطرقت إطراق الذَّاهل الذي يسمع لكنه لا يُقرُّ ما يسمعه ويعيه، فلم تستوعب ما قالته بعد، ولم تسمع باقي حديثها لشدة صدمتها..

وذهبت إلى البيت باكية، متعجبة من هذا الأسلوب الفظِّ معها، تتساءل لماذا يوجد أناس تخصصوا في الهدم بدلاً من البناء؟ لماذا يوجد أشخاص يحاولون نزع فرحتك والتقليل من شأنك ومن شأن أي شيء جميل تحاول القيام به؟ ولماذا يُشعرونك بأنك ارتكبتَ إثمًا لا سبيل للتوبة عنه؟

ولكن سلمى حاولت أن تتجاهل كلامها، تعرف في قرارة نفسها أنها تسعى إلى رضى الله ما استطاعت إلى ذلك سبيلاً، ولكن من الصعب عليها أن تلتزم بكل الخطوات مرة واحدة..

فالله الذي هداها للحجاب قادر على زرع اكتمال الحالة في عقلها، وربما في الغد ستجد نفسها تلتزم التزاماً كلياً..

في نفس اليوم اتصلت بها خديجة واعتذرت لها على كلامها وباركت
حجابها وعبرت عن حبها الشديد لها لذلك فهي تريدها أن تكون
من أفضل البنات وأكثرهم التزاماً..

كانت جميلة الأسلوب هذه المرة، لمست قلب سلمى بكلامها الطيب،
تهلل وجه سلمى وتقبلت اعتذارها وشكرتها على مكالمتها الجميلة
التي أسعدتها كثيراً.. أغلقت الهاتف والسعادة تغمرها، وأمسكت
بقلمها والمفكرة الصغيرة التي تُدوّن فيها ما تشعر به وكتبت:

«حقاً، للكلام الطيب أثرٌ طيبٌ في نفوس الآخرين، كالشجرة
المثمرة، فالشجرة تؤتي ثمارها الطيبة، وتُظِلُّنا بظلها وتُعطينا ما
يلزم للحياة، فكما وهب الله الشجرة كل هذه المميزات فكذلك
الكلمة الطيبة دائماً مثمرة ونافعة..»

مرت الشهور، وتفوقت سلمى في السنة الأولى في كلية الآداب،
جعلت كل تركيزها في كليتها ودراستها، فهي لا تهتم مثل بنات
سنها بالحب والارتباط، ولا تهتم بالذهاب الى النوادي والكافيهات،
هي فقط تهتم باحلامها، وتفكر في كيفية الوصول إليها بأي وسيلة

متاحة، حلمها محدد ولديها رغبة جامحة لتحقيقه مهما كلفها ذلك، وهذه الرغبة تملأ عقلها وقلبها.. واستمر نجاحها في السنة الثانية، وفي السنة الثالثة عرض عليها صديق والدها التدريب كمرشدة سياحية في شركته، فهو يعلم أنها تتقن اللغة الإنجليزية والفرنسية، واللغة الألمانية لديها ليست بالسيئة..

استبشرت ورحبت جداً بهذا العرض وذهبت إلى شركته السياحية، انبهرت بكل ما فيها، مظهر الموظفين، ولباقتهم في الكلام، وزاد ذلك الانبهار عندما بدأت تذهب إلى الأماكن السياحية بصحبة الأجانب والمرشدين الذين تعلمت منهم كثيراً..

تعرفت على كثير من الجنسيات، فهناك سياح كانوا يأتون للتنزه في مصر أسبوعاً أو أقل، ولكن كانوا يظلون على تواصل معها حتى بعد عودتهم إلى أوطانهم، فوجود مواقع التواصل الاجتماعي سهلت التواصل بين الناس في جميع البلاد، فكأننا نعيش في مكان واحد وليست بلاداً متفرقة بعيدة كل البعد عن بعضها البعض..

تخرجت سلمى من الجامعة.. ولأنها متفوقة تفوقاً شديداً التحقت بالعمل في إحدى الشركات الكبرى متعددة الأفرع في كل أنحاء

العالم.. ولكن ذلك لم يمنعها عن رغبتها في تحقيق حلمها في مجال الاعلام، وكانت لا تتأخر عن تقديم سيرتها الذاتية لكل القنوات التي تفتح مجالاً للتوظيف..

كانت صديقتها سوليمر التي عرفتھا خلال فترة تدريبها في الشركة تلح علیها كثيراً لتذهب لقضاء بضعه أيام معها في إسبانيا؛ فكثرًا ما حدثتها عن الأماكن الجميلة هناك وعن جزر البليار وكنيسة العائلة المقدسة التي يأتيها السياح من كل أنحاء العالم، ولكن دائماً سلمى ما كانت تواجه الاعتراض من أبيها وأمها، بحجة أن تقاليد مجتمعنا لا تسمح للفتاة بأن تسافر بمفردها خارج البلاد.. وشاء الله أن يكون خالها ذاهبًا إلى إسبانيا لمدة أسبوع لقضاء أعماله هناك، ومن ثمّ سيسافر إلى فرنسا أسبوعًا آخر، فعرض عليها أن تذهب معه وتقضي أول أسبوع في إسبانيا معه ومع سوليمر وعائلتها على أن تقضى معهم النهار فقط وتتجه إلى الفندق ليلا للمبيت مع خالها، وتقضى ليلتها وتنام بالغرفة المجاورة له.

وبالطبع رحبت سلمى بالفكرة وساعدها خالها في إقناع أهلها بالموافقة..

أسعد لحظات حياتها عندما وافق أهلها على السفر، وأبلغت سوليمر أنها ستصل إسبانيا بعد بضعة أيام..

وبدأت رحلتها إلى إسبانيا، التي غيّرت فيها الكثير، حقًا إنها بلد جميلة بكل ما تحمله الكلمة من معنى..

استقبلتها سوليمر في المطار، وذهبت معها هي وخالها حتى تترك حقائبها في فندق « فينسي البيزن » الذي يقع في وسط غرناطة ويتميز بالطراز الأندلسي ، على أن تكمل باقي اليوم معها، وبالفضل ذهبت سلمى معها إلى بيتها، وتعرفت على عائلتها..

تلقت سلمى ترحابًا لم تتلقه في أي مكان من قبل، قابلت والدة سوليمر سلمى بابتسامه عريضة مليئة بالإشراق والأمل، قابلها والد سوليمر وهو يحمل بعض الورود ليعبر لها عن فرحته بزيارتها لهم، أما أخواتها الصغار فقد استقبلوها بحفاوة بالغة..

ذهبت سلمى معها للنزهة ولمشاهدة بعض الأماكن الرائعة في إسبانيا، بدأت الرحلة بجزيرة «إيبيزا» وهي جزيرة من جزر البليار، تقع جنوب إسبانيا وسط البحر المتوسط، تشتهر بحياة الليل والحفلات؛ حيث تحتوي على الكثير من النوادي الليلية، كما

أن بها الكثير من المطاعم الساحرة التي تطل علي البحر..

استمتعت سلمى بالجزيرة أيما استمتاع، كما استمتعت أيضا سوليمر رغم أنها كثيرا ما قامت بزيارتها، لكن تلك المرة كانت مختلفة، لأنها معها صديقتها، مما زاد من فرحتها واستمتاعها بشواطئ الجزيرة الرملية وسمائها الزرقاء الصافية وبحرها الرائع الشفاف الذي يشبه الكريستال وموقعها المتميز جعلها غاية في الروعة والجمال، والطبيعة الساحرة والأجواء الممتعة كادت أن تسيها عالمها تمامًا؛ عالم لم تحلم به يوماً، شعرت كأنها تتجول في لوحة سحرية بالألوان الطبيعية..

ثم عرضت عليها سوليمر أن ينتقلا إلى شاطئ «سيس سالينيس» الذي يبعد حوالي ١٠ كم عن الجزيرة، ويعتبر من أهم الشواطئ في إسبانيا، فهو شاطئ طويل رملي دائماً ما يقصده السائحون للاسترخاء والاستراحة من أي ضغوط، حتى أن كثيراً من الزوجات في دول أوروبا يخافون أن يذهب أزواجهن إليها وحدهم، فهناك دراسة تسمى «رحلة الحب» أوضحت أن نسبة كبيرة من السياح عندما يريدون نسيان حبيباتهم يلجئوا إلى تلك الجزيرة، كما أنها يطلق عليها أيضاً من قبل بعض الناس «عش الحب»..

وبعد يومين اصطحبتها سوليمر ووالديها إلى برشلونة لزيارة كنيسة «ساغرادا فاميليا» أو كنيسة العائلة المقدسة التي تعتبر نبض برشلونة، وتعد الكنيسة من أضخم الكنائس في أوروبا..

ذُهِتِ سلمى من ذلك الصرح الضخم ونظرت إلى صديقتها قائلة:

- أنا مش مصدقة يا سوليمر!! معقولة فيه أماكن في العالم روعة كدة!! كمان المكان فيه روحانية جميلة.

فابتسمت سوليمر قائلة إن ذلك الصرح الضخم مليء بتلك الروحانية؛ حيث إن المهندس المعماري الذي قام بإنشائه «أنطوني جاودي» كان متمسكاً بديانته المسيحية الكاثوليكية، مما جعله يُسَخَّرُ سنوات عمره في تصميمات مميزة للكنائس، حتى أنه أُطلق عليه في برشلونة «قديس الفن المعماري»..

مبنى الكاتدرائية ضخم جداً، وله ثلاث واجهات مختلفة هي واجهة الشوق، واجهة النصر، وواجهة المهد؛ فلكل واجهة تصميم مختلف عن الأخرى، وكل واجهة تحكي قصة مختلفة في حياة المسيح..

ما لفت نظرها أكثر هو طبيعة الناس.. فالابتسامة لا تُفارق الوجوه.. والحياة مُفعمة بالحب، وعندما يعرف أحد أنها مصرية يزيد

الترحاب بها والحديث معها عن حبهم لمصر، كانت سعادتها..
أقرب إلى يمامة تتهادى في الفضاء الكبير..

أوشكت الرحلة على الانتهاء ولم يتبق سوى يومين فقط، انفتحت سلمى مع سوليمر أنهما سيقضيا يوماً في التسوق وشراء هدايا تذكارية لأهل سلمى وأصدقائها، واليوم الآخر سيقضياه في مدريد العاصمة لزيارة «القصر الملكي» أو كما يسمى «قصر ريال مدريد» وبالفعل قضياً اليوم الذي يسبق سفرهما في مدريد، فالقصر الملكي بمدريد هو المقر الرسمي للعائلة الملكية في إسبانيا، ولكنهم يستخدمونه فقط في الاحتفالات الدولية والمناسبات، وباقي الأيام مفتوح للجمهور لزيارته والاستمتاع به، فيعتبر قصر ريال مدريد ثاني أكبر القصور في أوروبا الغربية بعد قصر اللوفر..

انبهرت سلمى فور دخولها للقصر الذي تم بناءه بالحجارة البيضاء والجرانيت والرخام، والذي يتكون من ثلاث طوابق رئيسية إلى جانب ثلاث طوابق أخرى تحت كل طابق رئيسي، وبه العديد من النوافذ التي تزيد عن ٨٠٠ نافذة تطل على الفناء الكبير..

شعرت سلمى بعبق التاريخ من خلال ذلك القصر الضخم، فكان يحتوي على العديد من الغرف والقاعات التي تضم الكثير من التماثيل القديمة، والأثاث والسجاد واللوحات الجدارية، إلى جانب المعارض التي تحتوي على لوحات فنية رائعة من بينها لوحات للفنان فيلاسكيز وكارافاجيو..

رأت سلمى خلال رحلتها لإسبانيا أخلاقاً راقية ورائعة لم ترها من قبل، رأت مساعدة جميع من حولها لها بحب واحترام..

في إسبانيا لا يوجد شخص يتدخل في حياة الآخر، لا يوجد تحرش رغم أن النساء تمشي شبه عارية في الشوارع العامة بكل حرية وارتياح.. هناك رقي وسمو في الأخلاق..

عرفت سلمى من سوليمر أن تلك البلد لا يوجد فيها ديانة محددة، فهناك الكثير من الملحدين وهناك أيضاً نسبة من الديانة الكاثوليكية التي تنتمي لها سوليمر، وهناك قليل من المسلمين ولكنها لم تلتق بهم خلال رحلتها..

عرفت أيضاً منها أن المدارس هناك تضع الطلاب بين خيارين، إما دراسة الدين الكاثوليكي كمادة دراسية، أو استبداله بمادة

الأخلاق، فالأخلاق هناك تدرس في المدارس.. وتظهر فعلا في كل تعاملاتهم وصفاتهم..

رأت هناك الكثير من صفات المسلمين من السمو النفسي والتسامح والترحيب بالزوار واحترام النظام والقانون الذي يطبق على الصغير قبل الكبير، على الرغم من أنها لم ترَ أي شخص مسلم..

كانت دائمة المقارنة بين كل ما تراه هناك وبين ما تراه في مصر، رغم حبها وعشقها لمصر إلا أنها تمنّت أن تعيش في مكان مثل هذا، أن تعيش في مكان يحترم حقوق الآخر، أن تعيش في مكان يوجد فيه عدالة وحرية واحترام..

أستعدت سلمى لمغادرة ذلك البلد الجميل الذي ذابت فيه عشقًا، وبعد أن جهزت حقائبها أمسكت بمدونتها وقلمها وكتبت ما تشعر به :

«مرّ الأسبوع كأنه عدة ساعات، الأوقات الجميلة دائماً تمر بسرعة رهيبة كسرعة البرق، لذا يجب علينا أن نستمتع بها قبل أن تمضي وتتركنا لأنها لا تعود بسرعة بل نظل ننتظر مثلها أياماً وشهوراً وربما

سنوات، فهي تشبه النجوم عندما نبدأ بالاستمتاع برؤيتها تفاجئنا باختفائها مع خيوط الفجر الأولى على عكس الأوقات السيئة التي لا تمر من الأساس..

انتهت رحلتها في إسبانيا وسافرت مع خالها إلى فرنسا على وعد من سوليمر أن تأتي هي لزيارة مصر خلال الأشهر القادمة.. كان الاتفاق مع أهلها على أن طيلة الأسبوع في فرنسا ستقيم عند خالتها دعاء، فخالتها تزوجت منذ ثلاثين عاماً وسافرت إلى فرنسا ولا تأتي مصر إلا كل خمس سنوات مرة واحدة..

استقبلتهما سارة ابنة خالتها في المطار، علاقتها بسارة سطحية جداً، عبارة عن بعض الرسائل من خلال البريد الإلكتروني في المناسبات والأعياد، «مع العلم بأن هذه العلاقة هي العلاقة العصرية التي تنشأ بين الناس والأقارب في البلد الواحد مع قرب المسافات بينهم» ورغم أن فارق السن بينهما ليس كبيراً فهي تكبر سلمى بثلاث سنوات، حاولت سلمى كثيراً في الماضي أن تتقرب منها وأن ترسل إليها الكثير من الرسائل لكن سارة كانت كثيراً لا تجيب على رسائلها..

استقبلتهما سارة وهي ترتدي (هوت شورت جينز وبادي) بحمالة واحدة، سارة شديدة الجمال؛ شقراء وعيناها زرقاوتين،

عندما وقعت عين سلمى على سارة فرحت كثيرا، على عكس الحال من سارة التي استغربت سلمى وأسرعت على خالهما واحتضنته، ونظرت نظرة مليئة بالاستغراب إلى سلمى، لم تقهم سلمى سر هذه النظرة، ولكن سرعان ما ابتسمت كلتاهما وتبادلتا السلَامات والقبلات..

وفي الطريق رأت سلمى ما لم تره عيناها قط؛ فهم يسكنون بالقرب من شارع الشانزليزية الشهير بالعاصمة الفرنسية باريس، طوال مدة الطريق وسارة تشرح الشوارع والأماكن الجميلة التي يمرون عليها، وتعد سلمى برحلة ممتعة خلال الأسبوع..

وصلوا إلى منزل الخالة، فهو منزل راقٍ مليء بالتحف الجميلة واللوحات المرسومة، لم تر سلمى خالتها منذ عشر سنوات، لكنها دائما ترى صورها عند أمها، فخالتها جميلة جداً وأنيقة في ملابسها، شعرها الذهبي الفاتح يزيد بشرتها البيضاء جمالاً، جلسوا سوياً وكان وقتاً ممتعاً، إلى أن استأذن الخال حتى يباشر أعماله على أن

يأتي لتناول الغداء معهم بعد يومين..

طلبت الخالة من سارة أن تصطحب سلمى إلى الغرفة التي ستقيم بها حتى ترتاح من تعب السفر، وذهبت سارة إلى مشوار ما على أن تعود بعد قليل لقضاء الباقي من اليوم مع سلمى..

ومرت ساعات اليوم وسلمى مستغرقة فى نومها، وعندما عادت سارة أيقظت سلمى من نومها، واستعدت للذهاب مع سارة لقضاء وقت ممتع، وعندما وقعت عين سارة على ملابس سلمى سألتها باستنكار شديد:

- أنتى هتنزلي كده..

فنظرت سلمى لها بحيرة وقالت:

- مالي كده!؟

ظلت سلمى فى حيرة عندما صممت سارة، سألت نفسها ترى ماذا تقصد سارة؟، هل ألوان الملابس غير متناسقة؟ أم أن هناك شيء آخر؟

نزلا سوياً بعد تلك النظرات الصامتة، ذهبا إلى برج إيفل؛ فهو رائع فعلاً مثلما كانت سلمى تقرأ عنه، جلسا فى الطابق الثاني به

في مطعم «لوجون فيرن» كان منظر باريس من داخل البرج رائعًا، شيء خيالي من الجمال والروعة..

تحدثت معها سارة عن طبيعة عملها وعن حياتها في باريس، وإذا بشاب طويل يلبس حلقًا في أذنه ويأتي إلى جانبها ويحتضن سارة ويُقبلها، لم تتعجب سلمى من ذلك المنظر فعملها كمرشدة سياحية عرفها على كثير من الثقافات، ولكنها لم تتوقع أن تكون سارة متأثرة بثقافة فرنسا لهذا الحد، ولم يُجل بخاطرها كل هذا الانسلاخ من العادات والتقاليد العربية التي تربت عليها بكل أشكالها ومظاهرها، ولكن حاولت أن تُخبئ دهشتها، عرفتها سارة على مايكل وقالت لها إنه صديقها منذ الطفولة، وقضى الثلاثة وقتًا جميلًا معًا ثم عادت سارة وسلمى إلى المنزل..

وفي اليوم التالي قررا التسوق في شارع الشانزليزيه الشهير، كانت سلمى سعيدة جدًا بزيارة ذلك الشارع ولكن سعادتها للأسف لم تكتمل، فقد رأت بأم عينيها نظرات استنكارية من كثير ممن حولها، كانوا ينظرون لها على أنها شيء غريب، ليتها كانت نظرات استنكارية فقط، لكن هناك البعض كان ينظر نظرات استهزائية مقززة، كأنها صندوق من القمامة يسير بجانبهم..

لم تقوَ سلمى على التماسك وسالت دموعها وطلبت من سارة أن يعودا إلى البيت، ولأول مرة تشعر سلمى أنها ضعيفة الإيمان، كان عليها أن تكون فخورة بحجابها ولا تبالي بنظرت الآخرين، كان عليها أن تشعر بأن حجابها تاجٌ على رأسها، أن تكون متماسكة وفخورة بحجابها وفخورة أكثر بالتزامها بأوامر دينها وفروضه، ولكن للأسف لم يحدث أي شيء من تلك الأشياء..

حاولت سارة تهدئتها وشرح الأمر لها، أوضحت لها أنه منذ فترة وفرنسا والفرنسيون يكرهون الحجاب أو أي مظهر إسلامي، وأنهم يخافون من زيادة عدد المسلمين في البلد..

قالت لها إن ذلك المنطق العلماني لا يتحكم فقط في الشوارع ولكنه وصل أيضاً إلى المدارس والجامعات، فلا يحق للطلاب أن يظهروا بأي مظهر أو رمز ديني مثل الحجاب بالنسبة للمسلمات والصلبان الكبيرة التي توضع على الصدر بالنسبة للمسيحيين، والقلنسوة اليهودية بالنسبة لليهود، وقالت أيضاً إن المسلمين يشعرون أن هذا القانون وُضع مخصصاً لمنع الحجاب ولكنهم حتى يتجنبوا الفتنة منعوا جميع المظاهر الدينية الأخرى..

تذكرت سلمى النظرة التي نظرتها سارة لها عندما رأتها أول يوم في المطار وأدركت مغزاها، فكانت تلك النظرة بسبب حجابها، لأن بالنسبة لبلدهم في تلك الأيام كان شيئاً مضطهداً ويسبب الكثير من المشاكل..

أصبحت سلمى في حيرة فلم يتبق سوى أربعة أيام على انتهاء رحلتها وعودتها إلى مصر، ليس من المعقول أن تقضيها في البيت، سألت سارة إذا كانت هناك أماكن يمكن زيارتها ولا يؤثر مظهر الحجاب فيها، ولكن سارة أوضحت لها أنها السنة الثانية لهذا الاضطهاد، ومن الممكن أن تتعرض له في أي مكان تذهب إليه، شعرت سلمى بالحزن وبكت كثيراً، واتصلت بخالها لتحكي له، ولكنه طلب منها تأجيل الكلام إلى أن يحضر ويتحدثا سوياً..

والغريب في الأمر هو ما قاله لها الخال بخصوص ذلك الموضوع عند حضوره لهم، فقد قال لها:

- يا سلمى هما ٤ أيام فاقلمي الحجاب.

استغربت سلمى جداً من كلامه خصوصاً أنه على قدر كبير من التدبُّن، كان يدرس الدين والفقهاء في الأزهر الشريف، عبرت سلمى

بانفعال له عن رفضها لما يقوله وأنه يجب عليها الالتزام بدينها
وحجابها، فضحك الخال قائلاً:

- ما الدين برضه هو اللي قال كدة!

نظرت إليه صامته نظرة مليئة بالحيرة، نظرة تحتوي ألف سؤال،
فأكمل كلامه قائلاً:

- يا سلمى يا حبيبتي، ربنا أمر النساء بالحجاب عشان يكون سترة
لهم ويحفظهم من المعاكسات أو إن حد يبصلهم، فدلوقتي الوضع
مختلف، هنا لولبستي الحجاب ده اللي ممكن يخلى الناس تضايقك
بنظرتهم وتعليقاتهم وهيلفت نظر الناس ليكى لأنه غريب عليهم
فطبيعى الكل هيبص على الشئ الغريب، فانا من وجهة نظرى
شايف أن بالعكس انتى ملزمة إنك تقلعيه عشان تحفظي نفسك.

وبعد مناقشات طويلة بينهما، لم تقتنع سلمى بما قاله الخال،
وقررت أن تقضي الباقي من الأسبوع بحجابها، لكن ليس من
الضروري أن تذهب إلى الأماكن المزدحمة، والأهم أن تحاول ألا
تهتم بنظرات من حولها..

انتهت رحلتها إلى فرنسا وعادت مع خالها إلى مصر، طيلة رحلة

الطيران تدور في رأسها مئات الأسئلة فيما حدث معها.. تفكر في كلام خالها بخصوص نزعها لحجابها في فرنسا، وبعد التفكير الطويل لم تقتنع به بالمرة، فهي غير مُجبرة على نزع حجابها خصوصًا أنها في تلك البلد للنزهة ليس لأمر ضروري يضطرها أن تتعامل مع أهل البلد والمضطهدين للحجاب..

وفكرت كثيرًا أيضًا فيما رآته من خالتها من عدم الالتزام بالحجاب أو الملابس المحتشم على الرغم من أن جدها رحمه الله كان عالمًا من علماء الأزهر، وأن أمها وخالتها تربيًا على الأخلاق والدين، ثم تذكرت أمها فهي أيضًا لم ترتد الحجاب إلا بعد سن الخامسة والثلاثين وكان جدها على قيد الحياة، كيف كان الجد يرى ذلك ولا يتكلم وهو رجل الأزهر الذي يُعلم الدين للناس، كيف له أن يكون شيخًا كبيرًا وابنته لم ترتد الحجاب وتلتزم بتعاليم الدين، أسئلة كثيرة دارت برأسها ولم تجد لها إجابة شافية..

بدأت سلمى في قراءة كتاب جديد، وبعد أن قرأت عشر صفحات أحست بملل شديد فأرادت أن تغير من ذلك الشعور، أغلقتة ووضعتة جانبًا وأخذت تبحث عن مدونتها الصغيرة لكن لم تجدها، فتناولت قلمًا وأقرب ورقة لها وبدأت في كتابة ما يجول في خاطرها:

«إن معرفة الدين وتطبيقه تختلف من شخص لآخر.. فتجد من الناس من يعرف الدين جيداً ولكنه لا يطبقه، رغم أن بعض هؤلاء الأشخاص بارعون في الحديث عن الدين وهم لا يلتزمون بتعاليمه، ويوجد من الأشخاص من لديهم حماسٌ كبيرٌ نحو الدين ويحاولون تطبيق كل شيء رغم أنهم لا يعرفون الكثير عنه».

بعد عودتها مصر.. كان أول ما قررت فعله هو الذهاب لدار الإفتاء لمعرفة رأي العلماء في كلام خالها، وهل يجوز لها خلع الحجاب في البلاد التي تضطهد المحجبات، وأجابت دار الإفتاء بأنه لا يجوز خصوصاً أنه لا توجد ضرورة من تواجدتها في تلك البلد.. ارتاحت سلمى وحمدت الله الذي هداها أن ترفض كلام خالها ولم تعمل به..

وبعد أيام.. ذهبت سلمى لزيارة ديمة صديقتها، فمنذ خمس سنوات بدأت تضعف العلاقة بينهما أكثر وأكثر، عندما تعرفت ديمة على صديقة لها من الجامعة تسمى نرمين، وأحببتها كثيراً، فشعرت سلمى أن ديمة تحاول الابتعاد عن كل الأصدقاء وتكتفي بصديقتها الجديدة.. لكن ذلك لم يمنعها من اللقاء كل فترة..

وبعد أن كانت تراها سلمى مرتين أو ثلاث كل شهر، أصبحت تراها مرة واحدة كل شهرين أو أكثر، لكنها تلك المرة تشتاق لها فاتصلت بها لتحدد معها موعدًا وتفاجأت عندما عرفت من والدة ديما أن ديما مريضة، فذهبت لزيارتها على الفور..

وأثناء زيارتها لهم كانت ديما وأخوها وأمها يجلسون مع جيرانهم، سيدة يبدو أنها في أواخر الخمسين من عمرها ومعها ابنها في أواخر العشرين، جلست سلمى معهم لمدة ربع ساعة، ثم أخذتها ديما وجلسوا في غرفتها.. تحدثنا كثيرًا وحكت كل منهما عن أخبارها الجديدة.. حكّت ديما لسلمى عمّا تشعر به من مشاعر جميلة تجاه عمرو صديق محمد أخيها..

لكن سلمى استغربت كلامها فما تعرفه أن ديما مرتبطة عاطفيًا بشخص آخر يدعى هيثم وهو أيضًا صديق محمد أخيها.. وعندما سألتها هل تركت هيثم فكان ردها:

- والله يا سلمى زى ما أنتى عارفه أنا عمري ماحبيت هيثم، لكن أنا كنت شايفة أنه بيحبني جدًّا عشان كدة ارتبطت بيه، وطول ال ٦ شهور فترة ارتباطنا مقدرتش للأسف أحبه، فأنا قررت إنى إن

شاء الله هابعد عنه.

وعندما سألتها سلمى لماذا لم تبتعد عنه حتى الآن، رغم أنها بالفعل اتخذت قرار الابتعاد قالت لها ديما إنها لا تعرف كيف تقول له بعد تلك الفترة أنها سوف تبتعد وهو شديد التعلق بها وهي بالنسبة له كل الحياة، وأنها تنتظر الوقت المناسب حتى لا تتسبب له في جرح عميق..

فدار في رأس سلمى سؤال، بما أن هيثم وعمرو أصدقاء محمد أخيها فهل كليهما يعرف الآخر، ووجهت السؤال لديما فتهتدت ديما وقالت:

- هيثم أنتيم عمرو.

ذهلت سلمى مما قالتة صديقتها، فكيف تُعجب بشخص على علاقة قوية بالشخص الذي ترتبط به، وكيف لها أن تعجب بشخص من الأساس وهي على علاقة بآخر، وأحست أنها لا تفهم شيئاً فسألتها إذا كان إعجابها بعمرو متبادلاً، أم أنها تعجب به وهو لا يعلم شيئاً، فقالت لها ديما إنها معجبة جداً به وتشعر أنه يبادلها شعورها، ولكن لأنه يعرف جيداً أن هيثم صديقه يعشقها فهو يحاول أن

يداري مشاعره، ولذلك هي تتمنى أن تنتهي موضوع هيثم سريعاً لعل وعسى يعترف عمرو لها بحبه.. فقالت سلمى بنبرة صوت حزينة:

- بس يا ديما حتى لو كلامك صح وهو معجب بيكي، ممكن أوي لما تسيبي هيثم برضه ميفكرش في الارتباط بيكي لأن صاحبه بيحبك.

صمتت ديما كأنها لم تفكر في كلامها من قبل وقالت لها:

- والله يا سلمى أنا مش عارفة بكرة فيه إيه، بس أنا حاسة أوي إن هو بيحبني، ومش عارفه ليه حاسة انه هيكون من نصيبي من أول يوم شفته فيه ومن قبل حتى ما اعرف أي حاجه عنه أو حتى اسمه، عامة يا سلمى أنا كل اللي بفكر فيه دلوقتي أزاى هاقدر أنهي موضوع هيثم من غير ما أجرحه.

أنهت سلمى معها الحوار متمنية أن يرزقها الله الخير وحسن التصرف، عندما عادت سلمى إلى المنزل، وأثناء ركنها السيارة عند باب العمارة فوجئت بأخيها سيف وهو يمسك بسيجارة في يده، وعندما لمحها ألقاها في الأرض سريعاً، كان يظن أنها لم تره ولكنها رآته وحزنت كثيراً..

هل كبر سيف لذلك الحد لكي يشرب السجائر، أم أنه جرب شربها ليعرف مذاقها فاستهواه حتى أدمنها، أم أنهم قرناء السوء الذين يُعرضون غيرهم على القيام بهذه العادة السيئة، أم أنها قلة الوعي الديني والاجتماعي بخطورة هذه العادة المقيتة، بالفعل لم يصبح سيف الصبي الصغير الذي كانت تخرج من المنزل تتسحب على أطراف أصابعها حتى لا يراها ويبكي لتصطحبه معها، لقد كبر وأصبح في السادسة عشر من عمره..

أخذت تفكر كثيراً فيما يجب عليها أن تفعله، هل تُخبر أمها وأباها بما رآته وهما يتوليان التصرف معه، هل تصمت وكأنها لم تر شيئاً، هل تتحدث معه وتحاول نصيحته، وهل إذا قدمت له النصيحة سيتقبلها منها، فهو بعيدٌ كل البعد عنها، هما إخوة في شهادات الميلاد فقط ولكن لم يحدث يوماً أن خرجا سوياً دون أبيهما وأمهما، لم يحدث أن تحدثا سوياً في مشكلاتهما أو تبادلوا الأفكار..

أحست سلمى بتقصير كبير تجاه أخيها سيف فهي أخته الكبيرة وكان يجب عليها أن تأخذ الخطوة الأولى في التقرب منه، قررت ألا تقول له شيئاً عن موضوع السجائر، وأن تحاول أولاً أن تتقرب

منه وتكسب ثقته حتى يكون من السهل عليها أن تتصححه وأن يتقبل نصيحتها..

وبالصدفة وأثناء عملها عرفت أن هناك رحلة لأسوان رشحها مديرها لها حتى تقوم باصطحاب الفوج السياحي، ففكرت أن تقول لسيف ويأتي الرحلة وبالتالي تكون فرصة مناسبة لتتقرب منه..

فعندما عادت إلى المنزل، كان سيف بغرفته، فدخلت إليه ولكنه لم يشعر بها، جالس منكباً على جهاز الكمبيوتر، ويضع السماعات في أذنيه ومنهمك في اللعب عليه، فقالت له وهي تضع يدها على كتفه: - إيه يا سيف يا حبيبي، أنا بقالي ٥ دقائق جمبك، أنت مش حاسس بيا؟

فضحك سيف وهو يرفع السماعات من على أذنه وقال:

- سوري يا سلمى، أصل صوت الأغنية عالي أووى فمخدتش بالي، عاملة إيه؟

وبعد أن اطمأنا على بعضهما قالت إن هناك رحلة لأسوان وإنها تتمنى أن يكون معها، وكان رده:

- قشطه لوصحابي فاضين نطلع كلنا »

- تمام، ولو يعنى مش فاضين مش هتيجى معايا؟

- إن شاء الله يكونوا فاضين وينفع، انتي هنكوني مشغولة عني،

فهيكون أحسن لو اصحابي معنا

فقالته له بغيظ:

- تمام مفيش مشكلة.

وشرح لها إنهم بنتين وولدان غيره، فأوضحت له أنه لا توجد أي مشكلة لكن عليه أن يتأكد أولاً منهم، وأن يأخذوا الموافقة من أمهاتهم، ثم يقول لها الأسماء حتى تسجلها في الرحلة، شعرت من نظرتة أنه مستغرب الموقف لأنها أول مرة تصطحبه معها لرحلة، أو حتى تفكر في الخروج معه، ولكن في نفس ذات الوقت شعرت أنه سعيد جداً بذلك..

ذهبا إلى الرحلة وكان أصدقاؤه معهما، كانت سلمى تقضي بعض الوقت مع الفوج السياحي والباقي مع سيف وأصدقائه.. وعرفت أن سيف يرتبط عاطفياً بزميلة له في المدرسة تسمى «شهد» والغريب أنها عرفت أنه يرتبط بها منذ أكثر من ثلاث سنوات، وأن أمها على علم بالموضوع هي وأباها.. شعرت حينها أنها بعيدة كل البعد عن

أهلها وأخيها، أحست للمرة الثانية بتقصيرها تجاههم، يبدو أن انشغالها بالعمل وبتحقيق طموحاتها أنساها أن لها أهلاً وأخاً لهم عليها حق..

شهد بنت جميلة وعلى خلق، شعرت سلمى أن حب سيف وشهد قويٌّ جداً رغم صغر سنهما، الحقيقة رغم أن سلمى في السادسة والعشرين من عمرها، إلا أنها لم تجرب الحب بعد ولم تفكر في الارتباط من الأساس.

تحدثت مع سيف وكانت أول مرة تتكلم معه في مواضيع خاصة، أول مرة تقترب منه بهذا الشكل:

- أنا فاكراً أن ماما قالتك عن شهد، هي معايا في المدرسة من وأنا صغير بس محبناش بعض غير من ٣ سنين، وأنا قولت لماما من سنة تقريباً وقابلتها بطنط نهلة والدة شهد في النادي.

فقلت له وابتسامة تزين شفيتها

- بس مش شايف يا سيف أن لسه بدري أوي، وأن أصلاً انتوا صغيرين وده سن مراهقة، ممكن أصلاً مشاعركم تكون مش صح، وميكنش اللي بينكم ده حب؟

جاوبها سيف بابتسامة مماثلة:

- لما ابقى عايش ٣ سنين مش بشوف غيرها أبقى بحبها، لما ابقى بأحسن من نفسي عشان أكون جدير بيها أبقى بحبها، لما اجتهد في دراستي وحياتي عشانها أبقى بحبها، لما اتخيل أنها أم لأولادي أبقى بحبها، أما أحافظ عليها حتى من نفسي عشان ربنا يكتبنا الخير وتكون من نصيبي ابقى بحبها.

استغربت سلمى من كلام سيف، كيف لشاب في سن السادسة عشرة أن يقول من قلبه كل هذا الكلام بكل ذلك الإحساس.. شعرت بحبه لشهد من كل كلمة قالها ومن نبرة صوته ومن نظرات عيونه، فرحت جداً بذلك الحب، وفرحت أكثر باقترابها منه وكلامها معه..

وأنثناء حديثها معه، أخرج من جيب الجاكت الخاص به علبة السجائر وقال لها:

- يضايقك لو شربت سيجارة؟

ولكنها نظرت إليه دون أن تتكلم فقال لها:

- أكيد مش هتقولى لماما وبابا، صح؟

- أكيد مش هقول، بس ليه كده يا سيف السجاير مضره جداً وأنت

لسه صغير أوي؟

فقال لها سيف:

- أولاً أنا مش صغير يا سلمى والكلمه دي كررتها كثير، ثانياً انا اتعودت عليها خلاص.

نظرت إليه باستغراب

« أتعودت عليها؟، انت بقالك قد إيه بتشرب سجائر؟

فقال لها:

- من سنتين تقريبا.

ذهلت مما سمعت، سنتين؟؟ بمعنى أنه بدأ في التدخين في سن الرابعة عشرة، كل تلك الفترة وهي لا تعرف ولا أبوها وأمها يشعران بشيء، ظلت في صمت تسأل نفسها ما الذي دفعه لشربها، هل أصدقاء السوء، أم أنه مرَّ بمشكلة ما وتخيل أنه من الممكن أن تتسيه السجائر إياها كما تصور لنا الأفلام الهابطة في السينما، لكنها كتبت كل الغضب داخلها لأن مثل هذه المواقف تحتاج منا إلى التريث والهدوء حتى نستطع التعامل مع الأمر وقالت له باختصار:

- بص يا سيف أنا مش هقولك السجاير بتموت أو زي ما مكتوب عليها بتؤدي إلى الوفاة، لأن كدة كدة أعمارنا مكتوبة عند ربنا، بس الفرق إنك تختار، تحب تعيش العمر ده وأنت تعبان ومريض ولا تعيشه وأنت بصحتك؟

رد سيف بعد أن ضحك على كلامها:

- طيب ما أنا ممكن ما اشربش سجاير وأعيش مريض، وممكن أشربها وتفضل صحتي كويسة؟
فقالت له:

- كلامك صح وكل حاجة بإيد ربنا، بس برضه ربنا قال «ولا تلقوا بأيديكم إلى التهلكة».

فهرب سيف من إكمال الحديث متحججًا بأن عليه أن يذهب إلى شهد لأنها تنتظره..

خلال تلك الرحلة تقربت سلمى كثيرًا من سيف وأصحابه، شعرت أنهم يسبقون سنهم بأفكارهم وتصرفاتهم.. فجميعهم مرتبطون عاطفيًا بفتيات من نفس سنهم تقريبا، وجميعهم يشربون السجائر ويفكرون في إقامة المشاريع والاعتماد على النفس في المصاريف

حتى لا يكلفوا أهلهم شيئاً..

انتهت الرحلة على اتفاق بينها وبين سيف أن يصبحا صديقين مقربين، وأن لا يضربا أبداً في تلك اللحظات الجميلة التي يقضونها معاً وأن يكونا دائماً بجانب بعضهما البعض في كل وقت..

عادوا إلى القاهرة، وسمعت من ديما أن هناك قناة فضائية تبحث عن وجوه جديدة، فتجدد لديها الأمل الذي كاد يتحطم، وانفتحت لها نوافذه التي كانت موصدة منذ وقت بعيد، فكثيراً ما توجهت للكثير من القنوات الفضائية دون جدوى حتى إنها منذ أكثر من عام لم تقدم في أي قناة، فأحضرت السيرة الذاتية لها واتصلت بهم وتحدد معها موعداً للمقابلة.. مشكلتها مع القنوات الفضائية أنها ذهبت كثيراً للتقديم في العديد منها ولكنها لم تستطع مقابلة أي من المسؤولين، دائماً ما تقابل مصوراً، أو أحد أفراد المونتاج، أو موظف الاستقبال ودائماً تتكرر نفس الجملة:

- سيبى السي في وهنكلمك.

ولا يتصل بها أحد، تتذكر أنها يوماً قدمت أوراقها في قناة فضائية كبيرة وجلست هناك من التاسعة صباحاً إلى الثامنة مساءً على

أمل أن تقابل أحد المسؤولين دون أي فائدة، فقال لها مساعد
مصور هناك:

- بصى يا بنتى أنا مش عايز أحبطك، بس المجال ده صعب لو
ملكيش واسطة وواسطة كبيرة كمان صعب تشتغلى فيه.

ولكنها لم تياس ولم تهتم بذلك الكلام المحيط، صحيح أنه لا
يوجد لديها واسطة تساعد في تحقيق حلمها، ولكن الله قادر
على تحقيق أمنياتها حتى لو رآها البعض مستحيلًا..

ذهبت إلى مكان المقابلة، وقبل دخولها فتحت حقيبتها وأخرجت
مدونتها كاتبه: « لن يمنع الله عنا شيئاً نتمناه ما دمنا ندعوه
بصدق ونثق في إجابة دعائنا »

وكان مدهشاً أن اختارتها اللجنة هي وثلاث أخريات من بين ١٥٠
فتاة قامت بـ ”test camera“، وهو اختبار أمام الكاميرا،
يقوم المتقدمين بتقديم جزء أو مقدمة من برنامج، حتى يتم
الحكم على مظهرهم ونبرة صوتهم، وجاء الموعد المحدد لمقابلة
صاحب القناة.. وبعد أن تحدث معها ولاحظت إعجابه الشديد بها
قال:

- بس فيه حاجة صغيرة، أنتي لازم تقلمي الحجاب.

بالطبع رفضت، ولكنه أكد لها أنه ليس بالإمكان أن تكون مذيعة معهم في القناة وهي ترتدي الحجاب، وعندما صمتت قال لها إنه سينتظر ردها خلال يومين..

خرجت من القناة والاستوديو وهي حزينة جداً.. منذ أكثر من ست سنوات وهي دائماً تتردد على القنوات الفضائية على أمل أن تبدأ في تحقيق حلمها، وعندما تأتي لها الفرصة.. تضيع منها بسبب ارتدائها الحجاب..

ضعفت سلمى جداً تلك اللحظة؛ شعرت أن حجابها عائق لها، ويمنعها من تحقيق ما تصبو إليه.. وفي نفس الوقت هي تحبه وتقتنع به ولا تقبل أبداً أن تخلعه..

استمرت حيرتها طيلة اليوم، هي لا تفهم نفسها جيداً، هل هي فعلاً متمسكة بحجابها لاقتناعها التام به؟ أم أنها تخاف من كلام من حولها وأنهم سيقولون أنها خلعتة حتى تكون مذيعة؟، أم تخاف من رد فعل أمها وأبيها لأنهما كانا رافضين لحجابها في أول الأمر؛ خوفاً منهما أن يأتي اليوم الذي تنزعه فيه، ذهبت إلى أمها لتحكي

لها ما حدث وكالعادة كانت أمها تسمعها دون أن تتكلم، بعد أن انتهت سلمى من كلامها قالت الأم:

- إنتي حرة يا سلمى، انتى مش صغيرة وتقدرى تأخدي قرارك بنفسك، بس لما بتكوني محتاجة حاجة من مديرك بتحاولي قوى ترضيه وتسمعي كلامه، ولله المثل الأعلى إزاي عايزة ربنا يستجيب دعائك ويحبك ويكون جمبك وانتى بتفكري تعصيه، هقولها لك تاني.. إنتي حرة.. بس أفكرى أن من ترك شيئاً لله عوضه خيراً منه.

فكرت كثيراً في كلام أمها، واستغربت نفسها كيف ولوللحظة فكرت في أن تغضب الله حتى تحصل على وظيفة ما، لماذا ضعف إيمانها أمام فتنة من فتن الدنيا، هل لأن الإنسان في الأصل ضعيف، أم لأن حلمها قوي وسيطر تماماً على تفكيرها؟ لا تعلم! ولكنها تعلم جيداً كم تحب ربها وكم تتمنى رضاه عنها حتى وإن خسرت الدنيا بأكملها..

هي على يقين أنها إذا أرضت ربها في تصرفاتها فسوف يرضيها بأكثر مما تتمنى، فهو يدخر لها خيراً كثيراً.. ولكنها أيضاً لا تفكر

في إرضاء الله حتى تحصل على ما تريد فقط، هي تفكر في إرضائه لأنها تحبه..

مرت تلك الفترة، وانشغلت في عملها أكثر ورحلاتها السياحية أكثر وأكثر..

تحدثت إليها ديما واتفقتا على المقابلة.. كانت تريد التحدث معها، وسلمى أيضًا اشتاقت لها فمئذ أكثر من شهرين لم ترها..

تقابلا معًا في مكانهما المعتاد، كانت ديما سعيدة سعادة بالغة، وسألتها سلمى عن سر تلك السعادة فقالت ديما أن هناك ارتباطًا عاطفيًا بين محمد أخيها ونرمين صديقتها منذ أكثر من عام ونصف، وأخيرًا حدد محمد موعدًا مع أهل نرمين للمقابلة.. كانت سعادتها بالغة، ورغم أن سلمى تحب جميع الناس وتتمنى لهم السعادة وتفرح لفرح غيرها إلا أنها لم تشعر بالفرح بعد كلام ديما.. هي لم تر نرمين سوى ثلاث مرات ولكنها لم ترتح لها نهائيًا، لا تعرف لماذا.. هل لأنها أخذت صديقة عمرها منها.. أم أن هناك سببًا آخر لا تعلمه..

هناك أشخاص لا تشعر بالراحة تجاهك رغم ارتياحهم لك،

وهناك أشخاص لا يشعرون بالراحة تجاهك رغم ارتياحك لهم، وهناك من لا يبادلونك ذلك ولا تبادلهم ذاك.. وذلك أجمل، فالشعور المتبادل سواء بالكره أو الحب مريح جداً.. نرمين كانت بالنسبة لسلمى من الأشخاص الذين لا تحبذ التعامل معها منذ أول لحظة رغم كل مميزاتها وكلامها اللبق، لكن سلمى لا تستطيع أن تحبها، وهذا لا يعني أن نرمين سيئة، فكم من أشخاص تحبهم منذ اللحظة الأولى ولكنك تكتشف فيما بعد كم هم قبيحون... وكم من الأشخاص لا تشعر بالراحة تجاههم ومع الوقت تكتشف أنهم من أفضل من قابلت في الحياة، لم تبين سلمى لديما أي شيء وباركت لها متمنية لهما كل السعادة.

ثم سألت سلمى صديقتها ديما عن آخر تطورات موضوع هيثم وعمرو فقالت ديما:

- مفيش أي جديد في علاقتي بهيثم، هو لسة فاكر إنى بحبه وأنا مش عارفة أغير له الصورة دي، دايما يكلمني ويجيلي النادي والشغل ومش قادرة أبداً أجرحه أو أقوله إنى مش قادره أحبه، فالوضع زي ما هو، وبالنسبة لعمرو فاحنا زي ما احنا أصحاب عادي، بس أنا حكيته إنى اكتشفت إنى مش بحب هيثم، ومستتية

الوقت المناسب عشان أسيبه.

سألته سلمى عن رأى عمرو في موضوعها مع هيثم فقالت:

- هو شايفني غلطانة قووي، وأنى ما دام ناويت مكملش حرام أفضل معلقاه بيا، بس في نفس الوقت هو مقدر موقفي لأنه عارف قد إيه هيثم بيحبني وهيكون صعب عليه أوي لو سيبته، وبرضه شايف أن مينفعش تأجيل المواجهة أكثر من كده.

أحست سلمى وكأن هناك بركاناً من الدم ينفجر في عروقها، كيف لصديقتها أن تخدع هيثم أكثر من ذلك، منتهى الأنانية منها أن تعيشه في كذب وخداع، هيثم يعتقد أنها تعشقه كما يعيشها والحقيقة أن قلبها مع شخص آخر، لم تكن سلمى قادرة على استيعاب موقفها الأناني السلبي، وعندما واجهتها بكل ما بداخلها، بكت ديما بكاءً شديداً وقالت:

- يا سلمى أنتى مش فاهمة حاجة، أنا خايضة، خايضة اووى، أولاً خايضة على هيثم لأنه متعلق بيا جداً زى الطفل الصغير ما بيتعلق بأمه، مش بس واحد بيحب واحدة، صدقيني هيتعب جداً وانا خايضة عليه من تعبته ده، اه مش بحبه كحبيب بس هو كشخص غالي عندي

جداً ومهم بالنسبة ليا، فانا بحاول استنى الوقت المناسب ومش عارفه الوقت ده هيجي امتى، أنا والله متعذبة وحيه ليا معذبني، وفي نفس الوقت خايفة لما أنهى الموضوع هيثم ميكونش في حياتي، أنا نفسى يبقى جمبي كأخ أو صديق، وخايفه أوي لما أقوله اللي جوايا أجرحه جرح ملوش دوا وكمان أخسره للأبد.

اعتصر قلب سلمى ألماً عند رؤيتها دموع صديقتها، لكن لم تغير سلمى رأيها ونظرتها، كيف تجرؤ ديماً على هذا الخطأ الجسيم، ومن أين تأتي بكل تلك المبررات، فلا يوجد أى مبرر لارتباطها بشخص وإعجابها بآخر، ولكن بسبب معرفتها الطويلة بها فهى تعرف جيداً طيبة قلب ديماً فلا تسيء بها الظن؛ هي فقط تراها مخطئة في نظرتها للأمور، فمن يريد كل شيء من الممكن أن يخسر في النهاية كل شيء، قلب ديماً الطيب يحب وجود كل من أحبتهم بجانبها، ولكنها تعيش في عالم لا وجود له، كانت تفكر بقلبها وترى أن العلاقات يجب أن تستمر ولا تتوقف عند محطة إنهاء الإرتباط، لكن الحقيقة أن أغلب العلاقات العاطفية عندما تنتهي ينتهي معها كل شيء، حتى إنه من الممكن أن يرى الطرفان بعضهما بعد سنوات طوال ويكتفيان بالنظرات من بعيد دون أن

يُلقيا السلام.. فسلمى ترى أن من واجب ديما أن تخبر هيثم بالحقيقة وبأنها لا تحبه وتترك له حرية الاختيار في أن يظل في حياتها أم لا، وعليها أيضاً أن ترضى بقراره مهما كان، فمن حقه أن يتخذ القرار المناسب له ولقلبه، ليس القرار المناسب لأنانيتها.. وقبل افتراقهما وذهاب كل منهما إلى عملها، ديما وعدت سلمى أنها ستحاول جاهدة إنهاء علاقتها بهيثم في أقرب فرصة ممكنة...

مر شهر كامل وسلمى تجتهد في عملها وتجتهد أكثر في إصلاح علاقتها بسيف، شعرت أنها خسرت كثيراً طيلة السنوات السابقة ببعدها عنه.. فهو شخصية مرحة وجميلة وله أحلام وطموحات كبيرة تسبق سنه بكثير، لا تُتكرر أنها استفادت من قربها منه أكثر من استفادته هو رغم أنها هي الأكبر سنًا وخبرة..

نجح سيف وشهد في المرحلة الثانوية، والتحقاً سوياً بكلية الهندسة جامعة عين شمس، وهذا زاد من ارتباطهما أكثر لأنهما طيلة الوقت مع بعضهما في الجامعة، وبعد الجامعة كثيراً ما يستذكران دروسهما معاً، وأصبح حبهما أنضج من ذي قبل، لكن للأسف نهلة والدة شهد أحست بأن سيف ليس بالعريس المناسب لابنتها، سيف

في نفس سن ابنتها وكانت تتمنى أن ترتبط شهد بمن هو أكبر، تعلم تماماً أن الأكبر سنًا سيكون أنصح فكري ورؤية، وشهد تعلم كيف تفكر أمها، ولكنها لم تشأ إخبار سيف بهذه الأمور حتى لا يتعكر صفو علاقتهما.

ولأن شهد تعتبر سلمى أختها الكبيرة فقد قصت عليها فهمها لرؤية أمها، لكنها فوجئت أن سلمى لم تشعر أن هناك مشكلة ما، فمن الطبيعي أن تخاف أي أم على ابنتها، وأن تتمنى أن تكون مطمئنة عليها مع من تراه مناسبًا، سلمى تثق أن سيف رجل بمعنى الكلمة فمن المؤكد أن أمها يومًا ما ستدرك ذلك فلا يكون هناك أي مشكلة، ونصحت سلمى شهد ألا تخبر سيف ويساعدا بعضهما على النجاح والتفوق حتى يتمكن سيف من خطبتها رسميًا وإقناع والدتها به.. وفعلاً اقتنعت شهد بكلامها ولم تتأثر علاقتها بسيف بل ازدادت قوة وثباتًا..

وبعد أيام قليلة.. وعندما كانت سلمى مشغولة جدًا بموضوع أخيها وخائفة مما يمكن أن يحدث فيه، جاءتها مكالمة من ديمة صديقتها تبكي فيها بكاءً شديدًا وطلبت منها أن تستأذن من العمل وأن تقابلها في أمر هام.. وبالفعل ذهبت سلمى إليها وتفاعلت بانهايار

ديما وبكائها وتلك أول مرة تراها سلمى على ذلك الحال..

فقال ديماء دون أن تستطيع الكف عن البكاء أن هيثم واجهها بحبها
لعمر، وقال لها إنه متأكد من حبها لعمر وأنها تتحدث معه كثيراً
وأن بينهما مكالمات دائمة..

استغربت سلمى كلامها وسألتها إذا كان عمر هو من قال له ولكنها
أجابت:

- لا عمرو مقالش حاجة، إذا كان أصلاً عمرو ميعرفش إنى بحبه،
مممكن يكون حاسس بس أنا مقلتلوش حاجة زي دي، ولا هو قالي
مشاعره من ناحيتي، وأنا بعد كلام هيثم ليا كلمت عمرو وحكيته
واستغربت أوي، ازاي هيثم عرف إننا بنتكلم؟، عمرو شاكك في
ممدوح صاحبه لأنه مرة كان جمبه واحنا بنتكلم، فأكيد ممدوح
حكى لهيثم وهيثم فهم إنى بحب عمرو، أنا بجد مش مصدقة اللي
حصل ومش عارفه أعمل أيه، هيثم كان بيتكلم معايا وصوته تعبان
أووى ومصدوم، صعب أووى إنى أكون سبب وجعه، وهو دايمًا كان
بيحاول يفرحني - منه لله ممدوح ليه يعمل كده..

مسحت ديماء الدموع التي ملأت وجهها ماضية في حديثها قائلة:

- عمرو اتصل بممدوح وسأله وممدوح أنكر أنه قال أي حابه لهيتم وأنه مكلمش هيتم أصلا ولا شافه من أكثر من شهر.. بس طبعاً هو كداب وأنا وعمرو متأكدين أنه بيكذب.

تحدث ديما بسرعة رهيبه وعصبية شديدة . حاولت سلمى تهدئتها وطلبت من الجرسون عصير ليمون لكي تهدأ، واستمر الصمت بينهما حوالي عشر دقائق ثم سألتها سلمى عن رد فعلها من كلام هيتم فقالت ديما إنها أنكرت كلامه وأكدت له أنها تحبه ولا يوجد أي شيء بداخلها ناحية عمرو.

للمرة الألف تختلف سلمى معها في تصرفاتها، كان من الممكن أن تستغل تلك المشكلة وتعترف له بأنها لا تحبه إلا كأخ أو صديق لكنها للأسف لم تفعل.. واستمرت في خداعه وحاولت إقناعه أنها تحبه ولا يوجد لديها أي نية لإنهاء ارتباطهما..

لا تعلم سلمى لماذا لا تجرؤ ديما على ذلك بحجة منها أنها تحافظ على مشاعره ولا تريد أن تجرحه، رغم أنها لو بالفعل تريد له الراحة عليها أن تقول له الحقيقة حتى لو تألم.. لأنه سيتألم أياماً ثم ينسى، لكن بتأجيلها المواجهة فهي تزيد الألم، لأن ألم الشك

أمرٌ وأصعبُ كثيرًا من ألم الفراق..

حاولت سلمى أن تغير الموضوع حتى تهدأ ديما، فسألته عن أخبار محمد ونرمين وهل تمت الخطبة أم لا، فأجابته ديما أنه تمت قراءة الفاتحة ولكن هناك بعض المشاكل بين محمد ووالد نرمين مما جعل محمد يشعر أن عليه إغلاق الموضوع..

فتعجبت سلمى ما هي المشاكل التي يمكن أن تمنع اثنين بينهما حب من الزواج؟ فأوضحت ديما أن محمد رفض أن يحكي التفاصيل، لكن ما عرفته بعد أن هناك اختلافًا على كتابة القائمة، ولكن محمدًا رفض ذلك قائلًا لأهل نرمين:

- يعنى أنتوا هتأتمنوني على بنتكم، مش هتأمنوني على شوية عفش وشوية أطباق وكوبايات.

كان يرى أن ذلك الطلب لا يليق بهم، ولكن ليس ذلك كل شيء فهناك أمور أخرى لا تعرفها ديما ومشاكل أخرى بين نرمين ومحمد لا أحد يعرف عنها شيئًا..

أنهيا كلامهما متمنين سويًا أن يكتب الله الخير لنرمين ومحمد أيًا كان، وأن ينتهي موضوع هيثم على خير دون أن تتسبب له ديما في

جرح أكثر من ذلك...

اختفت ديما بعد تلك المقابلة أكثر من شهر، ولم تعد ترى سلمى أو حتى تُحادثها في الهاتف، وانشغلت سلمى جداً في عملها لدرجة أنها لم تكن ترى سيف غير دقائق قليلة في الأسبوع، وعندما شعرت سلمى أنه لا توجد أخبار عن صديقتها، حاولت مراراً أن تتحدث إليها ولكنها لم تجبها، شعرت سلمى بأن ديما تحتاج إلى فترة تجلس فيها مع نفسها.

وحين طالت فترة غياب ديما مع عدم ردها على هاتقها، ذهبت سلمى إليها في بيتها حتى تطمئن عليها..

قالت لها والدة ديما إن الأخيرة تمر بحالة اكتئاب شديدة، ولا تريد التحدث إلى أحد، وطلبت الأم من سلمى أن تدخل إليها غرفتها لعلها تحكي لها عمّاً أصابها، ولكن للأسف لم تتفوه ديما بكلمة واحدة..

طرق محمد أخو ديما باب الغرفة مستأذناً أن يسمح له بالدخول وبالطبع رحبت سلمى به، حاولت سلمى أن تفهم منه سر الحالة التي تمر بيها ديما فأجابها محمد:

- يا سلمى، كل الموضوع إنها قالت لهيثم أنها مش قادره تكمل، رغم أن الخطوة دي اتأخرت جداً وكانت لازم تحصل من زمان، حتى أنا كنت بقالي فترة بقولها لو مكسوفة تقوله إحساسها فأنا أقوله وهي كانت دايمًا بترفض، وللأسف هيثم تعب جداً بعد كلام ديما واعترافها أنها مش قادرة تحبه، وراح المستشفى وفضل فيها أسبوع في حالة انهيار شديد، وديما مصممة إن هي السبب في تعبها، ومن ساعتها وهي زي ما انتي شايفاها.

بكت ديما بكاءً لم تبكته من قبل عند سماعها كلام أخيها، بكت إلى حدّ انقراض الرُّوح والجسد، فاحتضنها أخوها وعيناه تملؤها الدموع... هدأت ديما في حضن أخيها فأعطاها الدواء ونامت..

اتصلت سلمى بأبيها وأمها لتشرح لهما تعب ديما وتطلب منهما أن تقضي الليلة بجانبها، ولم يمانع أهلها.. جلست سلمى بجانب صديقتها تنظر إلى ملامح وجهها الحزينة، تشعر أن هناك شيئاً خفياً لم تقله ديما، ليس الأمر فقط هو تعب هيثم أو جرحه، هناك جرح أكبر بداخل ديما، ظلت تفكر حتى أرهقها التفكير وغلبها النوم وهي تدعو لصديقتها أن يُريح الله قلبها..

وفى يوم آخر، جلست سلمى مع أخيها سيف في النادي بعد الانتهاء من عملها لتناول الغداء سوياً، تود أن تعرف ما الذي يُغيره فمئذ فترة تشعر بأنه ليس كطبيعته، وبعد أن تناولوا الغداء سألته سلمى عن سبب تغيره فقال:

- مش عارف أقولك ايه، هو مفيش حاجة محددة، بس حاسس إن شهد متغيرة معايا شويه. فسألته سلمى لمَ هذا التغير؟
وكان رده:

- مش عارف، هي من شهر تقريباً قالتلي إن مامتها شايفة اننا صغيرين وإن أنا بالذات صغير، يعني إني لسه في ٢ جامعة وقدامي وقت عقبال ما اتخرج، لكن أنا بجد مش فاهم إيه الجديد، دى مامتها عارفة اننا بنحب بعض من أكثر من ٥ سنين، ومكنتش معترضة نهائي مش عارف إيه اللي غيَّرها، مش بس كده، شهد نفسها رغم أن تعاملاتنا زي ما هي وعلى طول مع بعض لكن أنا حاسس إنها من جواها متغيرة خايف أووي تكون مامتها قدرت تأثر عليها بتفكيرها.

صممت سلمى تفكر ماذا تقول؛ فهي تعلم من شهد تفكير الأم منذ

فترة ولكن كان الاتفاق ألا تقول شهد أي شيء لسيف، فلماذا قالت له؟ ولماذا هذا التوقيت؟؟، بادرت سلمى بالكلام قبل أن يلاحظ سيف شرودها قائلة:

- لا معتقدش، شهد بتحبك جداً واكيد مش هتتأثر بكلام مامتها، انت بس ركز في المذاكرة عشان خلاص الامتحانات على الأبواب وكلها ٢ سنين وتخرج وتبقى باشمهندس قد الدنيا.

ابتسم سيف لأخته فهو يعلم أنها تحاول أن تخفف من حدة قلقه... وأثناء جلوسهما اتصلت والده ديمًا بسلمى وقالت لها إن هناك شاباً رأى سلمى منذ فترة بمنزل ديمًا ويريد الارتباط بها والتعرف عليها أكثر، استغربت سلمى من كلام أم صديقتها فهي لا تتذكر أبداً أنه في يوم قابلت أي شخص في بيت ديمًا، ولكن بعد كلامها معها تذكرت ذلك الشاب الذي كان يجلس يوماً مع والده ديمًا وأمه في يوم زيارة سلمى لديمًا... لم تجد سلمى ما تقوله فهي لا تفكر في الارتباط وأيضاً لا تفكر في الارتباط بهذه الطريقة فهو لم يرها سوى مرة واحدة فقط..

ولكنها طلبت منها أن تعطي لها فترة لتفكر في الأمر، أنهت المكالمة

والتفتت لسيف وهي مستغربة قائلة:

- تصدق يا سيف جايلي عريس مشفنيش غير مرة واحدة، ومكنش

كمان بينا أي كلام؟

نظر لها أخوها قائلاً:

- وإيه الغريب، فيه ناس بتتقدم لبنات من غير ما تشوفها أصلاً
عشان بس سمعوا عنهم ويعرفوا أهلهم.

سلمى تعرف جيداً كلام سيف ولكنها كانت تظن أن هذه الطريقة
في الأفلام فقط، ولا توجد في القرن العشرين، وبعد الانتهاء
من جلستهما ذهبا إلى البيت بعد أن أقتعها سيف أن تقابل ذلك
الشخص لعل وعسى يكون مناسباً لها خاصة أنها لا يوجد لها أي
علاقة عاطفية بأي إنسان فلمَ لا..

وبعد أسبوعين لم تقو فيهما ديما على الكلام تحدثت مع سلمى
هاتفياً وطلبت منها المجيء إليها، وبالفعل ذهبت اليها سلمى،
وحكت ديما لصديقتها ما حدث تفصيلاً قائلة:

- أنا جوايا وجع كبير يا سلمى وعازية أحكيك، الموضوع مش بس
إن هيثم تعبان، الموضوع أكبر من كده بكثير، أنا كدبت على محمد

لما قولته إني اعترفت لهيثم، الحقيقة هيثم عرف لوحده وهو اللي أنهى الموضوع مش أنا، هو اتصل بيا من ٣ أسابيع تقريباً عشان نتقابل وكان صوته متغير جداً، ولما اتقابلنا قالي إنه عارف كل حاجة، وعارف إني عايزه أسيبه وإني مش بحبه، واتهمني إن أنا وعمرو مرتبطين عاطفياً وبيئاً حب، والله الكلام ده محصلش يا سلمى والله..

أنا وعمرو كلامنا طول الفترة اللي فاتت كان قليل جداً وكان كله إزيك وإيه الأخبار وبس، وعمري ما قولته إني بحبه ولا حتى لمحت بده، لإني عارفه كويس إن مينفعش ده يحصل غير لو موضوع هيثم انتهى تماماً، معرفش هو جاب الكلام ده منين، والغريب أنه عارف امتي باتكلم أنا وعمرو، وعارف المسدجات حتى بيكون فيها إيه مع إني بقالي فترة مكنتش شوفت هيثم يعني مكنتش بيشوف موبيلي ولا كان بيشوف عمرو عشان يشوف الموبايل بتاعه، أنا هتجنن لدرجة إني شاكه يكون تليفوني متراقب، أنا مش فاهمة أي حاجة، حاولت أوضحه إنه فاهم غلط بس للأسف ما ادانيش أي فرصة؛ الدموع كانت مالية عينه وأنا مكنتش قادرة أبطل عياط، فضل يتكلم كثير وأنا مش عارفة قدام وجعه أذاع حتى عن نفسي، لحد ما قالي

جملة غريبة اووي.

سكتت ديما محاولة منها أن تتماسك أمام صديقتها، فأمسكت سلمى بيدها وطلبت منها أن تهدأ، فأكملت ديما والدموع تتساقط من عينيها:

قالي «لو عايزة تسيبيني ومنكلمش أوكي، بس أرجوكى بلاش تتجوزي عمرو، بلاش تتجوزي صاحبي»، وسابني ومشني، وأنا مش قادرة حتى أتحرك من مكاني أو أفتح بقي، أنا بجد باكره نفسي، هو أكثر إنسان حبني في الدنيا، وأنا أكثر إنسانه وجعته وجرحته، حاولت بعديها أكلمه كثير مش بيرد خالص، قفل موبيله ومش عارفة أوصله، وبعديها بيوم عرفت من أخته أنه في المستشفى

انهت ديما حديثها وهي في انهيار تام، سلمى تشعر بما ألمَّ بصديقتها وكل ما تُفصِّحُ به روحها، تعلم تمامًا بما في دواخلها.. ففي دواخلها عالمين يشتعلان، إذ تشعر أنها اوجعت إنسانا غاليا قريبا منها والجرح ليس بهين، اوجعته لأنها تحب رجلا غيره، والأشدُّ قهرا.. أن من تُحب.. صديق عمره..

والإحساس الثاني هو إحساس الظلم فهي أبداً لم ترتبط بعمرو،

ولم يكن بينهما أي شيء غير مشاعر لم يصرح أحدهما بها إلى الآخر.. لكن في كل الأحوال كانت سلمى ترى أن ما حدث كان يجب أن يحدث أيًا كان الوجد أو الجرح الذي شعرا به..

حاولت سلمى التقرب من ديما هذه الفترة لتكون بجانبها في أسوأ فترة تمر عليها في حياتها، تُتَهي عملها سريعًا كل يوم وتذهب لتقضي باقي اليوم معها..

محمد أيضًا كان يرى أنه من البداية لم يكن هيثم مناسبًا لأخته ولكنه عندما رأى تمسكها به وافق على ارتباطهما، وكان من المقرر خطبتهما رسميًا في حين عودة أبيهما من السفر فهو يعمل في إحدى البلاد العربية ولا يأتي مصر إلا شهرًا واحدًا في السنة..

كانت ديما تعرف أخبار هيثم من أخته، عرفت أنه حتى بعد خروجه من المستشفى كان دائم التردد على الطوارئ عندما كان يخشى عليه فجأة ويحمله أهله إلى هناك، ولكن للأسف كل محاولاتها للاتصال به فشلت لأنه دائمًا ما يغلِق الهاتف الخاص به، ودائمًا ما يؤكد محمد أخوها عليها ألا داعي للاتصال به ولكنها لم تستجب وتحاول الوصول إليه دون علم أخيها..

بعد أسبوعين من شفاء هيثم أرسل رسالة لديما كان محتواها:

«أنا أزاي كنت مخدوع فيكي كده وفاكرك ملاك بريء، وانتى أصلاً واطيه، إيه اللي استفدتيه لما لعبتى بيًا وبمشاعري، كده إنتي رضيتي غرورك، كدة إنتي كسبتي رهانك مع نفسك إنك تخليني خاتم في إيدك، بعدين ترميني وتدوسي عليًا، كإني سيجارة ولعنتيها خدتي منها نَفْسِين بعدين سبتيها تتحرق ورميتها على الأرض ودوستيها بجزمتك، إنتي أبشع إنسانة قابلتها في حياتي، أنا على قد ما حبيتك على قد ما أنا باكرهك دلوقتي وباكره أي حاجة بتفكرني بيكي.. لكن أقسملك يا ديما إنك هتندمي أشد ندم على كل اللي عملتيه فيا، وأنا مش هسامح أبدًا في حقي»

انهارت ديما بعد قراءتها لتلك الرسالة، كيف يمكن للاحترام والحب أن ينتهي بإهانة وسب ولعن.. كيف يمكن أن يجرحها عمداً إذا كان في يوم أحبها حقاً وهي التي تتألم دائماً وتشعر بالذنب تجاهه، وبالرغم من خطأ تفكيرها وخطئها في حقه إلا أن نيتها لم تكن في يوم سيئة..

بعد تلك الرسالة قررت ديما ألا تحاول الاتصال به، هي كانت

تحاول مكالمته لتخفف عنه وتعتذر له عن أي شيء ولكن بعد إهانته وعدم اهتمامه بمشاعرها لم يعد للمكالمة أي معنى أو فائدة..

سلمى ترى أن هيثم معذور في كلامه وإن كان جارحاً، فأى شخص في مكانه سيقول ما قاله وأكثر فديماً أخطأت، وجرحته جرحاً ليس بهيئاً، ترتبط به وتحب آخر وهذا لا يقبله أي رجل على كرامته، سألت سلمى صديقتها ديما عن نرمين ولما لم ترها معها في تلك الظروف، فأجابتها ديما بأن موضوع نرمين مع أخيها محمد انتهى، وبالتالي فإن نرمين لا تأتي إليهم البيت ولكنها دائمة الاتصال بها ومقابلتها خارج المنزل.. وسألتها سلمى عن رأي نرمين فيما حدث بين ديما وهيثم فقالت ديما:

- هي شافيه أن بعد إهانته لياً مينفعش أصلاً إني أفكر فيه ومحاولش أكلمه ولا أسأل عليه.

تلك الفترة كان عمرو من حين لآخر يتصل بديما ليطمئن عليها وعلى أخبارها، وقال لمحمد أخيها إنه يحبها من قبل أن ترتبط بهيثم، ولكن عندما عرف بارتباطها بصديقه فكان لا بد أن يصمت ويتمنى لها السعادة، والآن وبعد انتهاء موضوع ارتباطها بهيثم فهو

يريد الارتباط بها إذا وافقت على ذلك، ولكنه يريد من محمد ألا يقول لها شيئاً وينتظر فترة حتى تهدأ من إحساسها بتأنيب الضمير تجاه هيثم..

ومرَّ شهر والثاني ثم فاتح محمد ديما في الموضوع، وكانت ديما تبكي وهو يتحدث إليها، لتذكرها كلام هيثم، فهي بالفعل تحب عمرو وتتمناه زوجاً لها وفي نفس الوقت نظرة هيثم لها ودموعه وضعفه وهو يطلب منها ألا تتزوج صديقه تذبجها.. أقنعها محمد أن تتسى هيثم وتتسى ما قاله، وأنه ليس من العقل أن ترفض إنساناً تحبه ويحبها وزوجاً مناسباً ومتديناً من أجل لحظة ضعف مر بها هيثم..

اتصلت ديما بصديقتها نرمين وطلبت منها المقابلة في مكان ما؛ لأنها تريد أن تأخذ رأيها في بعض الأمور.. وعندما تقابلا وحكت لها ما حدث، صدمت نرمين من تقدم عمرو لديما بهذه السرعة وتغير لون وجهها عندما سمعت بالخبر، مما لفت انتباه ديما لها قائلة:

- انتى مش فرحانة عشاننا ولا إيه؟

فقالتم نرمن:

- بالعكس أنا فرحانة اووي. بس ما توقعتمش إن ده يحصل وبالسرعه دي، على العموم عمرو إنسان كويس، إنسي هيتم وكلامه اللي قاله فى لحظه غضب وركزي فى حياتك الجديدة.

ثم سألتها ديما عن سر تغييرها معها، فهي لا تتصل بها كل يوم كما كانت تفعل ولم يتقابلا دائماً كما اعتادا وكان رد نرمن:

- متزعلش مني يا ديما يا حبيبتي، بس غضب عني، تجربتي مع محمد أخوكي تعبتني جداً، أنا حبيته ٣ سنين وبعدين سبنا بعض، فأكيد مش هاقدر أنساه فى يوم وليلة ومحتاجة فترة عشان أقدر أنساه وأرجع طبيعية.

- طب أنا مالي بس باللي بينكم! يا نرمن احنا أصحاب واخوات من قبل ما ترتبتي بمحمد وهنفضل أصحاب على طول ولا إيه؟ فكان رد نرمن أنه بالطبع سيظلم أصحاباً واخوات طول الحياة، واحتضنت كل منهما الأخرى وانصرفتاً..

أما سلمى فقد حددت ميعاداً مع ديما ومحمد والشخص المتقدم وذهبت هي وسيف لمقابلتهم، ذلك الشخص يدعى «علي» طويل

القائمة، قمحي البشرية وله لحية خفيفة لم تتذكر سلمى أن تلك اللحية كانت موجودة يوم مقابلتهم في بيت ديما أم لا، وبعد حديثهم شعرت سلمى بأنه إنسان قريب إلى الله، وهذا شيء مهم بالنسبة لها لأنها تتمنى الارتباط بمن يُعينها على التقرب إلى الله ويأخذ بيدها للجنة.. ولكن ليس ذلك كافيًا فهي لا تعلم أي شيء عن أهله أو أسرته رغم كلامه عنهم وهذا غير كافٍ أبدًا في مثل هذه الموضوعات..

تحدثنا كثيرًا عن طبيعة عملهما، فهو طبيب في مستشفى ويحاول جاهدًا تجميع المال حتى يشارك صديقًا له في عيادة خاصة، وعندما جاء دور سلمى للحديث عن عملها ظهر عليه عدم ارتياحه لذلك لأنه كان يستنكر كيف لفتاة أن تسافر إلى أماكن سياحية وحدها حتى لو كان هذا السفر تحت إشراف عملها..

وبعد أن انتهت المقابلة، لم تستطع سلمى تحديد موقفها فهو إنسان مُريح، ولكن له بعض الأفكار المتشددة قليلًا، أما بالنسبة لعلي فهو شديد الإعجاب بها رغم بعض التحفظات وسعد جدًا بالمقابلة بينهما..

وفي اليوم التالي قالت لها ديما إن علياً ينتظر ردها ورأيها في الارتباط به.. فلو أن هناك قبولاً يتقدم فوراً لأهلها يتعرف عليهم وتتعرف هي أيضاً على أسرته لكن سلمى طلبت وقتاً للتفكير..

سيف يرى أن علي إنسانٌ مناسبٌ ولكنه مختلف عنه كثيراً، فسيف يحب الأغاني والسهر وعليٌ من كلامه أنه لا يسمع الأغاني ويستحرمها، لا يعلم سيف هل الاختلاف بينهما بسبب فارق السن الذي يقرب من الخمسة عشر عاماً، أم أنه اختلاف في الطباع وطريقة التربية، أم أن علياً أكثر تديناً فهو مختلف عنه، أيًا كان السبب فعلياً إنسان محترم ولا خلاف في ذلك..

وبعد فترة من التفكير وصلاة الاستخارة وافقت سلمى على مقابلة علي وأهله بأهلها وفعلاً تحدد موعد في بيت سلمى وتمت المقابلة، أهل علي أكثر تديناً من أهل سلمى، فأخواته البنات مثلاً لا يضعن مساحيق التجميل ويرتدين العباءات على عكس سلمى وأمها، وأبوه يرتدي الجلباب وله لحية طويلة مخضبة بالحناء..

بعد المقابلة شعر أهل سلمى أن علياً فعلاً إنسانٌ رائعٌ ومناسبٌ، ولكن هو وأهله أكثر منهم التزاماً ولا يوجد مشكلة في ذلك..

بعد فترة من الزيارات العائلية وافقت سلمى على الارتباط بعلي، وتمت الخطبة في منزل سلمى دون أغانٍ أو رقص، وذلك تم باتفاق بين عليّ وسلمى..

خلال فترة الخطوبة حاول عليّ كثيرًا أن يُقرب سلمى من الله أكثر عن طريق اصطحابها معه للدروس والندوات الدينية وسلمى بطبيعتها لديها استعداد لذلك وسعيدة به.. وبالتدريج بدأت سلمى تحسن من ملبسها أكثر، وترتدي الحجاب الطويل وكان الجميع من أصدقائها وأهلها وزملائها في العمل يلاحظون تغيرها، حتى إنها أصبحت لا تصافح الرجال باليد وتكتفي بإطلاق جملة «السلام عليكم».

تعلقت كثيرًا بعليّ، وهو أيضًا أحبها جدًّا، وكانا متفاهمين إلى أبعد الحدود..

أجلت ديمًا خطبتها لعمر و لفترة حتى تهدأ وتستعيد نفسها، وراحت علاقتهما تكبر وكانا دائمًا ما يتقابلان ويتحدثان في الهاتف، وفي يوم أثناء مقابلة ديمًا بنرمين صديقتها.. كانت نرمين ترتدي

لبسًا جميلًا وأنيقًا وتضع من أدوات المكياج ما يُظهر جمالها، كان وجهها مضيئًا في ذلك الوقت.. فرحت ديما عندما رأت نرمين سعيدة وسألتها عن سبب سعادتها فكان ردها:

- أنا ارتبطت يا ديما وان شاء الله هتخطب قريب!

صدمت ديما لأنها كانت على أمل أن تتصلح العلاقة بين نرمين ومحمد ولكنها حاولت إخفاء ذلك وراء ابتسامة قائلة:

- ألف مبروك يا حبيبتي حصل إمتى ده، وازاي متقوليش؟

- الموضوع جه بسرعة أووي، أنا اتعرفت عليه من شهر في كورس الرسم اللي كنت بأخده، والموضوع مشي بسرعة مش عارفه ازاى، وهو شخص مناسب جدًا ومحترم.

وأثناء كلامهما رن هاتف نرمين، فأجابت بارتباك، وهذا طبيعي لأن ديما حتى وإن كانت صديقتها فهي أخت الشخص الذي كانت تحبه ويحبها؛ فمن الطبيعي أن يكون هناك الكثير من الحساسية بينهما في مثل ذلك الموقف..

تعتصر ديما من الداخل، فهي لم تتمنَّ أبدًا لمحمد أخيها عروسة أفضل من نرمين، وتمنّت كثيرًا أن يُصلح الله بينهما ويُتوّج حبهما

الكبير بالزواج، ولكن العند كان يسيطر على كليهما، وكأن هناك شيء خفي بينهما لا تعلمه ديما أفسى قلبيهما، ممكن أن يكون اهتمام محمد بشغله كان بديلاً قويا عن الاهتمام بنرمين فدائماً ما كان يُهملها، وهذا الشيء يجرحها ويسبب لها وخزاً في الروح، ديما لم تغلح محاولاتها للإصلاح رغم أنها كانت دائمة، لذلك لم يكن بإمكانها سوى أن تظهر فرحتها لصديقتها لأنها كانت ترى أنها على حق في كثير من الأمور، وأن محمداً لم يكن يهتم بنرمين الاهتمام الكافي ولم يتمسك بها ويحبها، وقالت نرمين إن عليها الانصراف لأن خطيبها ينتظرها في مكان آخر، فأسرعت ديما معها وأوصلتها بنفسها حتى لا تتأخر على موعدها، وبعد أن أوصلتها إلى المكان الذي ستقابل فيه خطيبها رحلت باكية العين، تحبس دموعها منذ أن قالت لها نرمين على خبر ارتباطها وبمجرد أن نزلت نرمين من السيارة بعد أن انتهت من ضبط مكياجها، قادت ديما السيارة وهي منهارة حد البكاء..

بعد أن ذهبت ديما إلى المنزل قالت لمحمد أخيها إن نرمين ستخطب قريباً مما أثار ذهول محمد، كيف لها أن تُخطب بتلك السرعة، وقال متظاهراً بالتماسك:

- ربنا يوفقها، هي حرة في حياتها.

ولكنه كان يُداري خلف تلك الجملة ألمًا شديدًا أحسَّت به ديمًا وأحسَّت به أمهما أيضًا، لكن كبرياء محمد كان يدفعه دائمًا لإظهار عكس ما بداخله..

وبعد ذلك اليوم أرسلت نرمين رسالة إلى ديمًا قائلة فيها:

- أنا دلوقتي بابدأ حياة جديدة، ولازم أنسى محمد وأي حاجة ممكن تفكرني بيه، أنا آسفه يا ديمًا بجد، بس أنا مضطرة أبعد عنك لأنك أخته وأكيد كل لما أكلمك أو أشوفك هافتكره، حاولت كثير أفضل بين أنك أخته وأنك صاحبتني بس مقدرتش، أرجوكي قدري موقفي وسيبيني على راحتي..

حزنت ديمًا حزنًا شديدًا عندما قرأت تلك الرسالة، ولكنها تمنَّت لصديقتها من كل قلبها السعادة، وقالت لها إنها ستُنفذ رغبتها، لكنها ستنتظرها تُحدثها في أي وقت، ظنًا منها ألا أحد منهما يمكنه الاستغناء عن الآخر، ومرَّ شهر دون أي مكالمات بينها، كانت ديمًا تفتقد نرمين جدًّا فاتصلت بها ولكنها لم تجبها مما زاد قلقها فاتصلت مرة أخرى دون أي فائدة أيضًا، ثم اتصلت بأخت نرمين

التي قالت لها إن نرمين نائمة، وطلبت ديما منها أن تبلغها عندما تستيقظ أنها تريد محادثتها..

ظلت ديما طوال اليوم تنتظر مكالمة نرمين بلا فائدة، ففهمت أن نرمين لا تريد محادثتها..

وبعد فترة قصيرة قررت ديما الموافقة على الارتباط بعمر و رسمياً، كانت سعيدة جداً به فهو الإنسان الذي حلمت به يشاركها حياتها، وعندما عرف هيثم بارتباطهما حدث ما لم يتوقعه أحد، اتصل هيثم بعمر وطلب منه المقابلة وبالفعل ذهب إليه عمرو، فبدأ هيثم كلامه بسؤال عمرو عن إذا كان بالفعل ارتبط بديما أم أن ما سمعه ليس صحيحاً، وكان رد عمرو:

- أيوه يا هيثم ارتبطنا وإن شاء الله هنلبس دبل يوم الخميس وكتب الكتاب بعد سنة عشان زي ما انت عارف والد ديما مسافر فاحنا ملتزمين بمواعيد أجازاته.

كان هيثم يسمع كلام عمرو صامتاً ومنتأثراً جداً، ولاحظ عمرو توتر صديقه فقال له:

- مش عارف اقولك ايه يا هيثم، بس احنا مش صغيرين وطبعاً كل

شيء نصيب..

ضحك هيثم ضحكة هستيرية، واستغرب عمرو ما الذي يُضحكه لذلك الحد وظل ينظر إليه في تعجب فقال هيثم:

- طيب بص انا هقولك كلمتين وانت حر، مع إني كان ممكن أسيبك على عمّاك بس أنا برضه أصيل وبصون العيش والملح.

لم يتكلم عمرو منتظرًا منه أن يكمل كلامه فقال له:

- لازم تعرف أن ربّة الصون والعفاف مش بس كانت حبيبتي ولا كان ارتباطي بيها ارتباط عادي، احنا كنا شبه متجوزين، و....»
وقف عمرو من مكانه مفزوعًا قائلاً: «

- إنت واطي أوي يا هيثم!

- هي اللي واطية أوي صدقتي.

لم يتمالك عمرو أعصابه فأمسك بهيثم من قميصه وضربه، فتجمعت الناس حولهما لفض المشاجرة، انصرف عمرو وهو في قمة غضبه، كيف يصل انعدام الضمير لهذا الحد، كيف له أن يتهم إنسانة شريفة بذلك الاتهام البشع لمجرد أنها رفضت الزواج منه،

وفضّلت شخصًا آخر، كيف له أن يتحدث بتلك الوقاحة عن أخت صديقه..

ظل عمرو أيامًا في حالة يرثى لها، ولكنه حاول جاهدًا تجاهل كلام هيثم، وبالطبع لم يقل لديما أي شيء عن مقابلته بهيثم أو عن كلامه، لأنه يعرف جيدًا كم هي رقيقة المشاعر ولن تتحمل أبدًا ما قاله عنها، حاول عمرو الإسراع في إجراءات كتّاب الكتاب حتى يكون دائمًا بجانب ديما، ولكن للأسف لم يتركهما هيثم وشأنهما، لقد قال نفس الكلام لممدوح صديقهما الذي وبّخه أيضا وتشاجر معه وكان الجميع سخرهم الله ليكونوا بجانب ديما لكي يدافعوا عنها..

وعندما علم عمرو أن هيثم لم يكفّ عن كلامه، ذهب هو وممدوح إليه في منزله وقامت مشاجرة كبيرة بين عمرو وهيثم أدت إلى إصابة كل منهما بجروح، حاول ممدوح جاهدًا أن يهدئهما وأخذ عمرو بالقوة وانصرفا..

كانت تمر كل تلك الأحداث بين عمرو وهيثم دون أن تعلم ديما أو محمد بأي شيء خوفًا من عمرو عليهما، لأن محمدًا إذا وصله أي

شيء من ذلك الكلام لن يكفيه قتل هيثم، ولهذا كان عمرو وممدوح يُحاولان أن يفعلوا المستحيل حتى لا يصل أي كلام إلى محمد صديقهم..

لكن للأسف أرسل هيثم رسالة إلى ديما يسبها فيها ويصفها بأبشع الألفاظ وفي نهاية الرسالة قال لها: « لو فاكرة انك عادي تلعبى بييا واسيبك تبقي غلطانة»، صدمت ديما وأسرعت لعمرو وقالت له ما حدث، ووعدها بأنه سيتصرف في ذلك الأمر، وأخذ وعداً منها ألا تحكي لأخيها أي شيء..

تلك الفترة حصل محمد على تأشيرة الهجرة لكندا التي دائماً ما تمنأها، وكان عليه السفر في أقل من أسبوعين، ومرّ الوقت سريعاً وسافر محمد يملؤه الحزن لأنه لن يكون بجانب ديما وعمرو العام القادم عند زواجهما..

كف هيثم عن رسائله وكلامه عن ديما أو بمعنى أصح لم يصل إليهما أي كلام لأن الجميع قاطعه تماماً.. وبعد سفر محمد بخمسة أشهر مرضت أماني أخت ديما ومحمد، واكتشف أهلها إصابتها بمرض خطير في حالة متدهورة، وسرعان ما توفت..

عاد والد ديما إلى مصر.. لكن محمد لم يستطع المجيء فالهجرة
تلزمه بالبقاء في البلد فترة ما، صدمت أسرة ديما صدمة كبيرة
فأماني لا تزال في الثالثة والعشرين من عمرها ولم يتوقع أحد
إصابتها بأي مرض..

كادت ديما تموت حزناً على أختها فأرسلت رسالة إلى نرمين وقالت
لها إنها بحاجة إليها وأبلغتها بموت أماني، وفي نفس اليوم أتت
إليها نرمين في المسجد حيث يُقام العزاء، عندما رأتها ديما
أسرعت نحوها واحتضنتها باكية، فاحتضنتها أيضاً نرمين ولكن
من دون بكاء، فنرمين معروفة بقوة مشاعرها وأنها نادراً ما تبكي
على شيء ما، حتى إن كادت تموت من الألم..

بعد الصلاة، وتشيع الجنازة، وأثناء مراسم الدفن لم تستطع ديما
أن تتمالك نفسها وتحبس دموعها، فمسكت سلمى يد صديقتها
التي كادت أن تسقط مغشياً عليها بقوة وقبّلت رأسها وهي تبكي،
ثم قامت بالدعاء وقراءة بعض السور القصيرة في محاولة منها
لتهدئة صديقتها.

وفي أيام العزاء، ظلت نرمين وسلمى طيلة الوقت بجانب ديما،

حضر هيثم العزاء والدفنة وقدم العزاء لديما وعمرو، فوقت الموت يتناسى الجميع أي مشاكل وخلافات، فأى شيء صغير جداً بجانب مصيبة الموت..

مرت أيام العزاء الثلاث وسألت ديما صديقتها نرمين عما إذا كانت قد حُطبت أم لا، فقالت نرمين إنها لم تخطب وانتهى موضوعها قبل بدايته..

قاسية كانت الشهور الأولى، قاسية عليهم جميعاً، فبعد أيام العزاء يبدأ الوجع؛ وبعد أن تنتهي أيام المواساة والسلوى يبدأ أهل وأحباب المتوفي باستيعاب حقيقة الفراق والموت، يشعرون بالغرابة في الأماكن التي كانت تجمعهم بمن أحبوا، يشعرون بالوحشة والألم، يشعرون بالحنين للماضي، يشعرون بالندم على الأوقات التي مرت دون أن يعبروا لمن يُحبون عن حُبهم.. مشاعر كثيرة تظهر بعد انتهاء مراسم العزاء، وهذا ما حدث مع ديما مما أدى إلى انهيارها، دائماً ما تتردد على المستشفى لما يحدث لها من إغماء وانهيار حزناً على أماني..

ولأن الأب كان أكثرهم حكمة، ففكر أنه من العقل أن تشغل ديما

عن فاجعة موت أمانى بشيء آخر يُلهيها عن حزنها، فقرر والدها أن يتم كُتَب كتابها على عمرو في أقرب وقت، وعندما عرض الأمر على عمرو لم يُمانع فهو يفهم جيداً تفكير والد ديما، ولكن ديما رفضت فكيف لها أن تتزوج بعد أسبوعين من وفاة أختها، كيف لها أن تشعر بالفرحة وأختها بعيدة عنها..

استغرب الجميع موقف الأب ولكنه لم يُبال، ما كان يشغله هي ديما فقط..

حاول إقناعها بكل ما يملك من جهد أنه مجرد كُتَب كتاب لا غير؛ حتى يتمكن عمرو من التواجد معها هي وأمها في البيت معظم الوقت؛ فمحمد مهاجر والأب سيُسافر بعد أيام، لكن ديما شعرت أنه ليس ذلك هو السبب في إصرار الأب على كُتَب كتابهم..

وكان شعورها صواباً، فبعد يومين من مناقشتهم سمعت حديثاً دار بين أبيها وأمها تسأله فيها عن سر الاستعجال، وعن أنه لا يمكن أن يتك كُتَب الكتاب قبل أن تمر فترة كافية على وفاة أمانى فكان رد الأب:

- أديكى شايفه يا سعاد حالة ديما، كل يوم تعب ومستشفيات،

البنيت داخلة على اكتئاب من كثر الحزن، وأنا مش هستنى أنها
تضيع مني هي كمان، لازم تتشغل بحاجة، لازم نكسر الحزن والألم
اللي احنا فيه، لازم نتغلب على الجرح ده، لو فضلنا كده هنموت كلنا
من الحسره والوجع.

كان الأب بيكي وهو يتحدث، وبكت أيضاً الأم المكلومة من كلامه،
أكمل كلامه قائلاً:

- لازم ديما تقوى، لازم تعرف إن أمانى وديعة وربنا استردّها،
مينفعش نعترض على قضاء الله، ومينفعش نوقف حياتنا ونكملها
في حزن، لازم يكون عندها إيمان بالله أن هو ده الخير، ساعدينى
يا سعاد نقنعها بكتب الكتاب، وجود عمرو دايمًا معاها هيهون عليها
كثير.

وبالفعل وافقت ديما بعد ما سمعته إن كان ليس من أجلها فمن أجل
أهلها، اتصل الأب بعمرو وقال له أن يُحضر أهله ويأتوا في المساء
لكتب الكتاب، استغرب عمرو جدًّا ولكنه ذهب في الموعد هو وأبوه
وأمه وأخوه الأكبر، وكتب الكتاب وسط الدموع ووجع القلوب، بدأ
والد عمرو بسؤال والد ديما عما يُريده من مهر وشبكة وشقة إلى

آخره رغم أن ذلك الكلام متأخر كثيراً وكان يجب الاتفاق عليه قبل كتب الكتاب ولكن قاطعه والد ديما قائلاً:

- مش مهم الكلام ده، اللي مش هتجبه انتوا هنجيبه إحنا، المهم نضرح بالولاد.

ومرت الأيام.. كان من الطبيعي أن تكون هذه الفترة في حياة عمرو وديما من أسعد أيام حياتهما ولكن للأسف لم يحدث ذلك، فقدان ديما لأختها كان دائماً يمنعها من الفرحة، كانا دائماً يذهبان معاً لزيارة المقابر، كانت ديما دائمة البكاء.. وكان عمرو دائم المواساة لها..

رامي أخو عمرو استغرب ذات مرة من تكرار ديما وعمرو لزيارة المقابر، وكان يرى أن ذلك شيء مخيف ويدعو للكآبة، وإصرارهما عليه غير مفهوم فكان رد ديما عليه:

- فيه ناس بتخاف من زيارة المقابر وشايفها مخيفة زي ما انت بتقول كده.. أعتقد ده سببه إن ملهمش حد غالي فيها.. فمفيش حاجة خلَّتْهم يزورها عشان يحسّوا إذا كانت مكان جميل أو لا أو مخيف ولا لا، أنا بقي جربت زيارتها وممكن أقولك إن المقابر

بالنسبة ليا هي أكثر مكان بحس فيه بالراحة النفسية.. أكثر مكان بحس فيه بصفاء القلب والروح.. أكثر مكان بحس فيه بالأمان.. أحياناً بحس أن بيني وبين المكان ده قصة عشق..

وباستغرب لما حد يكسّل يزور والده أو والدته أو حد غالي عليه موجود هناك.. رغم إن مفيش اختلاف في إنهم بيحسوا بيك ويفرحوا بوجودك ويستأنسوا بيك، ربنا مايكتبش علي حد إنه يفقد حد من أهله أو أحبابه.. بس يجد المقابر جميلة جداً.. آه ليها رهبة لأن الموت طبعاً ليه رهبة بس حتي رهبتها مريحة نفسياً جداً، مكان بتحس فيه إن الدنيا دي ولا حاجة ومهما رُحت وجيت فيها في الآخر مكانك هنا.. لا حول ليك ولا قوة.. بتديك طاقة إنك تحاول تعمل لآخرتك أكثر وبتقلل من حب الدنيا في قلبك.

ابتسم عمرو وأخوه لجمال كلامها داعين الله أن يرحم أمانى ويرحم كل الأموات وأن يرحمهم الله جميعاً إذا صاروا إلى ما صارت إليه..

كان عمرو جائعاً فأخذ يلتقط قطع البطاطس التي يحبها من على الطاولة التي أعدتها ديما بعد تلبية نرمين وممدوح لدعوتهما على

الغداء، دق جرس الباب واذا بمدوح يطل عليهم بابتسامة تضيء وجهه الأسمر المستدير حاملاً فى يده باقة من الزهور، وبعد أقل من دقيقتين وصلت نرمين.. ولكن حدث شيء غريب عندما رأى مدوح ونرمين بعضهما، تغير لون وجههما وألقيا السلام على بعضهما دون أن ينظر أحدهما في عين الآخر، فسألتهما ديما مستغربة ماذا بهما؟! فكان رد الاثنتين لأشياء..

وبعد خمسة أشهر من وفاة أمانى، أرسل هيثم رسالة إلكترونية لديما.. وعندما رأت ديما اسمه استغربت، فأخر مرة رآته يوم وفاة أختها ومن قبلها بخمسة أشهر لم يحاول أبداً الاتصال بها..

فتحت ديما الرسالة لترى ما بها وكانت الرسالة:

- أولاً يا ديما أنا ببعثلك عشان أطلب منك تسامحيني، أنا عارف إنى أذيتك قوي وظلمتك، وعارف إنك دلوقتى بتكرهيني وممكن تكوني بتتدعي علياً، بس انتي عارفة أنا حبيبتك قد إيه فكان غصب عني، أرجوكي سامحيني..

أنا فكرت كثير قبل ما اكتبلك الرسالة دى بس والله انتى صعبانة عليا، إبعدي عن اللي اسمها نرمين، والله نرمين دي عمرها ما

كانت صاحبتك أو بتحبك، دي مش بني آدمة، دي أزيل إنسانه شوقتها في حياتي، دي حراية بتتلون على كل لون، أنا عارف إنك مستغربة كلامي، بس لازم تعرفي إن نرمين هي اللي كرهنتي فيكي وشيلنتي منك، ووصلتنا للي احنا فيه لما زمان حكلي إنك بتحبي عمرو وبتتكموا، وبعد ما أنا وانتي بعدنا عن بعض، ارتبطت بنرمين شهرين ونص، ووالله العظيم طول الفترة دي ما كانت بتجيب سيرتك بكلمة كويسة لا إنتي ولا محمد، كانت بتقول عليكم أشع الكلام، وأنا وقتها كنت ضعيف ومجروح منك فمش هانكر إن أنا كمان كنت بغلط فيكي جداً، إبعدي عنها، إنتي إنسانة كويسة ودي مينفعش تكون صاحبتك.

قرأت ديما الرسالة وهي ثابتة جداً، ثققتها في أنه إنسان كاذب، وثقتها في صديقتها منعتها من أن تصدق أي حرف قرأته.. وبمنتهى الثبات أرسلت له رسالة قائلة:

- كفايه كذب بقى يا هيثم! انت ليه عايزني أبعد عن كل اللي بيحبوني وباحبهم، الأول عملت المستحيل عشان عمرو يبعد عني، ودلوقتي عايزني أبعد عن نرمين، إنت عايز مني إيه، ليه بتكره تشوفني سعيدة وسط ناس بحبهم ويحبوني، حسبى الله ونعم

الوكيل فيك .

أرسلت ديما الرسالة ثم اتصلت بعمرو الذي كان يراها على خطأ لأنها أجابت على رسالة هيثم ولم تتجاهله .. وطلب منها ألا تفكر في كلامه لأنه بالتأكيد كاذب، وألا ترسل له مرة ثانية مهما كان الأمر ووعده ديما بذلك، وبعد ساعات فتحت ديما البريد الإلكتروني مرة ثانية، فوجدت هيثم قد أرسل رسالة أخرى يقول:

- يا ديما انتي مش فاهماني! أنا بجد عايز أفتح عينك عشان انتي ماتستهليش تعيشي مش فاهمة حاجة، أنا مش باكذب، فاكرة اليوم اللي اتقابلتي في بينوس كافيته انتي ونرمين وكانت بتكلم حبيبها، وانتي وصلتيها بنفسك لسيتي ستارز، أنا حبيبها ده.. كنتي بتستغربي دايماً إني عارف كل كلام بينك وبين عمرو مسألتيش نفسك ازاى، عشان نرمين كانت بتتقلي كل كلمة بينكم، مسألتيش نفسك هي بعدت عنك ليه، انتي ازاى مش قادرة تشوفي الحقيقة، أنا هبعثلك دلوقتي ملف، فيه كل الشات اللي كان بيني وبين نرمين خلال ٤ أو ٥ شهور منهم شهرين ونص ارتباط عشان تصدق بنفسك.

قرأت ديما الرسالة وهي تشعر بدهشة، فهي لا تصدق أبداً ما يقوله وتثق تماماً أنه كاذب ولكن كيف عرف كل ذلك.. كيف عرف تفاصيل يومها مع صديقتها في بينوس كافيه؟؟

اتصلت ديما بنرمين وقالت لها قبل أي سلامات بينهما:

- نرمين هو انتي كنتي مرتبطة بهيتم؟

فكان رد نرمين التلقائي:

- هيتم مين؟

شعرت ديما أن نرمين لم تستوعب ما قالتها، فحككت ديما لها ما حدث مما أدى إلى استغراب نرمين أيضاً لما قاله هيتم وقالت في ثقة:

- هو ليه بيقول كده أصلاً!! كمان غريبة أووي إنه عرف الكلام اللي بينا ازاي، زي ما يكون كان معانا؟

وبعد تفكير منهما قررا تجاهل كلامه، فالكل يعرف من هو هيتم وكيف أنه حاول جاهداً أن يعكر صفو حياة ديما..

تفكير ديما المتواصل فيما يفعله هيتم جعلها تشعر بالكره الشديد

له، كانت دائماً تتساءل كيف له أن يعيش في ظل ذلك الكذب، وما وجه الاستفادة عندما يتسبب في أذى الآخرين، فأرسلت إليه رسالة تُوبخه فيها وتوجه إليه الإهانات، ظلنا منها أنها بذلك ستنتفي النار التي دائماً ما يشعلها بداخلها..

اليوم التالي كان عمرو يتناول الغداء في المنزل مع ديما وأهلها وبالصدفة رأى على موبيل ديما رسائل البريد الإلكتروني بينها وبين هيثم وعرف أنها أرسلت إليه رغم أنها وعدت عمرو ألا تفعل ذلك فغضب غضباً شديداً، وانصرف وهو في قمة الانفعال، ظلت ديما تبكي لأن تلك هي المرة الأولى التي ينفعل فيها عمرو عليها وحاولت مراراً الاتصال به دون جدوى، وبالصدفة اتصلت نرمين بديما لتطمئن عليها، وحكت ديما لها ما حدث بينها وبين عمرو، حاولت نرمين تهدئتها وقالت لها إنها ستتصل بعمرو وتصلح بينهما، وبالفعل بعد أقل من نصف ساعة اتصل عمرو بديما وقام بمصالحتها واعتذر عن انفعاله عليها..

مر شهر والآخر وأتى يوم زفاف ديما وعمرو، وبسبب الظروف التي مرت بها ديما وأهلها فقد قرر عمرو وديما أن يكتفيا بعشاء يضم العائلتين بدلاً من حفلة الزفاف، ولكن اعترض والد ديما بشدة؛

فتلك الليلة ليلة عمرها ومهما كان حجم الحزن بداخلهم فسيقل
كل ما في وسعه محاولاً إدخال السرور علي قلوبهم جميعاً..

وفي جولف سيتي العبور.. حيث الهواء النقي وسط المساحة
الكبيرة الخضراء والأزهار المختلفة ألوانها، وبالقرب من حمام
السباحة الممتلئ بالبالونات كانت تجلس ديما بثوبها الأبيض
الجميل المصنوع من الدانتيل المطرز، ويمتد ذيل ثوب عرسها
خلف ظهرها في دائرة كبيرة، ترتدي حجاباً من الدانتيل الممزوج
بالشيفون عليه تاج من اللؤلؤ المرصع بقطع الماس، وتضع ماكياجاً
هادئاً ورقيقاً كثوبها..

أما سلمى فكانت بالقرب من صديقتها وذهبت إليها وانحنت لتضع
قُبلة رقيقه على رأسها، وتساقطت دموع من عينيها من شدة الفرح؛
ففرحتها بفرح صديقتها لا يمكن التعبير عنها بأي كلام.

حضر بعض الأصدقاء والأهل وكان يوماً جميلاً جداً ينقصه أمانى
رحمها الله ومحمد الذي هاجر وانشغل بعمله وأصبحت علاقته
بديما وأهله مجرد مكالمة كل يومين أو ثلاثة..

وبعد شهر العسل أرسل هيثم باقة من الورد الجميلة لهما على

المنزل وكارت مكتوب فيه، «ألف مبروك، بارك الله لكما وبارك عليكما وجمع بينكما في خير، أتمنى لكما كل السعادة»

لم تتأثر ديما بالورد أو الكارت ولم تُبدِ أي تعليق عليهم، إلا أن عمرو قال لها:

- سامحي يا ديما بقي، كل واحد منا بقي في طريق ومالناش دعوة بيه، بس سامحيه مش عشانه هو، عشانك انتي، بلاش تعيشي شايله في قلبك من حد، الدنيا مش مستاهلة.

ولكن لم تُبدِ ديما أيضاً أي تعليق على كلام زوجها، هي أيضاً مقتنعة بكلامه ومقتنعة أن التسامح يُنقي القلب ويُهذب النفس ويُقلل من الحقد والغل، ظنت ديما أنها بطبيعتها متسامحة، لكنها عرفت كم هي شديدة البعد عن التسامح عندما عرفت هيثم وعندما أساء إليها وجرحها جرحاً لم تستطع أن تشفى منه..

قام بعض أصدقاء ديما في الجامعة بزيارتها عقب عودتها من شهر العسل؛ فطلبت منها لبني -إحدى الصديقات- التي لا تربطها بها علاقه قوية أن تحدثها على انفراد، وبالطبع استجابت ديما فقالت لها لبني:

- أنا عارفة إن المفروض ما اتدخلش، بس لازم تعرفي، أنا مش عارفة أبدأ ازاي؟

كانت ديما تنتظر لتعرف ماذا ستقول لبني، وعند سكوت لبني اضطربت ديما وطلبت منها أن تتحدث في الموضوع بدون أي مقدمات، فأكملت لبني كلامها بصوت مرتعش:

- أنا مستغربة هي ازاي نرمين صاحبك كدة، احنا خرجنا تانى يوم فرحكم كلنا ونرمين فضلت تتريق عليكي وعلى جوزك كتير، وكان أسلوب كلامها عنك وحش جداً.

استغربت ديما من كلام لبني وقالت لها:

- ازاي يعني؟!

فقال لبني:

- يعني فضلت تقول أن جوزك بيسمع كلامك في كل حاجة، بس مش بأسلوب كويس، هي كان نفسها تبين للناس انه بيعمل اللي انتي عايزاه مش عشان بيحبك وعايز يسعدك، كانت بتحاول تبين بطريقة مش مباشرة إنه بيرضيكي في كل حاجة ضعف شخصية منه، وفضلت تقول كمان أنها مستغربة إنك فرحانة وبتتجوزي

وأختك ماتت من كام شهر بس وكلام كتير غريب.

سكتت ديما وبداخلها شيء يقول إن لبنى تكذب، ولكنها قالت لها بدون أى تعقيب آخر: أوك.

وذهبا يجلسان مع باقي أصدقاء الجامعة الذين حضروا للمباركة وتقديم التهاني، وبعد انصرافهم شردت ديما بذهنها تفكر فيما قالته لبنى، وتذكرت أن ريهام صديقتها قالت لها منذ وقت بعيد إن نرمين تتحدث عنها بطريقة غير لائقة واثهمت ديما وقتها ريهام بالكذب.. أصبحت ديما غير قادرة على التفكير..

رآها عمرو شاردة الذهن فسألها عما حدث وعن ما قالته لبنى لها، فحكّت له فقال عمرو:

- إنتي محتاجة تفكري شوية يا ديما، مش ملاحظة إن غريبة شوية إن كذا حد يحذرك منها، وكلهم ناس متعرّش بعض، إنتي بتثقي فيها ثقة عمياء وده مش صح، لازم تفكري وتسألني نفسك، ليه كميّه التحذيرات دي؟

سكتت ديما ثم قالت:

- يعني إيه، يعنى ممكن أكون اتخدعت فيها، لا لا مش ممكن يا بنى

دي أختي، لا يمكن أشك فيها!

فقال عمرو:

- طيب افرضي معايا يا ديما إن كلامهم طلع صح، أو إن كلام هيثم صح وإنها كانت مرتبطة بيه وهي اللي بتكذب عليكى.. وإن مثلاً...
لم يكمل عمرو كلامه عندما رأى الدموع تملأ عين ديما لمجرد الافتراض أن صديقتها ليست بصديقة، فقال:

- يا اه!!! يا ديما!! للدرجة دي؟

مسحت ديما دموعها قائلة:

- أنت مش فاهم يا عمرو، نرمين دي مش بس صاحبتى، نرمين زي أختي بالظبط، أنا بحبها أووى، لما باتعب أو باتضايق مش برتاح غير لما أحكيها، لما كانت مرتبطة بمحمد كانت دايمًا في مشاكل مع محمد، وانت عارف أن عمرنا ما كنا بنتخانق بس كنت بتخانق معاه عشانها وعشان بيزعلها، لدرجة إن ماما كانت بتستغرب هو أنا أخت مين أخت نرمين ولا أخته؟ كنا مع بعض في الجامعة والبيت وكل حاجة، مش بنسيب بعض غير وقت النوم بس، أمها بحسها أمي، وأخواتها أخواتي، حتى لما كانت هتتخطب والله رغم

الوجع على أن خطوبتها على حد غير أخويا بس اتمنت ليها السعادة
من كل قلبي، لما بصلي هي أول واحدة بدعيها ربنا يحلي أيامها
ويكتبلها الخير، إحنا مش مجرد أصحاب أنا وهي، إحنا أختين؟
فرد عمرو:

- خلاص يا ديما مادام واثقة كده متشغليش بالك.

امتلات عينا ديما بالدموع وهي تحكى لصديقتها سلمى عما قالته
لبني، فقد اتصلت ديما بسلمى خصيصًا لمقابلتها بسبب ذلك
الموضوع، فهي بحاجة إلى الكلام مع شخص تثق به، وكان رأي
سلمى نفس رأي عمرو بأن على ديما التفكير جيدًا في كل ما قيل
لها..

- دي كدابة، هو فيه إيه محدش ساييني في حالي ليه؟!!!

كان رد نرمين في اتصال قامت به ديما حكت لها فيه عما قالته
لبني:

- وخلص بقى يا ديما مادام بتيجي تسأليني عن كل كلمة حد

بيقولها لك تبقي انتي مش واثقة فيا، ومادام مش واثقة فيا يبقى
ملاهش أي لازمة صحوبيتنا دي وكل واحد يكمل حياته بعيد عن
التانى، أرجوكي يا ديما كفاية ومنتصليش بيا تاني.

لأول مرة لم تتأثر ديما بعصبية صديقتها، لأول مرة تشعر ديما
بانفعال صديقتها ولا تحاول تهدئتها.. أحست ديما بأن هناك شيئاً
خفياً، لم كل هذه العصبية من صديقتها، كان عليها أن تثبت لها أن
لبنى كاذبة، وبدون أي تفكير فتحت ديما البريد الإلكتروني وظلت
تبحث عن الملف الذي أرسله لها هيثم، حتى عثرت عليها وفتحته،
وبمجرد أن رآته علمت أنه من الصعب أن يكون ذلك الملف مفبرك
لأنه من ال chat log، كان ما يقرب ٥٠٠ صفحة، فكانت تمر
بعينها خلال كل عشر صفحات على جملة أو اثنين، وإذا بعمر
يسمع صوت بكائها، صوتاً تحاول إخفاءه ولكن ما أحست به من
جرح كان أقوى من أن تتحكم في نفسها..

ظلت تكتم أنفاسها حتى لا يسمع بكاءها أحداً، ولكن صدمتها كانت
فوق أي شيء، جرى عليها عمرو واحتضنها، كانت ترتعش في
حضنه، ظل صوت بكائها يعلو ويعلو، وكلما يعلو كلما يزداد احتضان
عمرو لها، حتى بدأت أن تهدأ، وأخذ عمرو اللاب توب ليرى ماذا

قرأت حتى تشعر بكل ذلك، وإذا به يفلقه صارخًا:

- عالم زبالة وواطيين، إحنا غلطانين من الأول أن عرفنا الأشكال دي، والله ما يستاهلوا دمعهم واحدة من دموعك يا حبيبتي، اهدي يا ديما أرجوكى وفوقى، مش دول اللي تبكي عليهم أو عشانهم. حاولت ديما أن تجمع كلماتها المبعثرة:

- أنا مش بعيط عليهم، أنا بعيط على نفسي، ليه بيكرهوني كده، أنا عملتلهم إيه، أنا مكنتش باخدعه زى ما بيقول، أنا بسببه تعبت نفسيًا والله أيام كتير عشان مش عايزة أجرحه أو أوجعه، وواحدة كانت أقرب ليا من إخوانى وعمري ما أذيتها أو شافت مني غير كل خير وحب، ليه كده؟؟، وليه كمية النفاق دي، ما كانت تقولي في وشي إنها بتكرهني، ليه تعيش بوشين، وش بيحبني وبيخاف عليًا ووش تاني بيطنني في ضهري وبيوجعني!

ما قرأته ديما كان فوق أي استيعاب، فهما لم يرتبطا ببعض فقط، ولكنهما دائمًا في سيرتها بالباطل، تكلمتا عنها وعن سمعتها وشرفها وأخلاقها، اتهماها بأنها كانت على علاقة محرمة بهيتم، كلام حقيير لم تقوَ على استيعابه أو فهمه، بصرف النظر عن أن الكلام من الصعب أن يخرج من إنسان مسلم يخاف الله، وهما

ليساً فقط بمسلمين؛ بل كانا يوماً ما أغلى ما لها، لم كل ذلك الكره الذي يملؤهما، لعل سبب كُره هيثم معروف ولكن، لماذا فعلت نرمين كل ذلك؟

حاولت سلمى بكل ما تملك أن تكون بجانب صديقتها وأن تُهدئ من روعها، فالصدمة بالفعل كبيرة جداً عليها.. كانت تقضى تقريبا طيله اليوم معها، وذات يوم وبعد عودتها إلى منزلها، توضأت وصلت ودعت لصديقتها ديما أن يذهب الله عنها ما بها من حزن، وذهبت إلى فراشها لتنام ومدت يدها لتطفىء الأباجورة الموضوعوعة بجانبه، لكن عينيها أبت النوم، صوره صديقتها ديما ودموعها وشكل وجهها الملىء بالحزن لا يفارق عينيها، أنارت سلمى الأباجوره وجلست تعادل علي فراشها والتقطت مدونتها كاتبه :

«الحقيقة أننا عندما نحب شخصاً ما، يتوقف عقلنا عن التفكير، ونفكر بقلبنا فقط، ننسى أن أي إنسان يمكن أن يُظهر عكس ما يُضمر لنا، ننسى أن الدنيا مليئة بالمنافقين والكاذبين ومن الممكن أن يكون أقرب الناس لنا ينتمون لتلك الفصيلة»

ديما كانت تثق ثقةً عمياء في نرمين، رغم أنها من الممكن أن تعرف الحقيقة منذ زمن، إذا كانت اهتمت بكلام ريهام لها، أو كلام هيثم، أو لو كانت قرأت الملف الذي أرسله هيثم، لكن ثقتها بصديقتها منعتها من أن تفكر حتى أو تضع احتمالاً ولو ضئيلاً أن صديقتها ليست بصديقة..

لا أعلم هل كانت ديما لا ترى الحقيقة، أم أنها لم تكن تريد أن تراها..»

حاولت سلمى وديما وعمرو كثيراً أن يفكروا في سبب ما فعلته نرمين ولكن دون جدوى، فدائماً ما نسمع أن الغيرة هي المحرك الأساسي في مثل تلك المواقف، ولكن لماذا ستغير نرمين من ديما، والاثنتان على قدرٍ من الجمال، والاثنتان في نفس المستوى تقريباً، والاثنتان يحبهما أصدقاؤهما، فما سبب تلك الغيرة، وإن كان الموضوع ليس له علاقة بالغيرة فما سبب ما حدث؟ وما سبب ذلك الكره؟ أسئلة كثيرة لا توجد لها إجابة واضحة..

قررت ديما الاتصال بنرمين لعلها تعرف منها لماذا فعلت معها كل ذلك، أنكرت نرمين بكل ما أوتيت من قوة علاقتها بهيثم وأقسمت على ذلك، وطبعاً بعد ما رأت ديما بنفسها ما بينهما من محادثات

فلا أحد سيصدق كذبها أو قسمها، وعندما قالت لها ديما:

- كفاية تمثيل بقى، ما كل حاجة بانة و اتعرفت، والشات موجود من إيميلك وأسلوب كلامك، ليه عملي فيا كده، ده أنا محبتش حد من أصحابي قد ما حبيتك، أذيتك في إيه عشان تعملى كدة؟! انضعت نرمين قائلة:

- أذيتيني في ايه ؟؟ أنتى أكثر إنسانه أنانية شوفتها في حياتي، كان كل همك زمان أفضل أنا وانتي أصحاب عشان حضرتك تكوني مبسوطة وأنا جمبك، إنما مفكرتيش في مشاعري أنا، مفكرتيش ازاي صعب عليا أكون شايفاكى قدامي وانتي أخت الإنسان اللي حبيته وخذلني، مفكرتيش فيا أنا لحظة، أنا متأكدة إن انتي اللي كنتي بتوقعي بيني وبين محمد، ما استحملتيش واحدة تشاركك في أخوكي وحبها، إنتي أنانية فعلاً، بتفكري في مصلحتك وبس.. يا شيخه ده انتى روحتي اتخطبتى وفرحتي وأختك لسة متوفية ولا كيان ليكي أخت زعلانة عليها!

لم تتحمل ديما أن تسمع المزيد فأغلقت السماعة في دهول، كيف تقول نرمين مثل ذلك الكلام!! ديما كانت تحافظ على مشاعر

نرمين جداً وكانت مشاكلها مع أخيها بسبب حبها الزائد لنرمين؛ فلم تقدر يوماً أن تراها حزينة بسبب أخيها؛ فكانت تخاصم أخاها من أجل صديقتها، ديما لم تتمنّ زوجة لأخيها سوى نرمين فكيف لها أن تكون سبباً في بعدهما كما تدّعي نرمين، ولعل كل ذلك الكلام كان هيئاً إلا أن آخر جملة كسرت ديما، كيف تتهمها نرمين أنها ليست حزينة على أختها، نرمين تعلم جيداً سر ذلك الاستعجال في الخطبة والزواج، وتعلم أن أهل ديما فعلوا ذلك بسبب الوجد الشديد والتعب الذي تعرضت له ديما بسبب حزنها على فقدان أختها!

لكن بعد ذلك الجرح أصبح العتاب لا قيمة له، أصبحت الصداقة لا معنى لها بعد هذا الحقد الرخيص، أصبح كل شيء لا يستحق سوى التجاهل، فحقاً حينما يغيب الضمير يصبح كل شيء مباحاً.. وللأسف غاب ضمير نرمين وأباحت لنفسها كل شيء دون إحساس منها بالخطأ أو الذنب.

بعد مرور أسبوعين على تلك المكالمة التي كانت سبباً في تدهور حالة ديما النفسية، وعندما بدأت في استرداد صحتها، فاجأها عمرو قائلاً لها:

- أنا كنت عارف إنها ارتبطت بهيثم على فكرة.

ذهلت دوما كيف له أن يعرف مثل ذلك الموضوع ولم يقل لها شيئاً
وسألته عن ذلك فكان رده:

- أنا حاولت كثير أقولك يا دوما بس ما قدرتش، كنت بحاول ألمح
ليكي من بعيد بس مكنتيش بتفهمي، لدرجة إني قولتك إفرضي
إنهم كانوا مرتبطين، وانتي رديتي أن ده مستحيل وعيَّطتى لمجرد
فرض، وأنا كنت خايف عليكي أوي، كفايه عليكي وجع فراق أماني
الله يرحمها وسفر محمد، مكنتش قادر أقولك عشان متعبيش
أكثر، وفي نفس الوقت قولت لنفسى يمكن نرمين ندمت وبتصلح
اللى فات.

زادت صدمة دوما مما قال لكنها لم تتطرق بأي تعقيب أو رد على
كلامه، واستأذنته أن تذهب إلى غرفتها لأنها تشعر بالتعب وتود
أن ترتاح قليل، وساعدها هو إلى أن وضعت جسدها المتعب على
سريرها وتركها كي تنام، ولكن كيف للنوم أن يقارب عينيها وهي
في تلك الصدمة، كيف لجفنها أن يغضو وهي تفكر في ألف شيء،
كان عقلها وقلبها يتساءلان كيف لشخص أن يخدع آخر إلى هذا

الحد، هل هذا غباء منها أم طيبة؟؟

ظلت تسأل نفسها هل هذه نرمين التي ضحّت ديمًا بأصدقائها من أجلها، هل هذه نرمين التي كانت كل يوم في بيت ديمًا ومعها، هل هذه نرمين التي كانت الأخت المقربة لها.. جرحتها لمدة طويلة دون أن تشك ديمًا فيها ولو ثانية واحدة، في الوقت الذي كانت تدعو ديمًا فيه لها أن يسعدها الله مع من اختارته، كانت تطعن فيها وتخطط لجرحها وإيذائها..

وفي لحظة أسرعت ناهضة من فراشها رغم إرهاقها وارتدت ملابسها، وانطلقت تعدو خارج الشقة، حاول أن يسألها عمرو إلى أين تذهب ولكنها أخذت سيارتها وتحركت بسرعة كبيرة..

ركنت سيارتها أمام قسم شرطة مصر الجديدة، ودخلت القسم وهي في حالة انهيار، قابلها أحد الأفراد وسألها ماذا بها وماذا تريد فأجابت أنها تريد أن تحرر محضرًا، ذهبت إلى الضابط الذي كان يجلس ينظر إليها في حيرة حين رآها، وطلب منها الجلوس حتى يفهم منها ماذا حدث..

حاولت ديمًا أن تهدأ دون جدوى وقالت بحروف مبعثرة:

- انا عايزه اعمل محضر سب وقذف لواحدة كنت أعرفها .

استغرب الضابط

- سب وقذف؟؟

انهيارها هيا له أن هناك شيئاً كبيراً، ولكنه تفاجأ أن كل هذا الانهيار بسبب إهانة شخص لها، حكّت ديمًا له كل ما حدث واستمع هو إليها بعناية شديدة وبعد أن أنهت كلامها قال لها:

- يا مدام ديمًا! أنا شايف الموضوع مش مستاهل أصلاً، ده لو أي حد عمل محضر لحد شتمه أو غلط فيه هيبقى عندنا مليون محضر وأكثر، إنتِ بس عصبية زيادة عن اللازم لأن واضح من كلامك إنها كانت غالية عندك لكن الموضوع فعلاً مش مستاهل.

أكدت ديمًا على تمسكها بتحرير ذلك المحضر، وطلب منها أن تهدأ وتذهب إلى بيتها وأعطى لها رقم هاتفه وطلب منها أن تُحادثه عندما تهدأ وتفكر في كلامه وهو سيفعل ما تريد..

عادت ديمًا إلى منزلها وكان في انتظارها عمرو بقلق، لأنه حاول اللحاق بها دون جدوى، وسألها بعصبية أين كانت؟ ولماذا لم تجب على هاتفها المحمول؟..

حكّت له ديما ما حدث فلم يتمالك عمرو نفسه قائلاً:

- إنتي اتجننتي، ازاي تروحي قسم لوحدك وازاي متقوليليش؟
عارفه يعنى إيه بنت تدخل قسم، وعارفه كان إيه ممكن يحصل،
كان ممكن تقعي في ظابط مش محترم هزّك ولا سمعك كلمة
ملهاش لازمة، كان ممكن تشوفى مناظر مينفض تشوفيهها، رايحة
القسم عايزة عملي محضر عشان ناس شتموكي أو غلطوا فيكي!
ده إيه التفاهة دي؟! ما يولعوا بجاز، الموضوع ما يستاهلش كل ده.
استغربت ديما من رد فعل زوجها، ظنت أنه سيشعر بها ولن
يُوجه لها كل ذلك النقد، ولم تتمالك نفسها وانهارت باكية، أحس
عمرو أنه كان قاسياً، بالفعل هي تعطي الموضوع أكبر من حجمه،
ولكن وجعها ليس هيئاً، فعندما يجرح الشخص الطيب الذي يثق
بالآخرين يشعر بوجع مضاعف عن غيره.

قبّلها عمرو قبلة حانية على جبينها وطلب منها أن تسامحه على
عصبيته، ووعدها أن يفعل ما يريحها حتى إن كانت راحتها في
ذلك المحضر، وطلب منها أن تستريح وتخلد للنوم وعندما تستيقظ
يتناقشان بموضوعية في كل شيء..

وفي الصباح لم يذهب أي منهما إلى عمله، لأن ديما مرضت وأصبح ضغطها منخفضاً كالعادة وظل عمرو بجانبها، طلبت منه أن يتصل برامي أخيه فهو يعمل محامياً في إحدى مكاتب المحاماة الكبرى ويطلب منه الحضور حتى يأخذوا رأيه في الأمر وبالفعل حضر رامي وقصوا عليه ما حدث فقال لهم:

- أولاً يا ديما أنا كمان مش شايف أي لازمة لكل ده، بس أنا هريحك، لكن قيل أي حاجة لازم تعرفي كذا حاجة، محاضر السب والقذف دي حبالها طويلة وبتأخذ وقت، وفي الآخر لو اتحكملك بيتحكم بتعويض ٢٠٠ ولا ٣٠٠ جنيه وانتي بتصرفي أكثر من كدة بكثير، فالموضوع كله مالوش أي لازمة.

ولكن ديما كانت مصممة على رد كرامتها التي أهانها هيثم بمساعدة صديقتها وأصررت أن تسير في ذلك الاتجاه.. حاول معها عمرو وأخوه كثير في إقناعها أن تتراجع ولكن دون جدوى، فقال لها عمرو:

- يا ديما! انتي السكينة سرقاكي عشان لسة جرحك من صاحبك صاحي، بكرة هنتشغلي في بيتنا وحياتنا وهتعرفي أن كل ده لعب

عيال، وحتى يا ستي لومش لعب عيال ديننا بيحُتْنا على التسامح،
يا ديما! دي السيدة عائشة أشرف النساء أتهمت في شرفها، ودي
زوجة الرسول، ومع ذلك لما أبوها أبو بكر الصديق كان هيقف
النفقة اللي كان بينفقتها على مسطح بن أثاثة عشان خاض في
عرض بنته، ربنا نزل الآية الكريمة، بسم الله الرحمن الرحيم:

« وَلَا يَأْتِلِ أَوْلُو الْفَضْلِ مِنْكُمْ وَالسَّعَةِ أَنْ يُؤْتُوا أَوْلِيَ الْقُرْبَىٰ وَالْمَسَاكِينَ
وَالْمُهَاجِرِينَ فِي سَبِيلِ اللَّهِ وَلْيَعْفُوا وَلْيَصْفَحُوا أَلَا تُحِبُّونَ أَنْ يَغْفِرَ
اللَّهُ لَكُمْ وَاللَّهُ غَفُورٌ رَحِيمٌ » (النور: ٢٢)، فطبعا سيدنا أبو بكر
بعد الآية دي سامح واستمر في النفقة على مسطح، عشان كلنا لنا
أخطاء وبنتمنى ربنا يغفر لنا..

قاطعته ديما قائلة:

- يا عمرو أنا عارفة كل ده بس أنا مش قادرة! أنا بني آدمة عادية،
إيه اللي هيوصلني لصحابي زي أبو بكر.. وربنا قال نعفو ونصفح
لو قدرنا، وأنا مش قادرة، أرجوكم امشوا في إجراءات المحضر في
أقرب وقت.

بعد الانتهاء من وجبة العشاء التي شاركهم فيها خال سلمى، أحضرت أمها الشاي وبعض الحلويات، مدَّ الخال يده لالتقاط إحدى قطع الحلوى ناظرًا إلى سلمى التي لاحت علي وجهها علامات الإحباط، ثم عرض عليها أن تكتب مقالاً شهرياً في مجلة شبابية يمتلكها أحد أصدقائه، ولكنها رفضت بحجة أن حلمها ليس الكتابة، حلمها أن تكون إعلامية وتقدم برامج هادفة للمجتمع، فكان رد خالها:-

- انتي عايزة تكوني مذيعة ليه يا سلمى!؟

قالت سلمى:

- أنا مش بفكر في الشهرة والفلوس، أكيد دي حاجات مهمة بس مش أساسية بالنسبة ليّ، لكن أنا عندي هدف عايزة أوصله؛ أنا أصحابي بيحبوا يسمعو كلامي، بيقتنعوا بوجهات نظري، بيشفوا إنني باقدر أوصل لقلوبهم، فأنا عايزة أوّسع الدائرة دي، عايزة أوصل لقلوب ناس كثير، عايزة أفيد غيري وأستفيد.. والعمل في الإعلام هو أكثر شيء مؤثر، ويوصل لكل الناس، فلما أقدم برامج مفيدة تفيد الشباب والمجتمع؛ شوف كام حد هيشوف البرامج

وكام حد هيستفيد؟!!

قال الخال مبتسماً:

- تمام يا حبيبتي، يعني عندك رسالة؟!!

ابتسمت سلمى وقالت:

- بالطبط.

فقال الخال:

- طيب إيه المشكلة لما الرسالة دي توصلها بالكتابة؟! لحد ما

ربنا يريد ويأذن إنك تكلمي توصيل الرسالة دي عن طريق شاشة

التليفزيون!!

صمتت سلمى قليلا تفكر في كلام خالها ثم قالت:

- أوعدك هفكر.

اتصلت سلمى بديما تطلب منها أن تحضر هي وخطيبها عليّ

للمباركة لديما وعمرو في بيتهما وبالفعل رحبت ديما بذلك وذهبت

سلمى وعليّ إليهما في المساء..

نظرت سلمى حولها فى إعجاب شديد، فقد كان منزل ديما وعمرو جميل جداً، يعكس ذوق راقي فى التصميمات والديكور، الأثاث كلاسيكي مما زاد من جمال المنزل وأناقته، والأرضية من البورسلين الأسود الفاخر، وهناك بعض اللوحات الفنية والمرسومة على الحوائط البيضاء الناصعة..

تبادلوا جميعاً الأحاديث والمباركات، أحست سلمى أن هناك شيئاً خفياً تخبئه ديما، هناك نظرة حزن تطل من عينيها، لم تقوَ سلمى على معرفة هل هذه النظرة بسبب ألم فقدانها أختها أماني أم هناك شيء آخر، أخذت سلمى بيد صديقتها وجلستا فى غرفة أخرى كي يتحدثنا، وسألتهما سلمى ماذا بها ولم هذا الحزن، فانفجرت ديما بالبكاء تحكي لصديقتها كل شيء، كانت سلمى تسمع لحديث ديما ذاهلة، محدقة العينين من صدمتها، حاولت أن تهدئ من روعها دون فائدة، استمرت ديما فى كلامها وبكائها قائلة:

- أنا عارفة إنك شايفة إنى غلطانة فى موضوع المحضر وإن مكش ينفع أعمل كدة مع واحدة كانت صاحبتى، بس اللي عملته كان رد فعل لعمالها.. أنا كنت طيبة معاها لأبعد الحدود، كنت صديقه وفيئة، بأحب وباحترم وبقدّر صاحبتى، عشان كدة وجعي

كبير، أنا مش قادرة يا سلمى، مش قادرة بجد، أوقات بيكون فيه ناس متسامحة جداً.. لكن بيتيجي عند شخص معين ومهما حاولت إنها تسامحه مش بتقدر.. مش سواد قلب لكن بيكون الوجع والجرح صعب جداً عليها وبيكون غير متوقع من الشخص ده بالذات.. فمش بتقدر تسامح، بيبقي صعب عليهم لما يفتكروا قد إيه كانوا بيحبوا ويضحُّوا ويدُّوا ويكتشفوا إن كل اللي أخذوه كره وجرح ووجع.. حاجات كتير يا سلمى كل ما افتكرها أتوجع.

عارفه يا سلمى أنا عرفت دلوقتي سرّ ارتباكها هي وممدوح لما شافوا بعض، لأن ممدوح كان عارف حقيقتها وعارف ارتباطها بهيتم، وعارف كلامهم عني، ممدوح حكالي إنه اتصدم لما شافها مكنش متوقع إنها جبارة للدرجة دي، وممكن تدخل بيتي وتعمل دور صاحباتي بعد كل اللي عملته، أنا حاسة إنني كنت مغفلة أوووي، كل اللي حوالياً كانوا عارفين حقيقتها وأنا لا، متضايقة أووي إنني كنت صعبانة عليهم وشايفيني غلبانة، يا سلمى! ده أنا كمان عرفت أن مش هيتم بس اللي كان عايز يبعد بيني وبين عمرو، دي نرمين كمان حاولت تعمل كده.. تخيلي يا سلمى، أول ارتباطي بعمرو، نرمين كلمت عمرو وقالته إنني ماستاهلوش، وإنني بكذب عليه في

موضوع هيثم وإنى مش ناويه أسيب هيثم، وفي نفس الوقت عايزة عمرو معايا . تخيلي؟ تخيلي صاحبتى تقول عليا كدة؟

- هو عمرو اللي حكاك كلامها ده؟

- أيوة! عمرو حكالي قريب بعد ما عرفت حقيقتها، ما حكاليش وقتها.. هو ما اهتمش بكلامها وحمد ربنا لما بعدنا عن بعض، وكان فاكرا لما رجعنا تاني أنا وهي نتكلم بعد وفاة أماني إنها اتغيرت بس اتأكد إنها ما اتغيرتش، عارفة كمان لما بعث لهيثم إيميل، و عمرو زعل مني وهي قالت إنها هتكلم عمرو وتصالحنا على بعض، هي فعلا كلمته بس عارفه قائلته ايه، قائلتوا إنه لازم يأخذ موقف مني عشان أنا ما سمعتش كلامه، وبرضه بعث ايميل لهيثم، عشان كده عمرو كلمني، كلمني يصالحنى مش عشان هي كانت عايزاه يصالحنى زي ما انا كنت فاهمة، ده كلمني عشان حس الشر اللي جواها ناحيتي كبير قد إيه، فصالحنى عنداً فيها وعشان ما يديهاش فرصة إنها تفكر توقع بينا تاني، أنا بجد مصدومة.. ليه ما كانتش عايزة عمرو يكمل معايا، للدرجة دي مش عايزاني أفرح؟ دي أكثر إنسانة عارفة إنى باعشق عمرو، ليه كانت عايزاه يبعد عني، ليه كانت عايزة تعمل أي حاجة تكسرنى؟!

أنا بجد مش قادرة، دلوقتي بس فهمت معنى نظراتها لما شافت
الدبلة في إيدي، وعرفت إن عمرو خطبني، مكنتش مستغربة
التوقيت زي ما وهممتي، دي كانت مستغربة إن محاولتها هي وهيثم
فشلت، وإني كملت أنا وعمرو واتمسك بيَّا بعد كل كلامهم وقرْفهم،
أنا نفسي أعرف ازاي كنت بحس إن كل حضن بتحضنهولي صادق،
وهو في الحقيقة كان كذب وحقد وكره، ازاي مقدرتش أفهم
حقيقتها غير متأخر أوي.

احتضنت سلمى صديقتها ديما، وبكت معها فهي تشعر بكمّ الوجد
الذي يوجد داخلها،

سألتها سلمى عن رد فعل نرمين عندما علمت بأمر المحضر فقالت
ديما وهي تمسح دموعها:

- لما وصلها هي وأهلها موضوع المحضر اتصلت بكل أصحابنا
وقالتهم إنى عملتها محضر كذب وافتراء، وبتبلى عليها وعملت
دور البريئة وبقيت أنا قدام الناس الصاحبة الشريرة المفترية،
والناس ما بتصدق يسمعوا حاجة ويمسكوا فيها يرددوها من غير
حتى ما يتأكدوا من صحتها.

أنهت سلمى وديما كلامهما وذهبتا للجلوس مع عليّ وعمرو، ثم تناولوا العشاء معاً وسط الضحك والكلام، لقد تعمدت سلمى أن تفعل ما بوسعها كي ترى ضحكة صديقتها بعد كل تلك الدموع التي ذرفتها عيناها، وقد نجحت في ذلك ورسمت خلال ساعات قليلة الضحكة على وجه صديقتها، وانصرفت سلمى وخطيبها.

ظلت سلمى تفكر كثيراً فيما حدث مع صديقتها، كانت لا تستوعب كم الخيانة والشر الموجود في نفوس بعض البشر، وتذكرت المقولة التي تقول إن أعداء أعدائك هم أصدقاء، فقد نجحت نرمين في كسب الكثير حولها، واستطاعت أن تجتمع حولها كل من تعرف أنهم شديدي الحقد على ديما حتى يساندوها في ظلمها..

جلست سلمى على مكتبها،، وأحضرت ورقةً وقلمًا، وبدأت أول مقال لها تاركة يدها تكتب ما تشعر به:

«أحياناً تجد بعض الأشخاص يحاولون أن يشعروا أنك تخطئ، أو حتى يكذبوا على أنفسهم بذلك لعلمهم أنك أكثر منهم نجاحاً وتميزاً..

فمهما كان الإنسان شخصًا جيدًا سيجد من يحاول إقناع نفسه أنه أسوأ شخص في الحياة محاولة منه في إخفاء ما بداخلة من نقصٍ وحقدٍ وغلٍ..

فذلك النوع من البشر يفرحون عندما يعلمون خطأ ما اقترفه أحد الأشخاص، فيجمعون كل قواهم للفتك بصاحب الخطأ ويحاولون جاهدين الإثبات للآخرين أنهم أحسن منه خلقًا.. على الرغم من أنهم أكثر الناس معرفة بحقيقة المخطئٍ وحقيقتهم..

وعلى الجانب الآخر فهناك من الأشخاص التي ظلمت من لا تسمح له ذاكرته بالنسيان.. فلكل إنسان طاقة من الممكن أن تنفد، ليس معنى عدم قدرته علي التسامح أنه شخص سيء، وليس معنى أنه يتمنى رجوع حقه ممن ظلمه أنك ذا طبع قاسٍ وقلبٍ أسود، هو إنسان، نفس بشرية غير مثالية وله كل الحق أن يُوكل ربه ليُعيد إليه حقه، له كل الحق أن لا يسامح.. فأرجوك يا من ظلمت لا تُرهق نفسك، فلا يُكلف الله نفسًا إلا وسعها.

فهناك أخطاء لا صفح فيها ولا غفران، هناك جروح لا تُداوى سوى برؤيتك عقاب الله لمن تسبب لك فيها، هناك طعنات تُؤلم وتكسر ولا نستطيع أن نمنع أنفسنا بعدها من قول «حسبي الله»، لكن تذكر

دومًا يا عزيزي، أن عليك أن تجاهد نفسك ولا تسمح للكفر أن يتسلل الى قلبك، ولا تسمح لنفسك أن تفكر يومًا في الانتقام.. لكن لا ترهق نفسك، ولا تجاهد عدم قدرتك علي الغفران»

علمت والدة ديما ووالدها بما حدث، فطلبا من ابنتهما أن تتنازل عن ذلك المحضر، مُحاولان إقناعها أن أخلاقها وتربيتها لا تسمحان لها بفعل ذلك، وأن عليها ألا تقابل الإساءة بالإساءة؛ فيكفيها أن تبعد عنها وسيأتي اليوم الذي تعرف فيه نرمين أنها خسرت كثيرًا بخسارتها لصديقة كانت تحبها كثيرًا وتعاملها بصدق وحب..

وبالفعل تنازلت ديما عن المحضر مُحاولَةً نسيان ما حدث ونسيان أنها كانت لديها صديقة تُدعى نرمين في يوم من الأيام.

- مش ده سيف يا سلمى؟

قالها عليّ لسلمى أثناء عودتهما من درس قرآن بعدما شاهد عليّ أخاها سيف وهو يمسك بيد شهد في الشارع ويجريان ويضحكان، فأوقف السيارة فجأة.

فابتسمت سلمى فى براءة قائلة:

- أبوه هو، ربنا يسعدهم يارب.

رمقها على بنظرة ملؤها الغضب:

- يسعدهم إيه، ويسعدهم ازاي وهما بيعصوه، ده أنا اللي اسمي

خطيبك ما اقدرش أمسك إيدك كده، إيه الفجر والوقاحة دي!

صمتت سلمى أمام كلام خطيبها الذي انهال عليها كالصاعقة، ثم

حاولت تمالك نفسها وقالت:

- فيه إيه يا علي، حتى لو ده غلط ليه بتتكلم عن سيف كدة، ممكن

تدعيه بالهداية بدل أسلوبك ده وتجريحك فيه!

- بلا تجريح بلا زفت، دي قلة أدب وعلني، وياريته مكسوف من

نفسه، ده ماشي فى الشارع فرحان بالمعصية.

سكتت سلمى، لم تر أن هناك داعي للنقاش أكثر من ذلك، وصل

عليّ وسلمى إلى البيت، ودخلا يتناولان الغداء باتفاق مسبق، وبعد

ساعة حضر سيف فى قمة السعادة، وألقى عليهم السلام لكن كان

رد عليّ باردًا للغاية مما أربك سلمى جدًّا..

- بعد إذنكم يادوبك ألحق أصلي العصر.

استأذنهـم سيف لصلاة العـصر.

فضحك علي بسخرية قائلاً:

- تصلي، هو انت بتصلي؟!!

ردّ سيف:

أيوه طبعاً الحمد لله! ايه الغريب في كدة؟!!

فقاطعته سلمى قائلة:

- ولا حاجة يا حبيبي! ده على بيهزر معاك.

نظر عليّ لهما باستهزاء مما أثار حفيظة سيف قائلاً:

- مالك يا عليّ، من أول ما جيت وانت مش طايقني!

- انا شفتك انت وشهد على فكرة!

فقال سيف:

- اه وبعدين!!

فقال علي:

- إيه اللي وبعدين! شوفتك وانت ماسك إيديها وعایشين في قصة

حب غريبة.

- غريبة ليه! عمرك ما شوفت اتنين بيحبوا بعض؟!

- ده ما اسموش حب يا سيف باشا، ده اسمه عدم احترام، اسمه قلة دين و..... »

قاطعته سلمى وهي تصيح:

- عليّ! أرجوك عيب أووي كلامك ده متساش إنك بتكلم أخويا.

فتظر سيف اليه فى غضب قائلاً:

- أنا مش هارد عليك احتراماً لوجود سلمى أختي، ولأنك فى بيتي.

وانصرف سيف خارج المنزل وأغلق الباب بشدة من خلفه.

لم تقو سلمى على إخفاء غضبها مما أدى الى انصراف خطيبها هو الآخر..

سلمى ترى أن علياً أهان سيف، وليس له أي حق في ذلك؛ فكل إنسان له الحرية في تصرفاته وليس من حق أحد أن يحكم عليه أو على دينه، وبعد كثير من المشاكل بشأن ذلك الأمر اعتذر عليّ لهما، ولكن الاعتذار وحده لم يكن كافياً كي يستطيعا نسيان ما

قاله لهما، وزاد التوتر إلى أن وصل ذروته عندما مرضت جارة
لسلمى تُدعى أمنية، واقترحت صديقة لهما أن يقسموا جميعاً
أجزاء القرآن ويختموه بنية الشفاء لأمنية، وطلبت سلمى من علي
مشاركتهم تلك الختمة وكان رده:

- يعني إيه خاتمة عشان ربنا يشفيها، إيه الفتى ده، مفيش حاجه
اسمها كدة، لو انتوا عايزين تعملوا كدة فكثر خيركم وأديكم
هتاخدوا ثواب عشان خليتوا ناس من أمثال أمنية يمسكوا مصحف،
إنما أنا حد فاهم ومش هاشترك في الخاتمة دي.

استغربت سلمى من رد علي وقالت:

- أمثال أمنية!!

فقال علي: « أيوة، واحدة مش محجبة وبتلبسك جينزات ضيقة
وياعالم أصلاً بتصلي ولا لا، شكلها ولا بتركها أصلاً.

قاطعته سلمى قائلة:

- على فكرة يا علي، أمنية بتصلي ومواظبة على قراءة القرآن،
وقريبة من ربنا جداً.

- انتي بتدافعي عن واحدة فاسقة مش محجبة!!

توقفت سلمى عن المناقشة والتزمت الصمت غير مستوعبة كلام خطيبها؛ من هو ليحكم على شخص آخر إن كان متديناً أم لا، وكيف يحكم على إنسانة لا يعرفها بذلك الشكل لمجرد أنها غير محجبة، وكيف يحكم على أخيها أنه بعيدٌ عن الله لمجرد أنه رأى موقفاً لم يعجبهُ منه.

إلى متى سيظل هناك من يحاسب الناس على علاقتهم بالله، إلى متى سيظل هناك من يحكم على الشخص بمظهره الخارجي، ومَنْ نحن حتى نحكم على شخص آخر، نحن من وإلى التراب ولا يحق لنا أن نتدخل بعلاقة أي عبد بربه..

بدأت سلمى ترى ما لم تره من قبل، بدأت تشعر أن علياً له آراء متطرفة كثيرة، وهذا لا يناسب وسطية ديننا، ولاحظت ذلك في مواقف كثيرة مما جعلها تعيد التفكير في تلك العلاقة وهل علي هو الشخص المناسب لكي تقضي الباقي من عمرها بجانبه؟

ساءت علاقة سيف بشهد دون أي سبب واضح، وقررت شهد أن تبتعد عنه وقالت له إنه أصبح من المستحيل أن يستمرَّ في حبهما،

وأن هناك أشخاصًا كثيرين يتقدمون لخطبتها ووالدتها أصبحت
صعبة التفاهم، وطلبت شهد مقابلة سيف للمرة الأخيرة..

تقابلا في مكانهما المعتاد وكان سيف مرتبك جدًا وخائف مما
ستقوله شهد فقالت شهد:

- سيف انا فعلاً بحبك، بس أمي ملهاش غيري أنا وأختي وأنا خايفه
جدًا عليها وهي بقيت رافضه علاقتنا نهائيًا.

فقال سيف:

- فيه حد تانى يا شهد؟!

قالت شهد:

- إيه اللي انت بتقوله ده، هو ده رأيك فيا؟!

قال سيف:

- أنا مش قصدي... بس مستغرب موقفك، ومستغرب إنك هتبعيني
بالسهولة دي، ليه مش عايزة تستحملي شوية لحد ما اتخرج واقنع

مامتك بيًا، ليه بتستلمي من أول الطريق؟!

قالت شهد:

- أنا مش باستسلم... بس أنا لازم أريِّح أُمي.

انسحبت شهد وظل سيف مكانه، لم يحاول أن يُنادي عليها، لم يحاول أن يُكمل كلامه معها، وظل صامتًا مستغربًا كيف يمكن لقصة الحب التي استمرت سبع سنوات أن تنتهي بهذه السهولة..
أما سلمى فطلبت من علي أن يبتعدا قليلا حتى يستطيع كلُّ منهما أن يحدد موقفه من تلك العلاقة، وأن من الأفضل ألا يحاول أحدهما الاتصال بالآخر إلى أن يصلا إلى القرار المناسب..

ومن يعيش الحياة يظلُّ يفتنُّدُ..

توفي والد سلمى وسيف فجأة دون أي مقدمات، كان يصلي الفجر وبعد أن ختم الصلاة ودخل لغرفته لينام ارتقت روحه إلى دار الحق، كانت الصدمة شديدة عليهما، فوالدهما لم يشتك يوماً من مرض ما، ولم يُصَّب بحادث، ولم يكن هناك أي تمهيد لوفاته، ولم يتوقعا يوماً أنه سيفارق حياتهما، فموت الفجأة وجعٌ لم يُحسب له حساب، في لحظة واحدة يدخل إلى الجسم نفس ولا يخرج مرة ثانية..

جاء عليّ لتقديم العزاء وشعرت سلمى أنه مثله مثل أي شخص أتى ليُعزبها في والدها، لم يكن بجانبها كما كانت تتوقع، لم يخفف من آلامها بنظرة أو كلمة كالطبيعي في ذلك الموقف، فشعرت أنه حتى في أصعب موقف في حياتها بعيد عنها كل البعد، فالفتاة عندما يتوفى أبيها تشعر بغيره، هي لا تفقد شخصاً فحسب؛ بل تفقد الأمان، تفقد السند، تفقد الوطن، تفقد الحزن الدافئ أيام البرد القارص، تفقد طعم الحياة، وتظل طيلة حياتها تبحث عن ذلك الأمان الذي حرمتها الدنيا منه..

أما سيف فانتظر كثيراً أن تأتي شهد العزاء وتكون بجانبه، ففي مثل ذلك الموقف يتناسى الأهل والأصحاب والأحباب أي خلاف ويكونون بجانب بعضهم، ولكنه تفاجأ بشهد تكتمي بإرسال رسالة مواساة له ورسالة أخرى لسلمى..

فسخت سلمى الخطبة نهائياً بعد انتهاء مراسم العزاء عندما طلب عليّ مقابلتها ظناً منها أنه يحاول تصحيح ما فعله ولكنها تفاجأت به يقول:

- يا سلمى! انا مش هفضل مستني كده كثير، بقالنا أكثر من شهر

ونص مش عارف انتي ناويه على إيه، يا ااريت لو ناوية تكلمي تقولي ولو مش ناويه تقولي برضه عشان فيه واحدة تانية ألحق أتقدم لها.

قالت سلمى:

- مش فاهمة قصدك إيه! يعني لو أنا مش هكمل في واحدة في دماغك تكمل معاها؟

- أيوة بس أنا باقي عليكى لآخر وقت.

انتفضت سلمى من مكانها وحملت حقيبتها قائلة:

- لا ما تبقاش علياً يا سيدي، مش أنا اللي يتقالي فيه واحدة تانية، مادام جيه في دماغك بس إنك عادي ترتبط بغيري ومعدكش مشكلة حد ياخذ مكاني يبقى انت ما تلزمنيش أصلاً.

أخذت سلمى إجازة طويلة من عملها لتكون بجانب أمها في تلك الأيام العصبية، أما سيف فبعد أسبوع من وفاة والده شعر أنه بحاجة إلى حبيبته، التي كانت دائماً بجانبه طيلة السبع سنوات ارتباط بينهما، وبرغم كل ما حدث منها قرر الذهاب لها.. كان يتوقع عند ذهابه إليها أنها ستركض إليه كالطفلة وترتمي في أحضانه وتبكي وتوضح له لماذا لم تهتم بأن تكون معه في تلك

الفترة، وعند وصوله أسفل منزلها أرسل إليها رسالة طلب منها النزول وأبلغها أنه ينتظرها أسفل المنزل كما اعتادا دوماً..

بعد أقل من خمس دقائق نزلت هي وأختها وأمها وشخص آخر غريب لم يره من قبل، فذهب في اتجاههم ونظرت الأم إليه من أعلى إلى أسفل قائلة له:

- إنت مين؟!

فابتسم ابتسامة سخرية من شدة سخافة الموقف وقال لها:

- أنا سيف!

كان من الممكن أن يجرح شهد وأمها ويصغرها أمام ذلك الغريب، كان من الممكن أن يضع يده في جيبه ليخرج الهاتف الخاص به، ويفتح ألبوم الصور وسجل المكالمات ويقول أنا سيف الذي يمسك بيد ابنتك في أكثر من ألف صورة، أنا سيف الذي تتصل به ابنتك في اليوم أكثر من عشر مرات، أنا سيف الذي تقضي معه ابنتك نصف يومها.. ولكن أخلاقه منعته من أن يفعل ذلك، أو أن يضع الأم وابنتها في ذلك الموقف أمام ذلك الغريب.

انسحب سيف وقد امتلأت مقلناه بالدموع.. لكنه أبى عليهم معانقة

خديه، واستقل سيارته وهو لا يصدق ما قد حدث، لماذا صمتت
شهد أمام أفعال والدتها المُرّيبة؟ لماذا أنكرت الأم معرفتها به
كلياً؟، ومن ذلك الغريب؟ والأهم.. لم لم يهتز لشهد طرف؟..

أسئلة كثيرة لا يوجد لها إجابة شافية سوى أن هنالك أشخاصاً
بالفعل معدومي الأصل، ومعدومي الإحساس بالغير، ناكرين لكل
شيء جميل مهما حاولوا التظاهر بأنهم أشخاص رائعون، أو لهم
من الطيبة نصيبٌ، ومثل هؤلاء الأشخاص لا يستحقون أن نفكر
بهم، كل ما يستحقونه هو أن نحمد الله الذي عافانا منهم ومما
هُم فيه..

من الطبيعي بعد وفاة أي شخص عزيز علينا أن نتأثر من ذلك
ونتعظ من الموت خصوصاً إن كان موتاً مُفاجئاً كما حدث لوالد
سلمى وسيف، ونحاول التقرب إلى الله أكثر ونحاول الاستعداد
للموت الذي أيقننا أنه كثيراً ما يأتي دون سابق إنذار، ولكن لم
يحدث ذلك مع سلمى فصدمتها في خطوبتها وفي خطيبها أثراً
عليها سلباً، بدأت تشعر أن المظهر الديني لا أهمية له أمام ما
بداخل الإنسان، فقررت خلع الحجاب، لا أحد يُنكر أن هناك مئات

المحجبات اللائي يَقمُنُ بكثير من التصرفات السيئة التي لا ترضي الله، وأيضًا هناك الآلاف من غير المحجبات يعلُنُ الخير ويؤدين الصلوات والسنن ومعظم ما يخص أمور الدين على أكمل وجه ويصبحن عند الله في مرتبة عالية جدًا، ولكن كل هذا لا يصح أن ينتقص من قيمة الحجاب أو أهميته، فالحجاب فرض مهما كانت تصرفات من يرتدونه..

بدأت رحلتها مع الوصول لحلمها، الذي كان أكبر عائقٍ له هو حجابها، فهناك الكثير من القنوات الفضائية لا تقبل به، وبدأت تبحث وتقدم في وظائف كثيرة في التلفزيون المصري والقنوات الخاصة ولكن بلا فائدة..

في تلك الفترة استمرت في عملها في الشركة السياحة، واجتهد سيف في دراسته أكثر، وحملت ديما في طفلها الأول..

وبعد سنة من بحث سلمى عن قناة مناسبة، تم قبولها في قناة فضائية جديدة تبحث عن مذيعات جُدد وتقدمت سلمى لها، وأثناء التدريبات في القناة، تعرفت على مخرج البرنامج الذي ستقوم بتقديمه، وارتاح كل منهما للآخر ونشأت بينهما علاقة عاطفية..

تنازلت سلمى عن الكثير من مبادئها لتحصل على تلك الوظيفة؛ فأول موقف لها في القناة وهي جالسة مع المخرج والمُعد ومنتج البرنامج الذين يدخلون بشراة كبيرة، عرض عليها المنتج سيجارة وعندما رفضت قال لها:

- خدي يا بنتي، مالك دي سيجارة، هو أنا بشربك بانجوا

فضحك الجميع وشعرت سلمى بالإحراج؛ فأخذتها وكانت أول سيجارة لها رغم أنها كانت من أكثر الناس الكارهين لشرب السجائر، أصبحت تسمح أن يوصلها أي منهم إلى بيتها بعد منتصف الليل وهذا كان عكس مبادئها، تغيرت سلمى كثيرًا حتى تواكب الوسط الذي اختارت أن تكون فيه..

وبدأت قصة سلمى مع التنازلات، بعد أن كانت تحلم بتقديم ما هو هادف ومفيد ويقربها إلى الله، قبلت بتقديم برنامج غنائي يعرض أحدث أغاني الفيديو كليب، حاولت أمها كثيرًا تذكيرها بحلمها في تقديم المفيد ولكنها أصبحت لا تسمع سوى صوت نفسها، بدأ اسم سلمى ينتشر بين كثير من الناس، وكانت تغطي أخبار الأغاني الجديدة بنفسها هي والمخرج عاصم، فتذهب إلى حفلات الغناء

وأماكن تجمعات الفنانين وسهراتهم، وتشرب البيرة ظناً منها أن هذا هو التقدم والتحضر..

وأثناء إحدى الحفلات نظر لها عاصم قائلاً:

- عارفة يا لومي بقالنا قد إيه مع بعض؟

ابتسمت سلمى قائلة:

- تقريباً ٥ شهور، من أسعد أيام حياتي.

فقال عاصم:

- طيب مش يالا بقى؟؟

تعجبت سلمى ماذا يقصد، وسألته عن قصده فقال:

- يعنى ٥ شهور آخرهم كان بوسة، هندخل في الغويط امتى؟؟

فضحكت سلمى قائلة:

- لا يا خفيف! الغويط ده بعد الجواز إن شاء الله.

نظر إليها عاصم باستغراب قائلاً:

- جواز إيه؟؟

- جوازنا.

- ومين قال أصلاً إننا هنتجوز؟

- يعنى إيه، أو مآل علاقتنا دي آخرها إيه

- آخرها إننا نفضل نحب بعض، إنما مش الجواز..

نظرت إليه سلمى نظرة مليئة بالاستحغار وأخذت حقيبتها وانصرفت، وظلت طول طريقها للمنزل تفكر فيما قاله عاصم وفيما لمَّح إليه، كانت تظن أن حبهما نهايته زواج، رغم أنه لم يعرض عليها الزواج أو الخطبة، ولكنها توقعت أن ذلك بسبب قصر فترة معرفتهما وأنه سيعرض عليها الأمر يوماً ما.. وصلت إلى منزلها ودخلت غرفتها وظلت تبكي كثيراً فهي بالفعل أحبَّت عاصم وتمنته زوجاً لها، رغم أنه عكس صفات فارس أحلامها الذي حلمت أن يكون متديناً وقريباً إلى الله، ولكن تلك الأحلام كانت أحلام سلمى المتدينة القريبة من الله، ولكنها الآن أصبحت سلمى أخرى، أصبحت تُصلي يوماً ويوماً لا، فأصبح عاصم هو المناسب لها..

نامت وهي تبكي واستيقظت ظهراً على جرس هاتفها المحمول، وكان منتج البرنامج يصيح:

- إيه يا سلمى ده! مش قايلك الساعة ١١ تكوني هنا؟

نهضت سلمى مفزوعة وارتدت ملابسها وأسرعت إلى الاستوديو،
وإذا بها تلتقي بعاصم الذي ابتسم لها ولكنها تجاهلته.

بدأ عاصم معاملته الصعبة مع سلمى، دائماً ما يشتكي من عملها
ويتهمها بالإهمال والتقصير فيه، حتى أصبح عليها ضغط كبير لا
تقو عليه، أصبحت لا تنام، أصبحت تُرهق نفسها كثيراً حتى تحاول
أن تفعل كل ما بوسعها كيلا يجد عاصم أي شيء لينتقدها فيه..

وبعد محاولات من عاصم في أن تستمر علاقتهم، وأن تتطور إلى
الحد الذي يرضيه، وبعد رفض سلمى ما يفكر فيه، فكرت سلمى
في أن تترك البرنامج وتدفع الشرط الجزائي لانسحابها..

كانت في حيرة هل تترك العمل الذي طالما حلمت به حتى تكسب
نفسها وكرامتها، أم تتنازل عن مبادئها كما تنازلت عن حجابها
وتُكمل في الطريق الذي رسمته لنفسها، وظل الصراع قائماً داخلها
بين ما يريده عقلها وما يتمناه قلبها..

كان الصراع داخلها لا يهدأ والنار لا تنطفئ، فمنذ أن تنازلت عن
حجابها وهي تحقق النجاح في عملها ولكنها تفتقر لكل الراحة

النفسية وراحة البال في حياتها، كأن حجابها أخذ معه كل خير
وبركه ورحل..

فحجابها بالنسبة لها لم يكن غطاءً للشعر فحسب، حجابها نورٌ
قذفه الله في قلبها، دائماً ما كانت تُحاول أن تُراقب تصرفاتها
حتى لا تُسيء إلى نعمة الحجاب، يُذكرها حجابها دائماً بعقيدتها
ودينها وواجباتها، شعرت سلمى أنها منذ تفريطها في حجابها
فرطت في كل ما هو جميل معه..

أصبح سيف في السنة النهائية في الجامعة، ولكنه في فترة
امتحانات ال mid term أصيب بإرهاق شديد جداً وحال ذلك
الإرهاق دون حضوره بعض الإمتحانات، فأسرعت والدته بالاتصال
بالدكتور فهمي؛ الدكتور في كلية طب عين شمس؛ والذي كانت
تجمعه صداقة قديمة بوالد سيف رحمه الله، وطلبت منه الذهاب
لكلية سيف ليوضح لهم مرض سيف الشديد.

وأثناء تواجد دكتور فهمي بكلية سيف رآه أحد الدكاترة بالجامعة
يُدعى أحمد الليثي فذهب إليه قائلاً:

- هو حضرتك دكتور فهمي، الدكتور في كلية الطب؟

فقال دكتور فهمي:

- أيوه أنا.

فصافحه دكتور أحمد الليثي قائلاً:

- أنا أحمد الليثي أستاذ بكلية الهندسة هنا.

فقال دكتور فهمي:

- أهلاً بحضرتك! كويس إنني اتعرفت بيك، أنا جاي النهاردة بخصوص سيف عمر ابن صديق ليا، سيف الفترة دي مريض جداً وده سبب عدم حضوره بعض الامتحانات، فكنت عايز أعرف الإجراءات عشان يعيد الامتحانات بعد ما ربنا يتم شفاه إن شاء الله.

فابتسم أحمد الليثي قائلاً:

- طبعا يا قندم، ادينى نمرتك وهاتواصل مع إدارة الكلية وأبلغك.

شكره دكتور فهمي للمساعدة وانصرف، وظل دكتور أحمد الليثي مكانه مبتسماً ابتسامة غير مفهومة..

وفي أحد الأيام وسلمى تجلس في مكان ما لتشرب قهوتها إذا بسيدة منتقبة تمر في الشارع أمام الكافيه وتظر لها من خلف الزجاج، استغربت سلمى من هذه السيدة المنتقبة ولماذا تقف أمامها هكذا، ولكن سرعان ما انتهت الحيرة عندما أسرعَت السيدة بالدخول إلى الكافيه قائلة لسلمى:

- انتى سلمى عمر؟

فقالت سلمى:

- أيوه أنا! أهلاً بحضرتك

ظنت سلمى أنها واحدة من مشاهدي البرنامج، فإذا بالسيدة تجلس على الكرسي المقابل لسلمى قائلة:

♦ - مش قادرة أصدق!

تعجبت سلمى من النبيرة التي خرجت من تلك السيدة في كلامها فقالت سلمى:

- هو في ايه، حضرتك مش قادرة تصدقي إيه؟

نظرت السيدة حولها، وعندما لم تجد رجالاً فحركت الكرسي الذي

تجلس عليه حتى أصبح وجهها للحائط رافعة النقاب من عليه، نظرت إليها سلمى بتعجب ودهشة قائلة:

- خديجة!..

إنها خديجة صديقتها من أيام الدراسة، مر من العمر حوالي عشر سنوات، لم ترَ كلاً منهما الأخرى، فلقد تزوجت خديجه في السنه النهائيه من الجامعه وانتقلت لتعيش مع زوجها في مدينه المنصوره، لم تكن سلمى تعرف أن خديجة ارتدت النقاب، وفي نفس الوقت لم تكن خديجة على علم بأن سلمى خلعت الحجاب وعملت بالإعلام، فخديجة ممن يرون أن التلفاز من المحرمات فلم تر سلمى بعد أن أصبحت مذيعه.. وبعد أن استعادا سويا ايام المدرسة والجامعة، سألتها سلمى عن أخبارها فأجابت خديجه :

- محصلش نصيب انى أكمل مع زوجى اكثر من كده، فرجعت من المنصوره أنا والاولاد من شهرين وحاليا قاعده مع أمى فى بيتها فى عباس العقاد

- ماشاء الله انتى عندك أولاد ؟

- الحمدلله، معايا حمزه، وعمرو، وبلال

- ما شاء الله، ربنا يخليهملك

وبعد أن تحدثنا قليلا عرفت خديجة من سلمى عن عملها الجديد
فى الاعلام قالت خديجة:

- انتي ازاي وصلتى لكده يا سلمى؟ تقلعي الحجاب، تسيبي فرض
ربنا عشان خاطر شغل، ده ربنا اللى بيرزق يا شيخه وييعطى، ده
بدل ما تستعيني بيه وتقربي منه عشان يرزقك تحقيق حلمك اللى
أصلاً حرام.

قاطعتها سلمى قائلة:

- ليه حرام، شغلي كمذيعه مش حرام، هو أنا رقاصة؟

فقالت لها خديجة:

- مش هاتناقش معاكي فى المهنة دي بالذات، بس اسألني نفسك،
وانتي حاطة ميك أب أوفر كدة وسايبة شعرك وكاشفاه ولا بسة اللبس
البشع ده، كام واحد اتفتن بيكي من شاشة التلفزيون، كام واحد
بص عليكى وعلى عينك وشعرك وجسمك، انتي ازاي مُغيبة كدة،
مش دي سلمى اللى أنا أعرفها، سلمى اللى كانت بتحاول ترضي
ربنا وتقرب منه، سلمى اللى التزمت زمان بحجابها وبأخلاقها

وحاولت تحسن من نفسها، انتي إيه اللي جراك؟

أجابت سلمى بعصية:

- فيه إيه يا خديجة! انتي ليه محسساني إني بقيت شيطانة، ما نص بنات مصر مش مُحجبين وبيلبسوا زي ما انا لابسة، أنا ما أجرمتش، كمان أنا مالي مين هيفتن بيأ أنا واحدة بأدي عملي وبس، وماليش دعوة بتفكير الناس المريضة.

قالت لها خديجة:

- نص بنات مصر مش بيراعوا ربنا... انتي تبقي زيهم؟ شاطرة تصدقي أقتعتيني.

غضبت سلمى كثيراً وطلبت منها الانصراف لأنها لم تقوَ على تحمُّل كلامها أكثر من ذلك، فسمحت لها خديجة، وأمسكت بموبايل سلمى المُلقى على الطاولة وسجَّلت فيه رقم هاتفها قائلة:

- أنا سجَّلت لك نمرتي يا سلمى... لازم نكمل كلامنا.

أجابت سلمى وهي مُنصرفة انزعاجاً منها ورغبة في التخلص من حديثها:

- إن شاء الله.

غادرت سلمى الكافيه في أوج غضبها؛ فخديجة متعصبة لرأيها، وهذا ما تكرهه سلمى في أي شخص يدعو للدين أو أي شيء آخر، انصرفت سلمى تردد:

- وكمان فاكرة إنى ممكن أتصل بيها، يا ارب ما اشوفش وشها تاني.

- كفاية يا عاصم!! إنت عايز منى إيه؟!

رفضت سلمى لقاء عاصم بعدما ألحَّ عليها في الاتصال مرارًا وتكرارًا، وأغلقت الهاتف في وجهه، انفل عاصم من تلك الإهانة وأرسل إليها رسالة قائلًا:

- يا أنا يا إنتي يا سلمى في القناة، إما ورئيتك ما بقاش أنا عاصم الشريف!

أحست سلمى بعد تلك الرسالة أن حيرتها على وشك الانتهاء ولا مفر من تركها للبرنامج والقناة..

في منزلهم، عرضت عليها والدتها الذهاب معها لحضور درس إسلامي في المسجد ورحبت سلمى، فمئذ فترة طويلة لم تحضر أي ندوات أو دروس دينية، انطلقا صوب الدرس الذي تحدث الشيخ فيه عن معنى جملة «من ترك شيئاً لله عوضه الله خيراً منه»: فقال الشيخ بصوت رقيق في درسه:

- قَالَ رَبُّ السَّجْنِ أَحَبُّ إِلَيَّ مِمَّا يَدْعُونَنِي إِلَيْهِ وَإِلَّا تَصْرَفَ عَنِّي كَيْدَهُنَّ أَصَبَ إِلَيْهِنَّ وَأَكْنَ مِنَ الْجَاهِلِينَ × فَاسْتَجَابَ لَهُ رَبُّهُ فَصْرَفَ عَنْهُ كَيْدَهُنَّ إِنَّهُ هُوَ السَّمِيعُ الْعَلِيمُ . يوسف: ٣٣: ٣٤ »

ثم أتبع الآية قائلًا:

- وتفسير الآية يا أحببتي، أنه عندما ترك سيدنا يوسف عليه السلام امرأة العزيز لله واختار السجن على الفاحشة، فعوضه الله أن مكنه في الأرض يتبوا منها حيث يشاء، فتأمل كيف جزاه الله سبحانه وتعالى على ضيق السجن، وأذل له العزيز وامرأته، وأقرت النسوة ببراءته، وهذه سنته تعالى في عباده قديمًا وحديثًا إلى يوم القيامة.. أن من يترك شيئاً ابتغاء وجه الله تعالى عوضه الله خيراً منه.

بكت سلمى وهي تسمع كلام الشيخ، بكت عندما تأملت حالها، بكت وهي لا تصدق ما فعلته بنفسها بعد أن كانت ملتزمة بحجابها وتركته بسبب تجربة فاشلة مرت بها علّمتها أن المظاهر ليست كل شيء، كما أن خلع حجابها جر وراءه الكثير، فأصبحت لا ترتدي الملابس المحتشمة، وأصبحت تشرب السجائر، وأصبحت أيضًا في الحفلات تشرب المنكرات.

أجهشت سلمى بالبكاء، وارتسمت على وجه أمها ابتسامة، فهي علمت ما يدور في عقل ابنتها وسعدت بأنها بدأت تفيق مما هي فيه، وأثناء بكائها إذا بيدٍ تعطى لها منديلا لتمسح دموعها، أخذت سلمى المنديل وبدأت تشكر من أعطاها إياه وإذا بها خديجة، أراد الله أن تحضر معها نفس الدرس وأراد الله أن تجمعهم الصدفة للمرة الثانية، فاحتضنت سلمى خديجة وظلت تبكي كثيرا وهي تستغفر الله..

انتهى الدرس، وعادت سلمى بصحبة أمها الى المنزل، وظلت تفكر بتلك الصدفة التي جمعتها بخديجة، الصدفة لم تكن بسبب رجوع خديجة للإقامة في حي مدينة نصر من جديد فحسب ولكن هناك العديد من الرسائل التي يرسلها الله لعباده خلال حياتهم، وكل

رسالة تكون في وقتها المناسب، ولكن الفرق بين شخص وآخر هو أن هناك من يهتم بفهمها وتكون له عظة وعبرة، وهناك من يمضي دون النظر إليها ولا الاعتبار منها، فوالدة سلمى لم تكن تعرف موضوع الدرس لتحضر ابنتها، ولكن الله أراد لسلمى الحضور وأراد لها أن تسمع هذه الخطبة، وأراد لها أن تبكي وتشعر بما اقترفته من ذنب لتعود إليه مرة ثانية.. وبعد عودتها للمنزل صلت ركعتين شكر لله ، ثم رفعت يدها وقالت :

«كم أنت رحيم يا الله، كم أخطيء في حقك وتقبلني عندما آتيتك تائباً، يا الهي كم أنا مُخطئ، مُقصرة، مُذنبة، عاصية لك، أحتاج لك، أحتاج لوجودك بجانبني يا ربي يا أرحم الراحمين ، الهي أعلم أن ذنبي عظيم واعلم تماماً انك اعظم من كل شيء فاغفر لي»

اتصلت سلمى بمسؤول القناة وطلبت منه الراحة يومين، ووافق على تلك الإجازة القصيرة، كان عليها ترتيب ما بداخلها، كانت تحتاج فترة صفاء مع النفس لتعرف ماذا عساها أن تفعل.. شعرت كم قصرت في حق خالقها، شعرت بجُرمها عندما عصت الخالق

في سبيل تحقيق أحلامها.. اتصلت بخديجة وطلبت منها الحضور
قائلة:

- خديجة هو ممكن تجيلي، انا بجد محتجالك جداً!

حضرت لها خديجة بعد أقل من ساعة، وبعد تناولهما الشاي بدءاً
في الحديث، قالت سلمى:

- أنا اخترتك انتي أتكلم معاكي عشان عارفة إنك قريبة من ربنا،
بصرف النظر إنك بعض الأحيان بتكوني أوفر شوية في أسلوبك،
بس حسيت إنك ممكن تنصحيني وتسمعيني بقلبك.

- أوفر شوية؟ ماشي يا ستي هعديهالك، أنا سمعاكي يا سلمى!

اعتدلت سلمى في جلستها قائلة:

- بصي يا خوخة، أنا عارفة إن أنا غلطت، وعارفة إني عصيت
ربنا، لكن أنا ماقلعتش الحجاب عشان خاطر التلفزيون، آه مش
هانكر أن السبب ده كان من ضمن الأسباب لكن مش الأساسي.

- أمال ليه يا سلمى عملتي كدة؟! رغم إنك كنتي مقتنعة بفرض

الحجاب لما لبستيه!!

- أنا لحد دلوقتي مقتنعة، بس أنا كنت مُشوّشة، أنا اتخطبت فترة لشخص مُتدين، وكان بيعيني على الطاعة وأعمال الخير، لكن مع التعامل والوقت اكتشفت إنه فيه صفات وحشة جداً على عكس مظهره المتدين ده، حسيت إنني تايهة، وإن الدين مش حجاب ودقن، يعني أنا عندي أكون مش محجبة وكويسة في تعاملتي مع الناس ولا إنني أكون محجبة ومش كويسة؟

ردت خديجة ضاحكة:

- وإيه المانع تكوني الاتنين، تكوني إنسانة ملتزمة ومحجبة وبرضه كويسة وبتعاملتي حلومع الناس وبتسعي إنك تحققي أحلامك؟
- انتي عندك حق! بس أنا كان تفكيرتي مشوّش جداً، وبعديها قولت فرصة عشان تكون فرصتي أحسن في تحقيق الحلم اللي طول حياتي باحلم بيه.

أجابت خديجة:

- وحققتيه؟

قالت سلمى متسرعة:

- طبعااا، أنا حظيت رجلي على أول الحلم، أنا دلوقتي الناس

بتعرفني في الشارع رغم إنني في قناة صغيرة بس اسمي اتعرف
نوعاً ما.

- بس ده مكنش حلمك! انتي كان حلمك تقديم برنامج ديني أو
اجتماعي يفيد الناس والمجتمع ويرضى ربنا عنك، مش برنامج
أغانى ورقص وكليبات، وإن الناس تعرفك في الشارع.
صمتت سلمى تفكر في كلام صديقتها ثم أردفت:

- أيأ كان يا خديجة! أنا مرّيت بظروف في القناة دي ولازم أسيبها،
وعايزة ألبس الحجاب تاني، بس المشكلة إن فيه شرط جزائي
في عقدي مع القناة، والمبلغ كبير جداً، لو دفعته يبقى هادفك كل
الفلوس اللي معايا وأخذ من ماما كمان.

- زى ما الشيخ قال بالظبط يا سلمى، من ترك شيئاً لله عوضه
الله خيراً منه، مش مهم المال، مش مهم البرنامج، مش مهم حتى
حلمك عشان فيه حلم أهم وأقوى.

استغربت سلمى قائلة:

- حلم إيه؟

أجابت خديجة بابتسامة:

- الجنة!

ارتاحت سلمى كثيراً بعد كلامها مع خديجة، فهي الآن بحاجة إلى من يأخذ بيدها إلى الطريق الصحيح، وخديجة هي الأنسب لذلك، قررت سلمى دفع الشرط الجزائي وتركت العمل في القناة نهائياً، وقررت أيضاً ارتداء الحجاب مرة أخرى، حاولت والدتها إقناعها أن تفكر جيداً في الأمر حتى لا يأتي اليوم الذي تتنازل فيه عن حجابها كما فعلت في السابق، ولكنها لم تستجب وارتدت الحجاب في نفس اليوم الذي تركت فيه عملها..

اتصل دكتور فهمي بوالدة سيف وكان صوته مليئاً بالحزن، فقلقت من صوته قائلة:

- فيه ايه يادكتور فهمي؟!

فقال دكتور فهمي:

- مش عارف أقول لحضرتك إيه والله، أنا رحيت الكلية عند سيف وبلغت فعلاً بتعبه ومعظم الدكاترة تفهموا الموقف وهيعدوا الامتحان.

- طيب جميل جداً، فين المشكلة؟

قال دكتور فهمي:

- المشكلة في دكتور اسمه أحمد الليثي دكتور إدارة المشروعات، للأسف لقيته جايلي الكلية النهاردة الصبح، وقالى إنه ابنه عندي في القسم وبقاله ٢ سنين مش بينجح في المادة بتاعتي، وطلب مني إني أنجّحه في مقابل إنه مايحطش سيف في دماغه.

قالت الوالدة:

- يحطه في دماغه ازاي، سيف أصلاً شاطر في دراسته ومش محتاج مساعدة ولا غيره.

فقال الدكتور:

- أنا فاهم ده كويس، بس نبرة الليثي مكنتش مريحاني، وبعد ما رفضت كلامه وعرفته إنه مستحيل أنجّح أي شخص ما يستاهلش إنه ينجح لقيت في عينه نظرة تحدي مخوفاني.

انتهت والده سيف المكالمة وهي في شدة القلق، فسيف أصبح في السنة النهائية وأمامه شهور فقط ليتخرج، قلقته مما سيفعله

الليثي ولا تعلم هل كلامه مع دكتور فهمي تهديد أم أنه مجرد كلام
في وقت غضب؟

بدأت اللقاءات المستمرة بين سلمى وخديجة، وهذه اللقاءات
أزعجت والدة سلمى قليلاً، فخديجة إنسانة محترمة ومتدينة، لكن
والدة سلمى ترى أنها متطرفة في بعض الآراء، وسلمى نفسها كانت
ترى ذلك من قبل، ولكنها في تلك الفترة لا ترى سوى رغبتها وحبها
في أن تكون بجانب خديجة..

أصبحت يحضران الدروس الدينية سوياً، أصبح لسلمى ورد يومي من
القرآن الكريم، مسحت جميع قنوات الأغاني والأفلام، وأصبحت لا
ترى سوى قناتي اقرأ والمجد..

والدة سلمى أصبحت شديدة القلق على ابنتها فدائماً عندما يتغير
الإنسان فجأة يكون الوضع مقلقاً تماماً عكس من يسير في طريق
الالتزام خطوة خطوة..

وفي يوم من أيام جلوس سلمى مع خديجة في حلقة لتفسير القرآن،
كان هناك سؤال يدور في بال سلمى وهو النقاب، فالدرس به أكثر

الفتيات اللاتي يرتدين النقاب، فتناقشت في ذلك مع خديجة بعد انتهاء الدرس..

- خوخة! انا كنت عايزة أعرف خطوة النقاب جات ازاي عندك، رغم إني ما افتكرش إن عيلتك فيها بنات منتقبة. ضحكت خديجة قائلة:

- لازم أحاول أكون صح حتى لو كل اللي حوالياً غلط.
- غلط ليه بس! ما أصلاً النقاب فضيلة مش فرض، المهم هو انتي صحيح اتقبتني ازاي، يعني قصدي إيه طلع الموضوع في دماغك؟
- بصي يا سلمى! أنا هاحكيلك حكايتي مع النقاب من الأول؛ بصي يا ستي! أنا أولاً زي ما انتي عارفة من بيت ملتزم إلى حد كبير، وكنت طول عمري لبسي محافظ من ناحية إني اتربيت على كدة، ومن ناحية ثانية لإني بحب اللبس كدة أصلاً، وكانت فكرة النقاب بعيدة عني تماماً، بس كنت بشوفه كثير في المسجد وكنت بحب اللي بيلبسه، الكلام ده لحد آخر سنة في الجامعة تقريباً، بعد كدة بحكم الدروس وحلقات الذكر، بدأت أقرب أكثر من المنتقبات اللي موجودين حوالياً في المسجد أو المنطقة، وبتقابل كثير وبقيت

كمان صحبتهم جداً رغم فارق السن لأن كلهم أكبر مني، وكان عندنا جارتنا منتقبة وماما بتوّدني عندها من وأنا صغيري عشان تحفظني القرآن اسمها نهلة كانت بتدينا درس كمان في الدين والسنة والعقيدة وكدة، وهي دي اللي كان ليها الفضل علياً، كنت باشوف علاقتها بصحباتها المنتقبات فوووق الروعة من ضحك وحب وهزار ولعب وخروج، هي مكنتش كبيرة أوي بس باعتبارها صاحبتى ومعلمتى في نفس الوقت، المهم مرة في ميعاد الدرس لقيت البنات فرحانة جداً وعاملة هرج ومرج فبقولهم في إية؟ قالوا لي الحمد لله احنا عرفنا نجيب كتاب محمد العريفي «إنها ملكة»، فأنا بجهلي قلت باستنكار ماله! اشمعنى الكتاب ده انتوا فرحانيين بيه ليه أوووي كدة؟ قالوا لي انتي مجنونة دة وهَم وبينتكلم عن مدى تمسك البنت بإسلامها ودينها وعقيدتها..

المهم طنط نهله اليوم ده جت تدينا الدرس كالعادة.. فالبنات طلبوا منها إنها تشرح الكتاب أو تتكلم عنه، وعلى فكرة البنات دي كانوا منتقبات تقريبا كلهم، طلع الكتاب بالفعل روعة بجد بس أنا أخذته من ناحية النقاب وفكرته، مع أن فكرة النقاب كانت بعيدة عني، والكتاب جزء صغير أوي فيه عن النقاب، لكن

الكتاب اداني بصيص من النور كدة، وقال بصي وشوفي روعة الإحساس والكلام، ويمكن كان فتح من ربنا علياً بالنعمة دي... فأخذت الكتاب استعارة ثاني يوم ومش لحقت أقرأ منه كتير غير كام صفحة، بس طنط نهلة قالتلي الفكرة مُجملة.

وبالفعل لاقيت نفسي بقول طب أنا مش لابسة النقاب ليه... وقعدت مع نفسي شوية وأخذت القرار إني ألبسه، كل ده كنت فاهمة زي بقية الناس إنه فضل أو سنة، وقلت لنفسي أنا مُطالبة بالسُّنة فليه معملهاش؟

قاطعتها سلمى قائلة:

- يعني إيه كنتي فاكرة زي بقيت الناس ما هو فعلاً فضل؟

ابتسمت خديجة قائلة:

- استني علياً بس أكملك.

فقالتم سلمى:

- اتفضلي!

أكملت خديجة قصتها مع النقاب قائلة:

- كلمت طنط نهلة وقولتيها إني عايزة ألبسه، قالتلي امشي في البداية الخطوات صح؛ إني آخذ الأول النية وأخلصها لله، واقرأ عن النقاب كتير من ناس موثوق منها، وإني أدعى ربنا إنه يعيني على الطاعة دي، بالفعل عملت كدة ودعيت في البداية أن ربنا يشرح صدري للنقاب بس كنت بعمله بنية إنه سُنَّه مش أكثر، وابتديت أقرأ كتب وتفسير للقرآن، وكانت الصاعقة إني وصلت إلى إن النقاب فرض... فرض... فرض.

ظهر على ملامح سلمى الاستغراب مما تقوله خديجة؛ فهي تعلم جيداً أن النقاب فضل وليس فرض!
استمرت خديجة في كلامها:

- بس يا ستي، واتكلت على الله ولبست النقاب.

قالت لها سلمى مبتسمة:

- ربنا يثبِّتِك! ما دام نيتك رضا ربنا سبحانه وتعالى، لكن يرضه يا

خديجة أنا متأكدة أن النقاب مش فرض!

قاطعتها خديجة بهدوء:

- سلمى! أنا بحثت كتير جداً، وجبت تفسير الآيات القرآنية

للقرطبي وابن كثير وعلماء موثوق فيهم، واثأكدت أنه فرض على البنت خصوصاً بسبب الفتن والمجتمع القذر اللى بقينا عايشين فيه، لأنه حماية وعفةً لها.

فهزت سلمى رأسها علامة قبولها للكلام، لكنها لم تقتنع أبداً بكلام خديجة فيما يتعلق بفرضية النقاب.. فقالت لها سلمى:

- طيب رد فعل أهلك كان إيه! بما أن محدش خالص في عيلتك لابس النقاب؟

ضحكت خديجة قائلة:

- ماما وبابا عادي ما اعتراضوش، بس أخويا بقي وشوية من قرابيي فضلوا يقولولي مش هتلاقي حد يتجوزك وهتغنسي والكلام الأهبل ده، مع إن والله العظيم يا سلمى اللى طلبوني للزواج بعد النقاب أكثر كثير من اللى طلبوني قبله، النقاب ده عفة وستر للبنت، بيعسسها إنها ملكة بتمشي على الأرض، مش مسموح لأي مخلوق يشوف أي جزء منها، النقاب بيسد باب الشيطان عنك وبيريكي تربية دينية صحيحة.

قاطعتها سلمى متسائلة:

- يعني إيه، مش فاهمة؟!

- يعني فيه حاجات كتير كنت باعملها قبل النقاب مبقتش أعملها بعده، زي مثلاً السينما، أنا كنت بحب أووي أروحها وأشوف الأفلام الجديدة وكده، لكن بعد النقاب مابقتش أدخلها، الأول ماكنتش بروحها عشان باتكسف، بحس شكلي بالنقاب مش لايق إنني أدخل سينما، وبعد مرور الوقت بقيت مقتنعة أصلاً من عدم فايدتها وإنها معصية لربنا وتضييع وقت وكلام فارغ.

قاطعتها سلمى قائلة:

- لا يا خوخة! السينما مش حرام؛ يعني على حسب الفيلم اللي هتدخليه؛ لو فيلم محترم ومفهوش حاجة خارجة فليه حرام؟ دى وسيلة ترفيه وأي حاجة احنا بإيدنا تكون حرام أو لا، فلو داخله فيلم محترم وممكن تستفيدي منه حتى لو استفادة نفسية بس فطيباً مش حرام.

فقالت خديجة:

- لا يا سلمى حرام و٦٠ حرام! لما ربنا يسألني ضيِّعت وقتي وفلوسي على إيه؟ هرد أقول إيه، ضيِّعتهم على فيلم سينما، حاجات

كثير الناس فكراها عادي وهي أكبر حرام زي السينما وزى الأغاني
والموسيقى اللي أصلا هي سماع أهل النار.

سكتت سلمى ولم تجب، فالصمت في بعض الأوقات هو الأسلم،
وخصوصًا إذا كان أحد الطرفين متمسكًا برأيه، وليس عنده أي
استعداد لتقبل الرأي الآخر.. فسكتت وأكملت خديجة قائلة:

- يمكن انتي مش حاسة بقيمة النقاب ومش حاسة كلامي، لكن
أنا يا سلمى مقتنعة بكل كلمة قولتها، مقتنعة وسعيدة جدًا إن ربنا
اختارني أنا بالذات عشان أرضيه، إن ربنا أراد ليا إني أتقرب منه
وأنفذ شرعه، ربنا أراد ليا الستر، العفة، الطهارة.. إني أقفل أي
باب للشيطان ممكن يدخل منه.. إني أطبق شرع ربنا حبيبي،
وأمر رسولي، لبس أمهات المؤمنين، لبس أهل الجنة، أحاسيس
كثير جوايا مش عارفة أوصفها لك؛ كفاية إني أقولك إني حاسة إني
ملكة فعلاً، إني جوهرة غالية محدش من حقه يشوفني، أنا سعيدة
إن ربنا منّ عليًا وتفضّل عليًا بإنّي أنول الطاعة دي.

ابتسمت سلمى بحب لصديقتها، فجميل أن تفعل الشيء الذي
يرضيك، والشيء الذي تقتنع به مهما كان رأي من حولك، جميل أن
تتمسك بما تتمناه وبما تريد أن تكون عليه دون التأثير بأي مؤثرات

خارجية، احتضنت سلمى صديقتها التي ملأت الدموع عينيها
قائلة:

- ربنا يثبِّتكَ يا خوخة يا حبيبتي! وانتي فعلا ملكة سواء بالنقاب
أو من غيره، بس برضه رغم فرحتي بيكي وبإحساسك بس لازم
تعرفي إن النقاب مش فرض.

ضحكا ونظرا إلى بعضهما بحب شديد، ثم قالت خديجة وهي
تمسك بيد سلمى:

- عارفة يا سلمى! أنا علاقتي بالنقاب عامله زيّ إيه، زي علاقتي
ببأبا وماما، أنا باعشقه وبجبهه، بحسه جزء مني، بحسه ابني
وبنتي، ساعات باقول لنفسني هو أنا كنت عايشة قبل النقاب ازاي
وكنت بمشي كدة عادي في الشارع قدام الناس من غيره ازاي، أنا
نسيت قبل النقاب أنا كنت إيه.. غيّرني وغير أخلاقي وحاجات
تانية كانت غلط فيا اتصححت؛ بيمينني من حاجات كثير ممكن
أعملها غلط، أو أي معصية كنت كل ما أعملها أرجع بسبب النقاب،
بجبهه يا سلمى أووي، بسببه اتعرفت على أغلى ناس في حياتي،
وبسببه أنا دلوقتي في صحبة سالحة من غيرهم ومن غير إعاتهم
ليا في البداية أنا كان ممكن ما اكملش مع النقاب، لأنني أكيد وقعت

في مشاكل بسببه أو بسبب جهل الناس بيه، بس ده كله كان ابتلاء
عشان ربنا يشوفني هاثبت ولا أقع في الطريق، والحمد لله إلى الآن
ثابتة وأسأل الله الثبات حتى ألقاه، وأتمنى من ربنا إنه يسترني من
النار يوم القيامة زي ما سترني في الدنيا بالنقاب.

أنهت الصديقتان نقاشهما، وظلت سلمى سعيدة بإحساس خديجة
الصادق وفعلها ما تقتنع به دون الاهتمام بأي شخص، حاولت
سلمى التأكد من معلوماتها وأن النقاب فضل وليس فرضاً على
عكس ما تقوله خديجة، وبالفعل اتصلت بدار الإفتاء لتعرف
الحقيقة واضحة، وكانت إجابتهم أن النقاب من الأمور التي اختلف
فيها أهل العلم، وأن الأمام أحمد ومذهب الشافعي يقولون إن
تغطية الوجه واجب، أما مذهب أبي حنيفة ومالك قالوا إن تغطيته
غير واجبة بل مستحبة...

نفذ دكتور أحمد الليثي تهديده بخصوص سيف، فلم يعد لسيف
امتحان ال Mid Term، وفي امتحان المادة الشفوي كتبه
راسباً رغم أن سيف أجاب على كل الأسئلة ولم يضع له درجات

الحضور وأعمال السنة، وأصبح سيف مجبراً على أن يجتاز الامتحان التحريري دون أن ينقص ولو درجة واحدة؛ لكن للأسف لم يجتز سيف الإمتحان فرسب في المادة.. وأعاد الامتحان مرة أخرى في شهر نوفمبر، وأجاب جميع الأسئلة ولكن أيضاً ظهرت النتيجة بأنه راسب، وبالتالي فاضطر سيف لإعادة السنة بسبب تلك المادة..

مرت ستة أشهر على نفس الحال، سلمى مُنقطعة عن عملها أو أي عمل ومُتفرغة فقط لدروس القرآن والتقرب إلى الله.. وسيف مُكتئب لما يتعرض له من ظلم بسبب شيء لا دخل له فيه، أما ديمًا فقد أنجبت طفلتها، التي أسمتها أمانى على اسم أختها التي فقدتها.. وظلت حياتها مع عمرو يملؤها الحب والحنان والاحترام، فقد تحدياً معاً كل من حاول التفرقة بينهما حتى يعيشا معاً وكافأهما الله بابتئهما الجميلة التي أضاءت حياتهما وزادت من سعادتهما..

حاول سيف البحث عن عمل أكثر من مرة ولكن دون جدوى،

جميع الوظائف تشترط الخبرة، فكيف لشباب خريجين أن يكون لديهم خبرة، وكيف سيكون لديهم خبرة وليس هناك من يعطيهم الفرصة؟!، حتى إن وجدت الفرصة يبدأ البحث عمّن لديه واسطة من مسؤول ما، وسيف لا يوجد لديه خبرة ولا واسطة ولا شهادة تخرج.. ظل شهورًا يبحث عن عمل دون أي فائدة، وبعد تفوق سيف خمس سنين في كلية الهندسة، كان مصيره المقهى مع الجميع، وكل ذلك بسبب شخص معدوم الضمير والأخلاق.

حاول سيف ألا يستسلم ومضى في رحلة البحث عن أي عمل حتى إن كان في مجال آخر، وفي النهاية عمل في شركة من شركات الاتصالات call center بمرتب ضعيف، كاد يصرفه بنزينا لسيارته، حتى إنه في بعض الأحيان يأخذ من والدته مصروفًا حتى يلبي احتياجاته الخاصة التي لا يسدّها مرتبه الشهري..

دائمًا سيف يُطمئن نفسه بأن ما يحدث ما هو الا فترة مؤقتة، وسوف يعمل في مجاله بمرتب كبير قريبًا عندما ينجح في تلك المادة ويتخرج، ولكن لم يحدث أي شيء سوى أن سيف أصيب بالإحباط أكثر وأكثر عندما كان يرى معاملة الليثي له في أي يوم يذهب فيه إلى الجامعة، وأثناء جلوسه بالمقهى كالعادة مكتئبًا قال

له أحمد صديقه:

- روق بقي يا سيف، والله بكره تروق وتحلى.

قال سيف متألمًا:

- تروق وتحلى ازاي بس، وأنا شحط كده ولسه بأخد فلوس من أمي،

المرتب يا دوبك بيكفي البنزين والسجاير.

قاطعه أحد أصدقائهم قائلًا:

- ما تفكها بقي يا عم، ما كلنا كده، هو حل من الاتنين يا نسيب

البلد ونطفش يا نسرق بقي ونشتغل حراميه، إمسك يا عم امسك

بلا وجع دماغ.

أعطاه صديقه سيجارة محشوة بالحشيش، ومن شدة ضيق سيف

أخذها منه وأشعلها، وأصبح ذلك حال سيف عمل صباحًا، وقهوة

وسجائر وحشيش ليلاً، أصبحت عائلة سلمى مفككة، فالأم مشغولة

في عملها، وسلمى مشغولة بالمساجد والأعمال الخيرية، وسيف

مشغول بما هو فيه.. أصبحت الأسرة المترابطة شديدة البعد عن

بعضهم البعض حتى كاد كل منهم أن يضيع في طريقه، وفي يوم

دخلت سلمى على أخيها لتسأله عن كتاب تبحث عنه فرأته يشرب

تلك السيجارة الغريبة..

سلمى:

- إيه ده يا سيف! إنت بتشرب إيه؟!

- هاشرب إيه يعني! سيجارة، بس خلصت أهي »

قالت سلمى بصوت عالٍ: « دى مش ريحة سجائر عادية، إيه ده انت

ازاي وصلت لكده يا سيف.. إزاي!!!

صاح سيف قائلاً:

- أولاً متزعقليش! ومالكيش دعوة بيا، محدش خالص يتدخل في حياتي.

استغربت سلمى طريقة أخيها المليئة بالعصبية وقالت:

- لا أتدخل ونص! أنا أختك ومن حقي إنى أتدخل وأخاف عليك.

فصاح بها:

- لا مش من حقتك، إطلعي برّة.

سحب سيف أخته من ذراعها ناحية الباب بعنف وقوة حتى أخرجها وأغلق الباب بالمفتاح حتى لا تستطيع الدخول، انهارت سلمى من

شدة البكاء، اندهشت لما وصل أخيها إليه، لا تدري كيف لها أن تتصرف، أخذت الكتاب الذي كانت تبحث عنه عندما رآته على المنضدة ومسحت دموعها وانصرفت إلى المسجد..

قابلتها خديجة التي لاحظت أن هناك خطباً ما فسألتها:

- فيه إيه يا سلمى مالك، وليه اتأخرتي؟

أجابتها سلمى:

- ممكن مانحضرش الدرس ونتكلم؟

أجابتها خديجة:

- حاضر رغم إنه درس مهم جداً بس حاضر يا ستي.

خرجا من المسجد معاً وجلسا يتحدثان في سيارة سلمى، انهارت سلمى في البكاء وحكت لخديجة عما وصل إليه سيف، حاولت خديجة تهدئتها قائلة:

- اهدي يا سلمى مش كدة، كل الشباب بييجي عليهم فترة يضعفوا وده بسبب البعد عن ربنا، الموضوع مش سهل، وفعلاً ليكى حق تقلقي، بس لازم تهدي عشان كمان نقدر نفكر.

وبعد تفكير منهما، أقنعتها خديجة بمحاولة التقرب منه ومحاولة
الأخذ بيده إلى الطريق الصحيح وأن عليها أن ترشده إلى طريق
الدروس والمساجد، كانت لازالت مع خديجة حين اتصل بها سيف:

- ايوه يا سلمى! بصي ماتتعيش برّه علشان أنا مستنيكي نتعشى
مع بعض في البيت.

فرحت سلمى جداً بمكالمة سيف، لأنها شعرت أنه يريد مصالحتها
عما بدر منه، أوصلت خديجة لبيتها وذهبت لسيف، وأول ما دخلت
باب المنزل نظرت له وابتسمت وإذا به يأتي بجانبها ويحتضنها،
احتضنت أباها جداً وبكيا معا..

- اعذريني يا سلمى، أنا والله مضغوط وأعصابي تعبانة، فغصب
عني اتعصبت عليك، كمان متقلقيش دي تالت مرة أشرب فيها
حشيش؛ يعني ماتعودش عليه ولا حاجة، والله ما هاشربوا تاني.

نظرت له سلمى بعطف قائلة:

- مالك بس يا حبيبي، احكي لي، هو احنا لينا غير بعض!

- طبعا لالا! إنتي وأختي وصاحبتي حتى لو كنا مقصرين في حق بعض،
بس أنا تعبان يا سلمى جداً، تعبان أووي من ساعة ما سقطت السنة

اللي فاتت، أنا اتظلمت جدًّا، اجتهدت ٥ سنين كلية وفي الآخر بييجي كلب معندوش ضمير يسقطني ويااريت عملته حاجة، حاطني في دماغه عشان حوار مليش أي ذنب فيه، ولما قولت ده نصيبي وأشوف شغل لقتني كمان مش عارف أشتغل، ولما اشتغلت اشتغلت شغلانه أي كلام ومش تخصصي، وفلوسها قليلة وانتي عارفه بابا الله يرحمه ماسبلناش حاجة هي عربية كل واحد فينا والبیت ده وبس، بقيت حاسس إنني عالة في البيت، كنت مستني أخرج عشان أنا اللي أصرف، لقتني لسه باخد مصروف من ماما، بعد تعب ٥ سنين بشتغل إنني أرد على العملاء في التليفونات، المرتب مش بيكفي البنزين.. كمان أنا نفسي تعبانه بقالي سنة ونص من يوم ما سبت شهد - حاسس إنني إتبعّت بالرخيص رغم إنني إديتها كل حاجة، واستأمنتها على مشاعري، حاسس إن حياتي بقيت مفهاش أي حاجة مفيدة وحتى لما بحاول أعمل حاجه وأنجح، الدنيا واقفة قصادي ومش مدياني أي فرصة.

أمسكت سلمى بيد أخيها قائلة:

- متقولش كده يا سيف! ربنا كريم! بكره الدنيا تتحسن وتتخرج وتلاقي شغل أحسن في تخصصك، وتقابل الإنسانية اللي تستاهلك

اللي تتسّيك أيّ وجع وتعب، إنت بس قول يارب.

تهدّ سيف قائلًا:

- يارب!

قالت سلمى:

- سيف! أنا مش عايزاك تتع في الغلط اللي أنا وقعت فيه، الواحد لما الشيطان بيقترب منه في غلطة واحدة بتجر وراها ١٠، أنا قلت الحجاب وشوية شوية بقيت أشرب سجاير، شوية شوية مش بواظب في الصلاة وكانت أسوأ فترة في حياتي، اوعى تخلي مشاكلك تتسّيك ربنا، بالعكس دي المفروض تقربك أكثر، اطلب منه إنه يريّح قلبك، إحكيه كل اللي في قلبك عشان ترتاح، ولو على الشغل يا سيدى ممكن نفكر فيها مع بعض، نشوف بديل للشغلانة بتاعتك مادام مش مرتاح، حتى لو حاجه مش في الهندسة بس ترتاح فيها مؤقتًا، أنا مش عارفة ولا في دماغي حاجة، بس لو فكّرنا أكيد هنلاقي حل.

ابتسم سيف قائلًا:

- عندك حق! إن شاء الله ربنا يعمل الخير وأرجوكي متزعليش مني

أبدأ، حَقك علياً.

ابتسمت سلمى:

- مقدرش أزعل منك يا حبيبي.

تحسنت علاقة سيف بأخته عن ذي قبل، كانت تشجعه على المواظبة على الصلاة في أوقاتها وأصبح يحضر معها بعض الدروس الدينية، وأصبحت سلمى دائمة التفكير في كيفية مساعدة أخيها حتى يكون مرتاح البال..

خطرت ببالها فكرة وقررت أن تتناقش معه فيها، فذهبت إليه وهو يشاهد التلفاز قائلة:

- بقولك إيه يا سيف! اقل التلفزيون ده عايزاك في حاجة مهمة جداً.

أغلق سيف التلفاز ونظر إليها قائلاً:

- إيه فيه إيه، خير.

- هو انت تقدر تستغنى عن عربيتك؟

- ليه؟! هي عربيتك بايظة ولا إيه؟

- لا يا ابني، ممكن تبيعها يعني؟؟

- مش فاهم حاجة! انتي دماغك فيها إيه؟

- من الآخر أنا بفكر نبيع عربيتنا أنا وانت ونبدأ في مشروع صغير،
يكون جنب شغلك، فهيكون كده معاك فلوس أكثر ونفسيك تكون
أحسن، إيه رأيك؟

- والله يا لومة فكرة حلوة، بس مشروع إيه ممكن نعمله؟

- مش عارفة لسة، بس ما دام موافق على المبدأ يبقى نفكر وأكد
ربنا هيكرمنا.

- تمام إن شاء الله، نشوف العربيات تجيب فلوس كام وعلى أساسها
نحدد المشروع.

وبدأ سيف وسلمى يفكران في المشروع المناسب، سيف مهندس
مدني لوكان يمتلك من المال كان سيشتري أرضاً ويبني عليها
عمارة، ولكن للأسف المبلغ المتاح لهم ١٥٠ ألف جنيه وهذا لا
يكفي، كانت من أحلام سلمى أن تكون صاحبة أكبر سلسلة لمحلات
الورد، وحاولا التناقش في فكرة محل للورد، ولكن لم يتحمس سيف
لها، وظلا يبحثان عن مشروع آخر إلى أن توصلا أن يقوموا بعمل

محل للملابس المستوردة، وبالفعل قررا أن يؤجرا محلاً في منطقة مناسبة، وسافر سيف تركيا وأحضر الكثير من الملابس، وأوصى أصدقاء له بأن يأتوا ببعض الملابس من بلاد مختلفة، وبعد أربعة أشهر من دراستهما للمشروع، تم تأجير المحل ووصلت بالفعل البضاعة، وبدءاً لإعلاناتهما عن طريق الأصدقاء ومواقع التواصل الاجتماعي، وبدأ المحل بالعمل.. ويوم الافتتاح حضر الكثير من الأصدقاء والزبائن..

سلمى:

- يا اه يا سيف! أنا مش مصدقة، أخيراً بدأنا!

أجاب سيف:

- الحمد لله يا سلمى! أنا بجد سعيد جداً بالخطوة دي ويارب تكون بداية خير...

تم تعيين فتاة للبيع في المحل، وكانت تباشرها سلمى فترة الصباح عندما يكون سيف في عمله، وفي الليل يباشر سيف العمل..

أصبح للحياة طعمٌ جديدٌ لكل منهما، جميل أن تبدأ عملاً صغيراً بنفسك، وبمجهودك وتعبك يكبر ذلك العمل ويزدهر.. كأنه بذره

صغيرة نسقيها فتكبر وتكبر إلى أن تصبح وروداً كثيرة ذات ألوان مبهجة، كان إيراد المحل كبيراً وكفيهم لشراء بضاعة جديدة ويدخرون جزءاً ويساعدون أمهما في مصاريف البيت بجزء آخر، وبعد ستة أشهر لم يصبح سيف بحاجة إلى عمله الصباحي.. وأعطى كل وقته ومجهوده للمحل..

أثناء تلك الفترة كانت هناك فتاة تتردد على المحل بصفة دائمة، وتشتري الكثير من الملابس منه، تعرّف عليها سيف بحكم تواجده الطويل في المحل.. يتبادلان دائماً أطراف الحديث فعرف أنها تسمى «حنين»، وتدرس بآخر سنة في كلية الهندسة جامعة القاهرة وتعمل مع والدها في شركة مقاولات كبيرة ومعروفة..

ومرت الأيام وأصبح سيف ينتظرها تأتي للمحل حتى يراها، يُفكر فيها دائماً ويتذكر حديثهما القليل دائماً، وكأنها أصبحت جزءاً من حياته، وعندما غابت أكثر من شهر ولم تشتترِ أي شيء جديد من هناك على غير عاداتها؛ عرف سيف كم يفتقدها ويفتقد رؤيتها، وأصبح يبحث عنها بعينيه في وجوه من حوله...

حتى أتى اليوم الذي آتت حنين فيه إلى المحل، دخلت المحل

بابتسامتها المشرقة، فأشرق وجه سيف من شدة الفرحة قائلاً:

« أهلاً يا آنسة حنين! بقالك مده مش بتيجي؟!»

فأجابت حنين بحياء:

- كنت مسافرة مع بابا بقالي شهر ولسة راجعة النهارده من ٣ ساعات.

فابتسم سيف:

- ياه لسة النهاردة، ده أكيد حضرتك عندك مناسبة مهمة جداً اللي خيلتك تيجي في نفس يوم سفرك من غير ما ترتاحي!

ظهرت على وجهها أمارات الارتباك الشديد، رغم أن سيف لم يقصد أي شيء بكلامه، فقالت في خجل:

- أيوة عيد ميلاد صاحبتى النهاردة وعايزة ألبس حاجة جديدة.

- أنا جالي امبارح تشكيلة جديدة شيك جداً؛ أعتقد هتعجبك، وهتكون جميلة أوي عليكي زي كل لبسك!

ارتبكت حنين جداً وشكرته على مجاملته اللطيفة، وأخذت ما يناسبها وسألته عن السعر، ولكنه أجاب قائلاً:

- ده هدية ليكي من المحل!

استغربت حنين وقالت:

- هدية! إزاي!! بمناسبة إيه يعني!!

- من غير مناسبة، ممكن تعتبره هدية بمناسبة عيد ميلاد صاحبك!!

رفضت حنين وشكرته وأصرت أن تدفع الثمن المكتوب على الملابس، وهمت بالرحيل فنادها سيف قائلاً:

- أنسة حنين! هتيجي تاني قريب ولا هتأخري زي المرة اللي فاتت.

ابتسمت حنين قائلة:

- ربنا يسهل!

خاف سيف أن تضيع تلك الفرصة من دون أن يعرف عنها أكثر فقال لها:

- طيب هو ممكن نمرتك؟! أنا مش قصدي حاجة، بس أختي نفسها تتعرف عليكى أووى . لكن دايمًا لما انتي بتيجي هي مش بتكون موجودة.

فابتسمت حنين قائلة:

- طبعًا ممكن! أنا يشرفني إني أتعرف عليها، وأخرجت كارتها الشخصي من الحقيبة وأعطته لسيف واستأذنت في الانصراف..
فرح سيف بأنه أخذ أول خطوة للتعرف عليها أكثر، لكنه لا يعلم ماذا سيفعل برقم هاتفها، هل يتصل بها؟ لكنه لا يستطيع فعل ذلك لأنه أبلغها أن الرقم لأخته، أخته التي لا تعلم أي شيء عن حنين ولم يحدثها سيف أبدًا عنها..

عادت حنين إلى بيتها في غاية السعادة، أصابها القلق قبل ذهابها للمحل خوفًا من أن يكون سيف غير متواجد، فهي ذهبت خصيصًا لتراه، لا لتشتري فستانًا جديدًا كما ادعت، لا تعرف لماذا تتجذب له إلى ذلك الحد وهي لا تعلم عنه سوى اسمه ومهنته، لكنها لم تقوَ أن تتحمل شعورها وذهبت لتراه، خافت أن يكون شعُر بذلك، لكنها تعتقد أنها أتقنت دورها في إخفاء إحساسها..

مر أسبوع والآخر بدون أي أخبار عن حنين، أمسك سيف بالهاتف

أكثر من مرة ليتصل بها ليطمئن عليها ولكنه تردّد، ماذا سيقول لها؟ وبماذا سيبرر سبب اتصاله؟ فأمسك بهاتفه واتصل بسلمى قائلاً:

- أيوه يا سلمى! إنتي فين يا حبيبتي؟!

قالت سلمى:

- أنا في الطريق راجعة البيت دلوقتي، كنت في درس ولسه مخلصاه.

- طيب ما لو فاضيه تعالي عدي علياً في المحل شوية.

- إنت عندك مشوار يعني، وعاييزني أكون مكانك؟!

- لا يا حبيبتي! انا عاييزك تيجي نقعد شوية مع بعض.

- حاضر! ساعة إن شاء الله وأكون عندك.

ظل سيف ينتظر أخته وهو يشعر بأن الوقت لا يمر، مرت الساعة كأنها أيام طوال.

- إيه يا سلمى ده! كل ده تأخير!

« تأخير إيه، ده أنا حتى ما عديتش على البيت؟؟ »

جلسا معاً وهي تنظر إليه بحيرة، فعيناه تمتلئ بالكلام لكنه لا ينطق بأي كلمة.. فسألته سلمى بماذا يفكر؟ ولماذا أصر أن تحضر إليه؟

- بصي أنا مش هافضل ألف وأدور عليك كثير، بس أنا والله مش عارف أقول إيه؟

- قول اللي انت حاسه وبس يا سيف، سيب قلبك يتكلم من غير ما يعدي الكلام على عقلك.

- فيه بنت اسمها حنين! عايزك تتعرفي عليها.

ابتسمت سلمى قائلة:

- مممممم، حنين!

فقال سيف بارتباك:

- هو إيه ال مممم، انتي عبيطة، مالك فيه إيه؟؟

- لا لا ماليش ولا حاجة، مالها بقي حنين دي؟ وليه عايزني اتعرف عليها؟

- عادي يعني! شكلها بنت كويسة، وحاسس إنكم ممكن تبقوا اصحاب فقولت أقولك.

حكى سيف لأخته كل شيء وما يشعر به، وأكد لها أنه ليس حبّ؛ بل مجرد انجذاب لتلك الفتاة التي لا يعلم عنها سوى اسمها ودراستها وعملها مع والدها فقط، شعرت سلمى بفرحة من كلام أخيها؛ لأنه منذ أكثر من ثلاثة أعوام ليس بالطبيعي فتجربته مع شهد كسرت داخله الكثير، وكُسر أكثر بسبب ما فعله به أستاذ الجامعة وعدم تخرُّجه إلى الآن، وعدم عمله بالهندسة رغم تقدمه لوظائف كثيرة لكن دائماً ما تُصيبه خيبة الأمل، وَعَدَّتْه سلمى أنها ستحادثها وتُحدد معها موعداً لتتعرف عليها وبالتالي تكون بداية لعلاقة ومعرفة بينهم..

انصرفت سلمى لأن لديها سورة من سور القرآن يجب أن تحفظها خلال يوم واحد، فسلمى مستمرة في نفس طريقها؛ طريق حفظ القرآن الكريم، والدروس الدينية، والدراسة في معهد للشريعة، وأصبحت أقرب صديقة لها خديجة، إلا أنها كثيراً ما تشعر بتقصيرها ناحية ديما التي لم ترها منذ أكثر من عام ونصف منذ ولادتها لابنتها أمانى..

قررت سلمى أن تتصل بديما لتطمئن عليها ومحاولة مقابلتها فهي تشتاق لها كثيراً، فالحياة وضغوطها تأخذنا من أقرب الناس إلينا، ويمر الوقت سريعاً ونكتشف أنه فات من الوقت أعوام، ونحن في تلك الدوامة بعيداً عمَّن أحببنا، وبالفعل ذهبت سلمى لزيارة ديما في بيتها.. وبعد السلّامات والتحيات ولعب سلمى مع أماني الصغيرة قالت ديما لسلمى:

- سلمى! إنتي مش بتقدمي في قنوات؟

فقامت سلمى من الأرض التي كانت تجلس عليها تداعب الصغيرة قائلة:

- قنوات إيه بس يا بنتي ما خلاص.

- هو إيه اللي خلاص؟ وليه أصلاً خلاص؟

- عشان مبقاش ينفع؛ أنا بقيت ملتزمة جداً و متمسكة بديني جداً، وأنا عشت في الوسط ده وشوفت وعرفت إني مش هاقدر أشتغل فيه من غير تنازلات وخلاص أنا استحالة أتنازل عن أي حاجة.

قالت ديما:

- أنا مش مصدقة! هي دي سلمى اللي كانت ديما تتكلم عن التنازل

والنجاح في الحياة وتحقيق الأحلام، هي دي سلمى اللي عمرها ما استسلمت لأي حاجة وشايفة إنها تقدر تغير الدنيا والعالم وتصله على المقاس اللي يناسبها، أنا بجد مصدومة من كلامك!

قالت سلمى:

- لا ماتتصدميش، للأسف المجتمع اللي بقينا عايشين فيه بيكسر كل أحلامنا وطموحاتنا؛ كان حلمي أكون مذيعة كبيرة وأقدم برنامج هادف عن الأخلاق، ووصل بيأ الحال من كتر الضغوط اللي قابلتها، إنى أقدم برنامج تافه؛ سيف عاش حياته يحلم يدرس الهندسة، وآخرتها فضل يردّ على تليفونات، ودلوقتي واقف في المحل زيّه زيّ أي بياع حتى لو ملكه بس مش ده اللي كان بيحلم بيه، إحنا مبقاش قدامنا غير إننا نتنازل عن أحلامنا عشان نقدر نساير الواقع وعشان نقدر نكمل حياتنا.... وأهي عيشه بقى والسلام.

- كل شيء بأوان يا سلمى؛ مش معنى أن سيف مش لاقى شغل في مجاله إنه بيأس، ولا معنى إنك ماعرفتيش تحققي حلمك في فترة ما إن الحلم ضاع، أو مال هي اسمها أحلام ليه، عشان جميلة، وأي شيء جميل محتاج مننا نتعب ونتعب أوووي كمان عشان نوصله،

كمان انتوا أحلامكم تحقيقها اتأخر بس ما شاء الله عليكم دلوقتي
مشروعكم ناجح، وربنا بيكرمكم فيه.

ابتسمت سلمى ابتسامة سخرية قائلة:

- الحمد لله! بس بالنسبة للأحلام فربنا يسهل ومتفضلش أحلام!

أصبحت سلمى ترى أن الكلام عن التفاؤل والأحلام ما هو إلا
بعض الكلمات التي تُقال لتعيش في عالم آخر نهرب فيه من
واقعنا المرير.. انتهى الكلام في هذا الموضوع، لكنه لم ينته أبداً
من تفكير سلمى، فهي لا تعلم هل نست حلم عمرها أم تناسته؟
هل بالفعل تنازلت عنه بتلك السهولة؟ أم أن الظروف هي التي
أجبرتها على التنازل؟ وهل فعلاً الظروف يمكن أن تجبر الإنسان
على التنازل؟ أم أنها تجبر فقط الإنسان الضعيف الذي لا يمتلك
الإرادة؟ إنها الأيام التي يمتزج فيها الجمال بالقبح واللذة بالألم
والياس بالأمل، فلا غرؤ في أن تجتمع الأضداد في وقت واحد،
المهم أن يستفيد الإنسان من أي درس يتعلمه في هذه الدنيا،
ولا يستسلم لليأس والإحباط، وليكن دائماً على خُطى المتأهبين
الناشطين غير المتناقلين، وأن يفكر كلُّ منَّا في مستقبله بأناةٍ

وَحِلْمٍ شَدِيدَيْنِ وَأَنْ يَأْخُذَ الْأُمُورَ بِجِدِّ وَقَصْدٍ..

وبعد تفكير عميق قررت أن تتقدم مرة أخرى للعمل في إحدى القنوات الفضائية ولكنها تلك المرة ستختار القنوات الدينية التي لا تقبل أن يعمل بها غير المتدينين والمحجبات؛ لعل وعسى أن تجد الفرصة المناسبة، وبالفعل بحثت عنها وأرسلت لها جميعاً طلب تحديد ميعاد لها، ولكن لم يجبها أحدٌ من هذه القنوات.. أما بالنسبة لموضوع أخيها فبالفعل اتصلت بحنين قائلة:

- ألو! حنين معايا!

- أيوه يا فندم! مين حضرتك؟

- أنا سلمى أخت سيف! أنا آسفة للإزعاج، وآسفة لو الوقت مش مناسب.

- لا أبداً، أنا كنت مستنيّة مكالمتك أصلاً عشان أتعرف عليكى.

- ده أنا والله اللي أتمنى إني أتعرف عليكى.

- إن شاء الله قريب جداً.

وحددا موعداً في كافيهِ قريب من المحل وتقابلا؛ استغربت سلمى

مما يحدث؛ فهي لم تقابل أبداً أحداً لا تعرفه، واستغربت الطريقة التي تتعرف بها على حنين، رغم أنها غير متأكدة أن يكون بينها وبين سيف شيء ما في يوم من الأيام، شعرت سلمى خلال مقابلتها أن حنين إنسانة رقيقة ومحترمة جداً، وعرفت عنها الكثير من التفاصيل والمعلومات الشخصية، وأنهتا جلستهما على وعد من كل منهما بمحادثة الأخرى والمقابلة في أيام قادمة..

وكانت تلك أول خطوة في معرفه سيف بحنين - الذي أصبح دائم الخروج معهما هما الاثنين وأصبحا أصدقاء..

اتصلت قناة فضائية دينية معروفة بسلمى لتحديد موعد للمقابلة، ترددت سلمى كثيراً لأنها أصبحت شديدة الخوف من ذلك المجال، وذهبت إلى الميعاد مرتدية عباة واسعة بنية اللون وإيشارباً طويلاً أيضاً يحتوي على أكثر من درجة من نفس اللون، ولم تضع أيّاً من مساحيق التجميل، وبعد عدة مقابلات تم قبولها مؤقتاً على أن تقوم بتيست للكاميرا لمعرفة هل إذا كان هناك قبول لوجهها على الشاشة أم لا؟ فهناك وجوه جميلة لكنها تظهر سيئة على الشاشة

والعكس، وأتى الموعد المحدد، فطلب المخرج أن تضع بعض مساحيق التجميل قائلاً:

« يا أستاذة سلمى، الكاميرا غير الحقيقية، لازم تحطي مكياج عشان وشك بيان في الكاميرا، ومتفتكريش إنه هيظهر على الشاشة أوفر، لا ده هيظهر وشك إنه طبيعي.

وبعد مناقشات بينها وبين المخرج وضعت بعض مساحيق التجميل، وجاء وقت الوقوف أمام الكاميرا وتركيب المايك والسماعة، فمن السهل أن تضع هي السماعة تحت طرحتها ولكنها لا تعرف بالتأكد كيف تضع المايك، فحضر مسئول الصوت وعندما اقترب منها ليضع لها المايك في العباءة دفعته بقوة أوقعت الميكروفون من يده، حتى استغرب الجميع ما حدث فقالت مرتبكة:

- آسفة جداً، أنا بس اتفاجئت، اعذرني حضرتك اديهولي وأنا هاركيه.

عبّر مدير الصوت عن استيائه بزفرة قويّة، وأعطاه المايك وانسحب ووضعته سلمى بنفسها، لكن لم يكن مضبوطاً والصوت مشوش مما اضطر المخرج أن يقول لها إنه يجب أن يضعه مهندس

الصوت حتى يحصل على أفضل نتيجة للصوت ولكن اعترضت سلمى قائلة:

- هو ممكن يقولي أعدله ازاي وأنا أعدله.

فخرج المخرج عن صمته قائلاً:

- لا بقي دي مش طريقة، يا ستي ده مهندس صوت محترم، ومش هيقرب من جسم سعادتك في حاجه، ده هيحط المايك من بعيد من غير ما يلمسه، مش معقول كده بقالنا ساعة مش عارفين نتيل نعمل تيست الكاميرا.

امتلات عينا سلمى بالدموع وأخذت حقيبتها مستأذنة بالانصراف ولم يمنعها أحد، وأثناء طريقها ظلت تبكي مما حدث ومن الطريقة التي تحدث بها المخرج، لا تعرف هل هي من تكبر الموقف أم من حقها رفض ما حدث، أصبحت مشتتة التفكير لا تعلم الصحيح من الخطأ، وعند وصولها للمنزل لاحظت أمها وأخوها ما بها، وفور سؤالها عن نتيجة تيست الكاميرا انهارت أعصابها وأخذت في البكاء، وبعد أن هدأت بدأت تحكي لهم ما حدث بالتفصيل وكان رد الأم:

- يا سلمى! انتي إيه حصل لك يا بنتي، بقالك سنتين ولا ٣ محدش عارف يكلمك، انتي فيه إيه، الراجل مش هياكلك ومش هيعاكسك ده بيعمل شغله، ليه تعصبيهم كده وتحسسيهم انهم ناس مش محترمة، انتي بقيتي غريبة فعلاً!

وكان رد سيف:

- إنتي مش غلطانة ولا حاجة يا حبيبتي، انتي لو لقيتني حاجة غلط من حقك تعترضني، لكن الناس من اللي حكيتيه ماغلطوش، هو بيحط المايك بالمشبك من بعيد وهو فعلاً أدرى حد بشغله.

استمرت سلمى بالبكاء رافضة رأيهما؛ كانت تشعر أنهما مُستاءان من التزامها، ولا تعرف لذلك سبباً، تظن أنهما يُحاربانها لارتدائها العباءات التي طالما رفضتها والدتها ورفضت فكرة ارتداء سلمى لها..

أصبحت علاقة سيف بحنين قويّة إلى حد ما، يتبادلان الاتصالات للاطمئنان على بعضهما، حكى لها عن مشكلته في التخرج؛ وكيف استغل ذلك الدكتور الذي لا يحترم شرف مهنته معرفه سيف

بدكتور فهمي حتى ينتقم منه فيه، وحكت له حنين عن حياتها
ووالدها واقترحت عليه أن تكلم والدها ليلتحق سيف بالتدريب في
المواقع الهندسية مع والدها ولكنه رفض نهائياً، وقال لها إنه لن
يقوم بتلك الخطوة إلا بعد أن يتخرج نهائياً من الكلية..

بدأ اسم المحل يشتهر أكثر فأكثر، وفكّر سيف وسلمى أن يفتحا
فرعاً جديداً في مكان آخر، ولكن طموحات سيف كانت أكبر من
فرع أو اثنين، فقرر أن يؤسس شركة كبيرة للتوزيع في كل أنحاء
الجمهورية، وبالفعل بدأ بدراسة الفكرة مع أخته سلمى، مع
الاستعانة بخبير في مجال التسويق، وتأجير مكتب بالقرب من الفرع
الرئيسي لمحل الملابس، وتعيين الخبير فيه كمدير للتسويق، وقام
بعمل إعلان في جريدة ما يطلب للعمل شباباً وبنات من الجنسين
للعمل في التوزيع، وبالفعل تقدم الكثير للعمل، اختار سيف ٢٠ شاباً
وفتاة رأى فيهم النشاط والاجتهاد والمثابرة والاصرار على النجاح،
وعرض عليهم فكرة التسويق الجديدة، وأثناء جمعه معلومات عن
كل أصحاب المحلات الكبرى في أنحاء الجمهورية في محاولة
منه لفتح مجال للتعامل معهم، كان الشباب والفتيات الذين تم

اختيارهم يتلقون تدريبات لتنمية مهاراتهم البشرية والتسويقية، وحتى يُزيد من حماسهم وضع ١٥ ٪ من ثمن البضاعة المباعة نسبة للمندوبين والموزعين وهي نسبة كبيرة جداً، وأصبح سيف وسلمى والموزعين يداً واحدة وجمعتهم صداقة وحباً، واشتركوا في نفس الهدف وهو النجاح..

كان الموزعون يتعاملون في عملهم كأنه مشروعهم الخاص؛ فما وجدوه من حب واحترام وتقدير من سيف زرع بداخلهم حباً له وللعمل وأصبح هدفهم أن يكونوا أكبر سلسلة محلات لبيع وتوزيع الملابس المستوردة، ومن أول مكسب لأكبر طلبية قاموا بها اشترى سيف سيارة لأخته تعويضاً لها عن سيارتها التي باعها من أجله؛ فقالت سلمى عندما تفاجأت بالسيارة:

- يا حبيبي يا سيف! بتجيلي أنا عربيّة، وانت اللي أولى مني بيها،
كمان دي غالية أوووي.

- مفيش حاجة تغلى عليك يا حبيبتي! من غيرك ومن غير وقوفك
جمبي مكنتش هاقدر أحقق أي حاجة، مانا أصلاً هبقى استلفها
منك لحد ما ربنا يكرم واقدر أجيب لنفسي واحدة.

احتضنت سلمى أخاها، ذلك الحزن الدافئ الذي يشعر الإنسان به أنه ملك العالم بأسره، فما أجمل حزن الأخ وصدقه.. فالأخ هو من يتمنى لإخوته الخير ويحبهم من كل قلبه دون أي هدف أو مصلحة.

نعمة الأخوة لا تضاهيها نعمة في الوجود

للسنة الرابعة لم ينجح سيف في تلك المادة، قدّم سيف شكاوى عدة لإدارة الكلية وقدم شكاوى ضد ذلك الأستاذ معدوم الضمير، ولكن للأسف من دون فائدة، كان رد إدارة الجامعة أنها لا تتدخل في تصحيح الأوراق، هي فقط من الممكن أن تُعيد تجميع الدرجات في الورقة بناءً على الشكاوى المقدمة، ولكن المسؤول الوحيد الذي من حقه تقييم الإجابات وإعطائها ما تستحق من درجة هو دكتور المادة..

أصبح سيف لا يبالي بالتخرج، أو بمعنى أصح يحاول ألا يبالي، فهو يعمل وينجح في تحقيق أهدافه، وأصبح أصغر صاحب محلات ملابس مستوردة وصاحب شركة للتوزيع، حينئذ تسانده في خطوات

نجاحه، ودائماً ما تشجّعه وتحفّزه للنجاح أكثر وأكثر، تخرجت
حنين وبدأت العمل مع والدها وأصبحت ترتبط بسيف جداً وتنتظر
الوقت الذي يعترف فيه بحبه لها..

سيف يعرف بالفعل أن عليه الاعتراف بما داخله من مشاعر
تجاهها، ولكن عدم تخرجه هو ما يمنعه، يتمنى أن يتقدم لها رسمياً
ولكنه ينتظر على أمل أن تُحل مشكلته ويتخرج من تلك الكلية، فقد
قدم بلاغاً وشكوى لرئيس الجامعة وسانده فيها دكتور فهمي وبعض
الأساتذة الذين يعلمون جيداً تفوق سيف، لكن أصبح سيف غير
قادر على الانتظار للإفصاح عما بداخله، ففي أول مقابلة له بحنين
بعد تفكير عميق قال:

- وحشتيني يا حنين، بقالي أكثر من أسبوعين مشوفتكيش.

قالت حنين مبتسمة:

- معلش، المهم إنك خلصت الشغل اللي وراك والطلبية اللي كانت
عندك.

- طيب بالنسبة لاني قولتلك وحشتيني!

ضحكت حنين وهي في شدة الخجل ولم تتفوه بأي كلمة.

نظر سيف في عينيها الجميلتين قائلاً:

- أنا بحبك!

لم تستوعب حنين ما قاله سيف، لا تعرف بماذا تجيب، فاكتفت
بالابتسامات التي لم تستطع أن تُداريها عنه..

وبدأت حكاية سيف وحنين؛ سيف ينجح في عمله ومشروعه وحنين
تشاركه كل خطوات حياته، حاولت حنين أن تقاطعه في موضوع
الخطبة، لكن دائماً ما يمنعها كبرياؤها فذلك الطلب لا بد أن يكون
منه هو، رغم أنها تشعر دائماً باستياء والدتها من مقابلتها لسيف
دون أي ارتباط رسمي..

وفي يوم دون أن تشعر حنين، أخذت أمها رقم هاتف سيف من
هاتفها، فأمها تعلم جيداً أنها إذا طلبت الرقم من حنين سترفض،
واتصلت والدة حنين بسيف وطلبت منه المقابلة راجية منه ألا يُبلغ
حنين، وبالطبع وافق سيف وذهب إلى المكان المحدد في الميعاد،
عرفته والدة حنين من وصف حنين له وتقدمت إلى الطاولة التي
يجلس عليها قائلة:

- ازيك يا سيف!

فقال سيف:

- أهلاً يا طنط! ازي حضرتك، اتفضلني.

ثم طلبا كوبيين من الشاي وقالت والدة حنين:

- طبعا إنت مستغرب إنني كلمتك وإننا قاعدين مع بعض دلوقتي!

قال سيف وكله ثقة بنفسه:

- لا عادي! ده شرف ليأ إنني أقابل حضرتك.

أجابته والدة حنين:

- شكراً يا سيف! أنا هدخل في الموضوع على طول، أنا جاية

النهاردة عشان أعرف حنين بالنسبة ليك إيه؟

قال سيف:

- أنا مش هاتكسف من حضرتك وهجاوبك، أنا بحبها، حنين

بالنسبة ليأ هي كل حاجة.

- طيب إيه آخره خروجاتكم كل يوم والتليفونات والحب ده؟

- طبعا يا طنط آخرته الجواز، أنا والله مش بتاع تسليه وباحترم

حنين جداً ونيتي خير.

- وامتى بقى الجواز ده؟ أو حتى الخطوبة؟

- لسة يا طنط شوية، أنا عندي مشاكل في تخرُّجي؛ أول ما تتحل أول حاجة هاعملها إنى أتقدم لحنين.

- حنين حكّت لي على موضوعك مع الدكتور؛ بس أنا ووالدها مش هانمانع إن يكون فيه خطوبة حاليًا والشهادة كدة هتاخدها.

قال سيف:

- أنا اللي عندي مانع يا طنط، انا مش هادخل البيت واتقدم وأنا لسه متخرجتش، إن شاء الله أستلم شهادتى وأتخرج وهاجي.

شعرت أم حنين بالإحراج الشديد، فهي التي تطلب منه التقدم لابنتها، وهو يرفض ذلك فقالت بنبرة صوت منفعلة قليلاً:

- خلاص يا ابني! مادام مش دلوقتى يبقى متكلمهاش خالص لحد ما تقدر تتقدّم رسمي.

قال سيف:

- حاضر!

زاد رده من عصبية الأم فقالت:

- ولو كلمتك متردش عليها!

فقال سيف:

- بصي يا طنط! أنا ممكن أوعدك ما أكلمهاش، بس طول ما أنا عايش؛ لا يمكن بييجى يوم حنين تكلمني ومردش عليها، لو هي مش حابة تكلمني أوكى، إنما لو كلمتني أكيد هرّد عليها.

لم تجد والده حنين من الكلام ما تقوله فمن داخلها معجبة جدًّا بشخصية سيف وصراحته؛ ولكنها أخرجت عندما أرادت أن يتقدم رسمياً وهو يرفض في الوقت الحالي، فقالت:

- طيب يا سيف! أنا مبسوطة إنى شوفتك، ولازم أمشي عشان عندي ميعاد.

قال سيف:

- أنا مبسوط أكثر، وياريت أبقي أشوف حضرتك تاني.

قالت الأم: «

- إن شاء الله، مع السلامة!

ظل سيف يفكر في تلك المقابلة وهل رده على الأم كان صحيحاً أم خطأ؟، ذهب سيف إلى المنزل شارداً الذهن، ولاحظت سلمى وأمها ذلك، فألحاً عليه ليعرفا ماذا به فحكى لهما، شعرا بخطأ سيف، ولم يفهما موقفه في تأجيل خطوبته لحنين رغم أنه جاهز للزواج مادياً واجتماعياً، وأن موضوع الشهادة لا يد له فيه، كما أنه يعمل ولا يحتاج الشهادة حالياً، حاولا إقناع سيف أن يتراجع عن تفكيره لكن دون جدوى..

حوّلت الأم الدفة تجاه ابنتها قائلة:

- وانتي ياسست سلمى! مش شايفة إنك عدّيتي ال ٣٥ وكفاية كدة؟! ابتمت سلمى لأمها، ثم قبّلتها واستاذنت للذهاب الى النوم دون أن تنطق بكلمة حتى لا تدخل في جدال لا طائل من ورائه.

لاحظت حنين تغيير سيف الذي التزم بوعده للأم ولم يحاول محادثتها أبداً، ومرت ثلاثة أيام دون أي اتصال منه، فاتصلت حنين به قائلة:

- ازيك يا سيف! خير مالك هو انت تعبان، أصل بقالك ٣ أيام

مكلمتنيش.

- لا أبدأ! أنا كويس، أنا بس مشغول في الشغل.

- ما انت على طول مشغول وبتكلمني، أو حتى بتطمني بمسح،

اشمعنا دلوقتي؟!

- عادي يا حنين، مفيش حاجة انتي عامله حوار ليه »

حزنت حنين من طريقة سيف معها... وعندما انهارت حنين

بالبكاء، وعرفت والدتها ما يحدث اعترفت لها أنها هي من طلبت

من سيف ذلك؛ حزنت حنين أكثر لتدخل والدتها في ذلك الموقف

ولمقابلتها سيف من دون علمها، شعرت أن والدتها وضعت قيوداً

في علاقتها بسيف وقالت:

- ليه بس يا ماما كده؟!، أنا اليوم اللي سيف مبيكلمنيش فيه بيبقى

ناقصني حاجات كتير ونفسيتي بتتعب، وأنا واثقة فيه وفي حبه

لياً، لكن هو ظروف تخرجه تاعباه، وأنا رضيت إنني أستحملها، ليه

تعملي كده وتبعدي بيننا!

قالت الأم:

- يا بنتي! أنا باتمنى سعادتك، ومش قصدي ولا نيتي أبعد بينكم،

أنا عايزة علاقتكم تكون طبيعیه وفي النور، ومحدث يزعل من
الأصول!.

قالت حنين:

- ومين قال يا ماما إنها في الضلمة؛ ما انتي عارفة إننا بنحب
بعض، وبابا عارف، وأهله عارفين، يبقي فين الضلمة في الموضوع!!
مسحت حنين دموعها التي انسالت منها بغزارة، وأخذت حقيبتها
ونزلت من منزلها مسرعة متجهة إلى المحل لمقابلة سيف، دخلت
والدموع تملأ وجهها، وعندما رآها سيف نهض من مكانه مفزوعاً:

- حنين مالك يا حبيبتي!! فيه حاجة حصلت؟!

ارتمت حنين في حضن سيف باكية، لا يعلم ماذا عليه أن يفعل؛ فهو
يحبها جداً، ويتمنى ألا تفارق حضنه، و ينتظر اليوم الذي تسكن فيه
ذلك الحزن دائماً، وفي الوقت ذاته يخاف الله ويخاف أن يُغضبه؛
فحنين لا تحلُّ له، ومن شدة ذهوله وحيرته؛ أبعدها عنه قليلاً
ونظر إلى عينيها متسائلاً:

- مالك يا حبيبتي؟!

فطلبت منه حين أن يذهب معها إلى أي مكان ويتحدثا بعيداً عن المحل، وبالفعل أمسكت حين بيده وذهبا معاً إلى مكانهما المفضل، عندما يحاول سحب يده، تمسكها هي بقوة كي لا تُقلتها، حتى استسلمت يده لها، كأنها طفل صغير يستمد الحنان من حضن أمه..

قالت حينئذ:

- إنك ليه مقولتيليش إنك قابلت ماما؟!

قال سيف بارتباك:

- عادي يا حبيبتي مجاتش فرصة.

- سيف! أنا بحبك ومقدرش أستحمل يوم واحد ماتكلمنيش فيه، إحنا اللي بينا أقوى من أي دبله وخطوبة، إحنا بينا عشق روح، وحب يملى العالم كله، أنا ماليش دعوة بكلام ماما وباعتذرلك عنه، أنا مش عايزة لا خطوبة ولا أي حاجة؛ أنا عايزاك بس تكون جمبي، كل يوم، وكل ساعة وكل لحظة، أرجوك يا سيف إوعى تبعد عني.

اغرورقت عينا سيف بالدموع من شدة صدق وحب حين له؛ فقلبه يسمع دقات قلبها، وعيناه تشعر بصدق عينيها فقال سيف:

- ولا أنا والله أقدر أبعد عنك... وما تعتذريش عن حاجة، طنط مش غلطانة وبتتكلم صح، أنا بس اللي نفسى لما اتقدملك ميكونش ناقصني أي حاجة، وأكون مهندس فعلاً بيتقدملك مش طالب مش عارف يتخرج، حنين...»

رفعت عينيها في عينيه كأنما تبحث عن ضالتها فيهما وقالت:

- نعم يا روح حنين!

- أنا هكلم والدك النهاردة أحدد معاه ميعاد عشان آجي أزوركم أنا وماما وسلمى، ويا ارب يكون الميعاد النهاردة أو حتى دلوقتي؟
بكت حنين أكثر قائلة:

- أنا مش جايا لك عشان كده، والله أنا....

قاطعها سيف قائلاً:

- ماتكلميش، كل اللي عايزة تقوليه أنا حاسه وعارفه، واللي عارفه أكثر إنني بحبك يا حنين أوووى، بحبك أكثر من أي حاجة في الدنيا.

وحدد سيف ميعاداً مع والديها وذهب لخطبتها بصحبة أمه وأخته،

وبالفعل وافق والدها، وتم تحديد موعد للبس الدبل والخطوبة الرسمية، وبهذا ارتاحت والدة حنين لخروجها ومكالماتها..

بعد خطوبة سيف بأيام بدأت والدة سلمى بالحديث المستمر عن رغبتها في زواج ابنتها، فمجتمعا المصرى يطلق اللقب العقيم «عانس» على أي فتاة يتعدى عمرها الثلاثون عاماً دون زواج، وبعض الأحيان يطلق ذلك اللقب على من هم أقل سنًا، وهذا يختلف من مكان لآخر، كان يتقدم لابنتها الكثير من العرسان وكانت سلمى ترفض دون أن تراهم؛ ترى أنها غير مستعدة نفسياً لهذه الخطوة، ترى أن أحلامها أكبر بكثير من زوج؛ أحلامها تحقيق ذاتها واحترامها لنفسها، ومن ثم تفكر في من تكمل معه مشوارها، تلك النقطة ظلت سبب الخلاف الدائم بين سلمى ووالدتها، دائماً ما تقارنها الأم بصديقاتها؛ فجميعهم تزوجوا وأنجبوا أطفالاً، وتُقارنها بسيف الذى يصغرها بعشر سنوات وحنين التي تصغرها بثلاثة عشر سنة ويجهزان لزواجهما، لكن سلمى لم تبال أبداً بكلام أمها.. واستمرت المشاكل بينها وبين أمها فى ازدياد مستمر.. إلى أن قررت الأم أن تطلب من خال سلمى التدخل لعله يقدر على إقناعها بالامر..

أبلغت الأم سلمى أن خالها سيحضر بعد يومين لتناول الطعام معهم، وعلى سلمى التواجد للترحيب بخالها، وبالفعل أتى خالها وتناولوا الطعام والشاي وتبادلوا الضحكات والمباركات لسيف على خطبته، وبعدها تحدث الخال لسلمى عن رغبة أمها، فقال:

- أنا مش باتدخل يا سلمى، بس انتي بقيتي ٣٦ سنة، يعني مش صغيرة، وأكد فاهمة وعارفة إنك اتأخرتي أووي في الجواز، مش قادر أفهم تفكيرك.

قالت سلمى:

- يا خالو! أنا تعبت من الكلام ده، ليه محسيسيني إن محور حياة البنيت هو الجواز والعريس وبس، فيه حاجات كتير أووي أهم.

فقال الخال محاولاً تفهم سلمى قائلاً بهدوء:

- احنا ماقولناش كده! بس كل وقت وله أدان، وده وقت إنك تتجوزي ويبقى عندك أطفال، ده حتى السن المناسب للجواز كان لازم يكون من كام سنة كمان، مش لما تدخل في الثلاثين.

فقالت سلمى:

- ومين بقى اللي حدد السن المناسب للجواز ده؟!

تدخلت الأم بنبرةٍ غاضبة:

- التقاليد والمجتمع اللي احنا عايشين فيه.

فقالت سلمى:

- يا ماما! التقاليد دي إحنا اللي بنعملها، مفيش حاجة اسمها سن مناسب للزواج، فيه حاجة اسمها لما أقابل الشخص المناسب ليًا كزوج يبقى ده الوقت المناسب.

قالت الأم:

- طب يا ستي! ما انتي بقيتي ٣٣ سنة ومقابلتهوش، يبقى تشوفي الناس اللي بتتقدملك، مش ممكن حد فيهم يكون مناسب ويكون هو ده الشخص اللي بتتمنيه؟!

قالت سلمى:

- يا ماما! أنا مش ضد فكرة إنني أقابل حد، فيه جوازات كتير نجحت بالطريقه دي، بس أنا مش مستعدة نفسيًا، مش حاسة إنني عايزة أتجوز وأكون مسئولة عن بيت وأسرة، أنا عايزة أكوّن نفسي الأول، عايزة أنجح في شغلي أكثر، عايزة أسيب بصمة في المجتمع، عايزة يبقى ليًا دور مؤثر والجواز بييجي على مهله، أو

حتى ما يجيش مش مهم.

فقال الخال:

- واضح إن مفيش فايدة.

بدأت والده سلمى بالصياح، وارتفع صوتها تعترض على كلام ابنتها، التي سرعان ما قالت:

- أنا عندي درس مهم ولازم أمشي.

وحملت حقيبتها في عجلة وذهبت وهي تسمع أمها مستمرة في حديثها وتوبيخها.

بعد أسبوعين من خطبة حنين وسيف، دعا سيف سلمى وحنين على العشاء في المطعم المفضل لحنين، وأثناء قضائهم وقتهم بين ضحك ومرح أحست سلمى بالألم في بطنها، فهي تشعر دائماً بانتفاخ، وأصبح دواء القولون لا يؤثر، حتى إنها أصبحت تلبس مقاساً أكبر في ثيابها حتى لا يظهر انتفاخ بطنها، رغم أنها فقدت الكثير من وزنها في فترة قصيرة، وظلت تشعر بالألم ثلاث دقائق متواصلة مما أصاب سيف بالقلق وطلب منها الذهاب

فوراً للمستشفى، ولكنها رفضت قائلة إنها ستأخذ قرصاً مسكناً وستُصبح بخير، وبالفعل مرَّ الموضوع بهدوء، سلمى قلقتم من ذلك الإحساس لأنه متكررٌ معها كثيراً وكثيراً ما تشعر بتعبٍ في العظام إلى جانب الانتفاخ والتعب من أقل مجهود وفقدتها الشهية للأكل على عكس عاداتها فقررت أن تذهب اليوم التالي للدكتور..

استيقظت باكراً ولم تبلغ أحداً إلى أين تذهب، وتوجهت إلى طبيب العائلة الذي تربطه علاقة صداقة قوية بوالدها رحمه الله، وطلب منها عمل بعض التحاليل وفحص عينة من نخاع العظام، ومن بين تلك الفحوصات تحليل كامل للدم، وسونار على الكبد والطحال، وبالفعل أجرت سلمى كل الفحوصات وذهبت بالنتائج إليه بعد يومين..

فسألها الطبيب لماذا لم يأتِ سيف أو أمها معها، لكنها أوضحت له ألا أحد يعرف شيئاً ولا تريد أن تقلقهما، وأن يتكلم معها بصراحة عما بها، فقال لها الطبيب:

- بصي يا سلمى! إنتي زي بنتي وأنا عارف إنك عاقلة عشان كدة مش هخبي عليك عشان لازم تساعدني في العلاج.

شعرت سلمى من نبرة صوت الطبيب أن الأمر خطير فقالت وهي تحاول التماسك:

- خير يا أنكل! أنا مستعدة لأي كلام حضرتك هتقوله.

فقام الطيب من مكانه وذهب إلى جوارها وأمسك بيدها قائلاً:

- بصي يا حبيبتي! نسبة كرات الدم البيضاء مرتفعة (٥٢٠٠٠) وده معدل مرتفع جداً لأن الطبيعي يكون ١١٠٠٠.. كان يحاول أن يُطمئنها بصوته الهادئ ونظراته الحانية ثم أكمل حديثه قائلاً:

- كده عندنا احتمالين؛ إما إن تكون التهابات حادة في الدم، إما إن يكون لوكيميا يعني سرطان دم ولكنه قابل للشفاء.

ابتسمت سلمى، واستغرب الطبيب تلك الابتسامة التي من المؤكد أنها تداري خلفها وجعاً وألمًا، فقالت سلمى:

- شكراً يا أنكل، عن إذنك هاستأذن، وابقى أكلّم حضرتك بكرة نشوف الدنيا هتمشي ازاي.

لم يحاول الطبيب أن يمنعها من الانصراف لأنه يعلم تأثير كلامه عليها وتأثير الصدمة الذي من الممكن أن يصيبها باللامبلايه وعدم استيعاب خطورة الموقف، يعلم جيداً أن الإنسان في مثل

ذلك الموقف يحتاج أن يجلس مع نفسه ليفكر فيما بعد فقال لها:

- اتفضلي يا حبيبتى! وهاكلمك بالليل أظمن عليكى.

خرجت سلمى متماسكة تماسكاً غريباً، لم تبتك ولم تقلق وقالت
مرددة الحمد لله، الحمد لله، داخلها شعور غريب، لا تشعر بآلم،
بل على العكس هى تشعر بعزيمة وإرادته حلت في كيانها كله، كأنها
تحمل فى طيتها كل الاسلحة للدفاع عن جسمها من احتلال المرض
له، لم تستطع تفسير ذلك الإحساس الغريب سوى أن الله انعم
عليها بالصبر عند صدمتها فأستكنت أمام ذلك الخطر الكبير،
ذهبت إلى مسجد قريب من المستشفى، صلت الظهر ودعت الله
قائلة

- يارب، أنا مش عارفه هيكون عندى إيه بالظبط، لكن أيأ كان أنا
راضية، يارب قدرني إنى أرضى مهما اشتد البلاء.

وذهبت إلى المنزل تفكر هل تُخبر أهلها بما حدث أم تنتظر
لتتأكد مما أصابها، في نفس اليوم ليلاً اتصل بها الطبيب وطلب
منها الحضور باكراً، وبعد فحوصات أخرى تأكد أن سلمى مصابة
بالوكيميا، صارحها بما تأكد منه وكان ردها:

- الحمد لله!

قال لها الطبيب:

- سعيد أنك متماسكة ومؤمنة وده اللي توقعته، بس ارجوكي يا سلمى لازم تساعديني، السرطان مرض زي أي مرض، وبالإرادة، هنقدر ننتصر عليه، صدقيني ده مش كلام وخلص دي حقايق، وسرطان الدم ناس كتير اتغلبت عليه وبفضل الله تم شفاها.

- إن شاء الله خير!

- طيب الخطوة الأولى لازم نبلغ سيف وماما، تحبى انتي تبليغهم ولا أنا؟!

قاطعته سلمى موضحة رغبتها في عدم تبليغهما بشيء، راجية الطبيب ألا يقول أي شيء لأحد، ولكنه رفض بشدة وقال إن أهلها سيكونون من أهم الناس القادرة على المساعدة المعنوية والنفسية في العلاج ولا مفر من إبلاغهم، فقالت سلمى:

- خلاص يا أنكل! سيبني أنا أبلغهم، ممكن تتولي العلاج هيكون ازاي وهيبداً امتي؟

فطمأنها الطبيب أن حالتها تسمى ابيضاض الدم النخاعي الحاد (Acute Myelogenous leukemia – AML) ،
والمرض تم اكتشافه مبكرًا مما يجعل نسبة احتمال الشفاء منه
أكبر، وأن العلاج سيكون أقراص إيماتينيب لإبطاء تقدمه، وإذا لزم
الأمر سيلجؤون إلى العلاج الكيماوي..

انصرفت سلمى تفكر في ذلك الإبتلاء الشديد وكيف تسلس ذلك
المرض إلى جسدها الضعيف دون رحمه، وهل عليها الاستسلام أم
التمسك بالأمل والرغبة في الحياة، وكتبت في مدونتها وهي تحدث
نفسها بصوت عالي كأنها تحاول أن تمنع الأفكار السلبية أن تسيطر
عليها بذلك الصوت :

« لا، لن استسلم للمرض سأعيش أيامى دون التفكير في المرض
أو الموت، سأمنع الخوف أن يتسلل إلى قلبي، لن اسمح له أن يفتك
بي، لن يزرع الشيطان الخوف وعدم الرضا فى قلبي، لن اسمح
له أن ينزع الإيمان والأمل والصبر من داخلى، سأكون أقوى من
المرض وانتصر عليه»

أصبحت سلمى فى حيرة من أمرها كيف يمكن أن تبلغ سيف ووالدها بإصابتها بذلك المرض؟، كيف لها أن تُهون عليهما صدمتهما؟، ذهبت الى المنزل وكانت أمها تعد الطعام، وسيف فى طريقه الى المنزل، ساعدت والدها فى تجهيز الطعام وهى تفكر كيف ستقول لهما عن مرضها، وكيف سيستقبلا كلامها، اشفتت عليهما فصدمة وفاة والدها كانت كبيرة على الجميع، من المؤكد أن صدمة اصابتها بذلك المرض اللعين ستكون أكثر وجعاً وأشدّ ألماً، وجاء سيف وقبّل والدته وأخته، وتناولوا الطعام، قررت سلمى أن تفاتحهما فى الموضوع أثناء تناولهم للشاي..

- أنا كنت عايزه اقولكم حاجه مهمه..

فقالته الأم:

- قولي يا حبيبتي خير!

فسكتت سلمى، لم تقو على الكلام أو النطق ولو بكلمة واحدة،

نظرت أمها إلى عينيها لعلها تفهم منهما، ثم قال سيف:

- فيه ايه يا سلمى قلقتيني.

فمسحت سلمى دموعه ترفرفت من عينيها قائلة:

- مفيش حاجة! بس كان نفسي أقولكم إني بحبكم أوي، بحبكم أكثر من أي حاجة فى الدنيا.

ابتسم سيف قائلاً:

- مهما كان مقدار حبك لينا؛ فهو ولا حاجة جمب حبنا ليكي يا أجمل سلمى.

أما الام فظلت صامته فهي على يقين أن هناك شيئاً خفياً لم تَقُلْهُ سلمى..

مر اليوم كاملاً من دون أن تقول سلمى لهما شيئاً، هي قوية وراضية بالابتلاء، وتعلم أيضاً شدة إيمانها ولكنها لاتثق بردة فعلها، فصبرت حتى تتاح لها فرصة مناسبة..

بعد يومين... اتصلت سلمى بسيف وطلبت منه المقابلة خارج المنزل لأنها تريد التحدث معه، وبالفعل تحرك سيف على الفور في طريقه إليها في المكان المحدد، وجلسا معاً..

سلمى متماسكة إلى أبعد سماء، ملامح وجهها طبيعية جداً، لا

يوجد أي علامات توتر أو قلق عليها..

بدأت سلمى كلامها:

- سيف! فيه موضوع مهم لازم أقولها لك، بس ياريت قبل أي كلام تكون متفهم كلامي بإيمان وثقة بالله، وتبقى متأكد إن الأعمار بيد الله، وربنا قادر على كل شيء..

فانفزع سيف قائلاً:

- فيه إيه!، ماما جرى لها حاجة؟!

فأمسكت سلمى بيد أخيها المرتعشتين قائلة:

- لا يا حبيبي ماما بخير، أرجوك اهدى عشان تقدر تسمعني.

فقال سيف:

- أمال إيه يا سلمى، قلقتيني!!

فقال سلمى بابتسامة يملؤها الرضا:

- أنا عرفت إنني الحمد لله، الحمد لله، الحمد لله عندي لو كيميا.

حدق سيف في وجهها في ذهول، دون أن يتفوه بكلمة، فقالت سلمى:

- سيف سامعني؟!

ظل سيف صامتاً لم يحرك حتى رأسه سواء بعلامة الإيجاب أو
النفى، فأكملت سلمى قائلة:

- ما توقعتش رد فعلك ده، اللي أعرفه عنك إنك قوي ومؤمن، توقعت
إنك هتقويني مش تسكت!

فقال سيف بصوت مرتعش وعينين تملؤهما الدموع ناهضاً:

- أكيد فيه حاجة غلط يا سلمى، قومي بينا نروح لأنكل رمزي،
عشان يثبتلك إنك غلطانة.

فأمسكت سلمى بيد أخيها تدفعه للجلوس وهى تبتسم قائلة:

- دكتور رمزي عارف كل حاجة وهو اللي هيعالجني.

استسلم سيف لليأس قائلاً:

- أنا مش مصدق اللي بسمعه، احكي لي كل حاجة من الأول،
وفهميني، أنا مش مستوعب ولا فاهم أي حاجة!

وبعد ساعتين من الكلام المتواصل بين سلمى وسيف محاولة
منهما ترتيب خطة مناسبة لابلاغ أمهما بحاله سلمى، حتى استقرا

أن سيف هو من سيبلغها الأمر في الوقت المناسب..

تلك المحنة جعلت سلمى تعيد ترتيب أولويتها، شعرت بتقصير تجاه أمها وسيف، وشعرت أيضا بتقصير تجاه صديقتها المقربة ديما، أدركت أن الأيام تمرُّ سريعاً فلقد أصبحت أماني ابنة ديما في الخامسة من عمرها، فهاتفت سلمى صديقتها ديما واتفقا على المقابلة في النادي ليلاً..

وثناء ارتداء سلمى لملابسها لتتجه إلى مقابلة صديقتها إذا بباب غرفتها يفتح، وتُطل عليها أمها بابتسامة جميلة، واقتربت من ابنتها، واحتضنتها حُضناً دافئاً، وأجهشت في البكاء، فعلمت سلمى أن سيف قد أبغ أمها بحقيقة مرضها فاحتضنت أمها أكثر وبكت معها..

بكاء سلمى لم يكن حزناً لمرضها، ولم يكن عدم رضا بقضاء الله، ولكنه كان خوفاً على أمها من الصدمة، خوفاً على أمها من اليوم الذي ستفارقهما فيه سلمى، خوفاً على أمها من المجهول وما سوف يحدث غداً...

مسحت الأم دموع ابنتها قائلة:

- كفاية دموع يا بنتي! ربنا كريم! وان شاء الله هيشفيكي وتفضل
ضحكة أجمل سلمى منورة حياتنا!

فابتسمت سلمى قائلة:

- ضحكتي هتفضل طول ما انتى وسيف بتضحكوا.

لم تعرف الأم ماذا تقول؛ فحاولت أن تنهي ذلك الموقف الصعب
قائلة:

- انتى اتأخرتى أوي يا حبيبتى، يالا زمان ديما مستنياكي.

قبّلت سلمى أمها وانصرفت داعية الله أن يُخفف من صدمة أمها،
وأن يرزقها الثبات والرضا بذلك البلاء العظيم.

دفعت سلمى بيديها الباب الزجاجى للمقهى الذى ستقابل فيه
صديقتها، وفورا وقعت عينيها على ديما وابنتها، فركضت أمانى
الصغيرة إلى سلمى وقابلتها بالأحضان والقبّلات الكثيرة..

كانت سلمى صامتة تحتسى كوباً من القهوة التي تعشقها، أما ديما
فكانت تنظر إليها بفضول واستغراب فى ذات الوقت؛ فقد لاحظت

أن وجه صديقتها ليس على ما يُرام، وسألته عن سر ذلك، لكن سلمى لم تقل لها شيئاً وتحججت بأنه إرهاق لقلة نومها..

فشلت سلمى فى إخفاء ما بداخلها وظهرت أمارات الحزن على وجهها، راضية بما قسمه الله لها ولكنها حزينة إلى أبعد الحدود، لا تعلم هل هي حزينة على نفسها فحسب أم حزينة خوفاً على أهلها ومن يحبونها من احتمالية فراقها..

ثم حكت ديمًا لصديقتها عما يشغلها تلك الفترة، فقد تغيرت ديمًا كثيراً كما يتغير كل شيء من حولنا.. وها هي الآن تبحث عن عمل لأن ابنتها تستطيع أن تذهب إلى المدرسة؛ فهناك من الوقت ما يسمح لها بالعمل وتحقيق ذاتها..

وقالت لها سلمى أنها بإمكانها مساعدتها، وأنها ستتصل بخالها ليساعدها على إيجاد فرصة عمل مناسبة لها..

انتهت المقابلة، وفور انتهائها اتصلت سلمى بخالها الذي وعدها بتوفير فرصة عمل لصديقتها

وبالفعل قبلت للعمل كمحاسبة في إحدى الشركات وبدأت مشوارها العملي..

شعرت سلمى أنها بحاجة لأن تكون قريبة من كل من تحبهم ويحبونها بصدق، فهي لا تعلم متى سيحين الفراق، لذا ستحاول أن تشبع من وجودهم في حياتها..

قابلت ديمًا مشاكل كثيرة مع الناس في التعاملات، رغم أن ديمًا شخصية اجتماعية مرحة، ولكن ما حدث لها وتجربتها مع هيثم ونرمين أثرت بالسلب على حياتها، أصبحت تخاف الناس وتخاف التعامل معهم، أصبحت تتعامل بجفاء مع من حولها رغم أنها شخصية حنونة جدًا، أصبحت تخشى من تكوين علاقات وصداقات جديدة وتكتفي بمن هم أصدقاءها منذ فترة.. تغيرت صفاتها الجميلة..

حاول عمرو كثيرًا كسر ذلك الحاجز النفسي الذي نشأ بداخلها، محاولاً إقناعها بأن هناك أشخاصًا صادقون يحبون الخير للآخرين على عكس هيثم ونرمين، لكنها تمسكت برأيها أن الأشخاص الجيدين قليلون جدًا، وأنها لن تسمح بخداعها باسم الصداقة أو أي مُسمى آخر مرة أخرى، وكانت بالفعل سعيدة بتغيرها وترى

الراحة في ذلك القرار وتلك المعاملة الجافة مع الناس واكتفائها
ببيتها وزوجها وابنتها والقليل من الأهل والأصدقاء..

بدأت سلمى رحلة علاجها وحالتها مستقرة جداً، لا تشعر بالتعب
إلا في فترات قصيرة، ولم يكن لذلك المرض أي تأثير سلبي على
حياتها وتصرفاتها، بالعكس تمسكت بحلمها أكثر وحاولت أن
تجتهد بشتى الطرق لتحقيق خوفاً منها أن يمر عمرها سريعاً وهي
لم تحقق شيئاً مما تتمناه..

حُدِّد لها ميعاد في قناة تليفزيونية أخرى لتقوم ببعض الاختبارات،
وبالفعل حضرت أول مقابلة وكان لديها فكرة البرنامج الذي دوّمًا
حلمت به، قابلت أول مرة مسؤول البرامج في القناة الذي شعرت
وقتها أنه شديد الإعجاب بشخصيتها وفكرة برنامجها، وطلب
منها الحضور في اليوم التالي حتى يقوم باختبار الكاميرا لها،
وعندما ذهبت طلب منها أن تقول فكرة البرنامج وتحدث عن
نفسها ليسجلها صوتاً وصورة في الاستوديو وعرض الفيديو على
المسؤولين..

وبعد التسجيلات أخبرها أن تنتظر مكالمة هاتفية؛ لكن مر شهر والآخر دون أي مكالمات مما أشعرها ببعض الإحباط؛ ولكنها أبداً لم تياس وقررت أن تستمر في التقديم في قنوات أخرى..

مر عام كامل على ذلك الحال، تجتهد سلمى وتعمل ما بوسعها للعمل في المجال الذي طالما حلمت به دون أي جدوى، وحالتها الصحية تأثرت وأصبح العلاج بالدواء وحده غير كافٍ، مما اضطر الطبيب لاستخدام العلاج الكيماوي..

وعرض عليها أن تكون دائماً على تواصل بمن هم في نفس حالتها، وبمرضى السرطان عموماً حتى يساعدوا بعضهم بعضاً على التفاؤل، ويكونوا يداً واحدة في محاربة ذلك المرض اللعين، وبالفعل حضرت سلمى أول لقاء بمن هم مثلها، كانت متوترة وخائفة ولكن طمأنها الطبيب صديق والدها أنه سيكون معها واقتعها أن ذلك الأمر مفيد لها فعندما يقابل المريض من أصابهم نفس مرضه فمن الممكن أن يقلل ذلك من معاناته لأنه سيشعر أنه ليس وحده، فأحياناً المشاركة في البلاء تقلل المعاناه

ذهبا إلى المكان المحدد والتقت بمجموعة كبيرة من الشباب والبنات المصابين بذلك المرض - مختلفي الأعمار، ومختلفين أيضًا في أنواع الإصابات بالمرض وطرق العلاج، ولكنهم تجمعوا على شيء واحد وهو قرارهم بالانتصار على ذلك المرض وأسموا أنفسهم «محاربو السرطان» وليسوا مرضى..

الثقة بالله والثقة بأنهم قادرون على النجاح في ذلك الامتحان الصعب هي أهم ما يميزهم، لا يختلف نوع الألم، ولا يُفترق المرض بين أنثى وذكر في تساقط الشعر بعد التعرض للعلاج الكيميائي، الألم واحد، والخوف واحد من مصير مُشابه يتوقعه معظم المصابين، يفرق بينهم فقط قوة الإرادة التي تميز أحدهم عن الآخر، وحدها الرغبة في الحياة هي التي تُزيد من فرص نجاة مريض وتُنقِص من فرص نجاة الآخر، وهي الرغبة التي يختلف التعبير عنها من مريض لآخر، بعضهم من يتمسك بالحياة، يحتضن أهله وأولاده، والبعض الآخر من يواظب على العلاج ويواجه المرض بالضحك والتفاؤل، بينما يختار البعض إرسال رسائل للمرض، رسائل مكتوبة ومختومة بأنهم «المحاربون» وسوف يواجهون المرض وينتصرون عليه..

وبعد مرور ثلاث ساعات على سلمى كأنهم ثلاث دقائق طلبت أن تقول لهم كلمة أخيرة قالت:

- شكرًا جدًّا يا أنكل رمزي أنك عرفتني على الناس الجميلة دي، وشكرا على وجودي معاكم، أنا اتعلمت منكم في الكام ساعة دي حاجات كثير أوي، وهاخرج من هنا إنسانة جديدة، عندها ثقة أكبر في ربنا، وعندها ثقة في نفسها إنها هتقدر تتغلب على المرض، لازم كلنا نواجه المرض وما نستسلمش، بجد الابتلاء بيخلي الإنسان قوي أوي، أقوى مما هو نفسه ممكن يتخيل، لازم نعرف إن السرطان مش نهاية الطريق؛ السرطان بداية جديدة، بداية جديدة في علاقتنا بربنا، بداية جديدة في نظرتنا للحياة، بداية جديدة في تفكيرنا ازاى نسيب أثر جميل وبصمة قبل ما نفارق الحياة سواء دلوقتي أو بعد ٥٠ سنة، لازم نبقى عارفين إن ربنا مش بيعاقبنا، ربنا بيختبر قوة إيماننا وبيزيد من حسناتنا، زي ما رسولنا الكريم عليه أفضل الصلاة والسلام قال «ما من مسلم يُشاك شوكة فما فوقها إلا رفع الله بها درجة وحط بها خطيئة» صدق رسول الله صلى الله عليه وسلم، مفيش حاجة تاني أقدر أقولها غير يا ارب..

سعدت سلمى جداً بتلك الساعات التي قضتها مع المحاربين وعادت إلى منزلها وعندها شعور متناقض، رضا بقضاء الله وفرحتها بذلك الابتلاء الذي سيزيد من حسناتها إن شاء الله إن صبرت، والشعور الآخر هو الخوف، ليس خوفها من الموت، ولكن خوفها من أن تُتسى، من ألا تجد من يدعو لها، أو من أن يدعو لها أصدقاؤها وأهلها شهراً والآخر ثم ينسونها وسط زحمة الحياة..

قررت ألا تترك نفسها لذلك الإحساس ولا تترك نفسها للخوف وتعمل ما بوسعها وأكثر لتصل إلى الناس وتقيدهم بأفكارها وبأفكار البرامج التي تتمنى تقديمها، لعل وعسى يستفيد بها أحد ويتغير مجرى حياته للأفضل ويظل الباقي من عمره يدعو لها، ف عاجلاً أم آجلاً سنموت جميعاً، لا أحد مخلص، ولكن الفرق بين شخص وآخر هو الأثر الذي يتركه في قلوب من حوله، الفائدة التي يتركها يستفيد بها غيره فتعيش سيرته وأثره إن مات هو..

قررت سلمى أن تسعد من حولها قدر الإمكان، تسعد أباها وخطيبته، تسعد أمها التي هدتها علمها بمرض ابنتها، تسعد ديما وخديجة فهم أقرب أصدقاؤها..

جاء موعد عيد ميلاد والدتها الذي لم يحتفلوا به منذ أكثر من ست سنوات منذ توفى والد سلمى وسيف، ولكن هذا العام قررت سلمى أن تُسعد أمها واتفقت مع سيف أن يبلغ أقاربهم ليحتفلوا بعيد ميلاد والدتها في المنزل بعد أيام، احتارت سلمى ماذا تقدم لأمها هدية، فأى شيء لا يمكن أن يكفي الأم أو يرد ولو جزءًا صغيرًا من أفضالها على أولادها، فبعد موعد الدرس الديني سألت خديجة عن رأيها فقالت خديجة:

- أنا هقولك يا سلمى تجيبلها إيه، فاضيه ولا وراكي حاجة!؟

أجابت سلمى بأنها لا يوجد لديها أي مواعيد اليوم، فأخذتها خديجة واتجهت بها إلى المهندسين وركنت السيارة أمام مكان ما تحت الإنشاء، وأخذتها إلى داخل المكان قائلة:

- ده مسجد يا سلمى، المفروض خلال ٦ شهور وقبل رمضان يكون اتبنى، إيه رأيك »

فقالت سلمى:

- مش فاهمة رأيى في ايه!؟

قالت خديجة:

- الفلوس اللي كنتي هتجيبى بيها هديه لمامتك، حُطِها في المسجد ده، صدقة جارية باسمها تنفعها في الدنيا والآخرة بعد عمر طويل، الصدقة دي فضلها كبير أوي، ده الرسول عليه الصلاة والسلام قال: (سبَّعُ يَجْرِي لِلْعَبْدِ أَجْرُهُنَّ وَهُوَ فِي قَبْرِهِ بَعْدَ مَوْتِهِ: مَنْ عَلَّمَ عِلْمًا، أَوْ أَجْرَى نَهْرًا، أَوْ حَضَرَ بَيْتًا، أَوْ غَرَسَ نَخْلًا، أَوْ بَنَى مَسْجِدًا، أَوْ وَرَّثَ مَصْحَفًا، أَوْ تَرَكَ وَلَدًا يَسْتَغْفِرُ لَهُ بَعْدَ مَوْتِهِ)، ربنا يديّ لطانت العمر الطويل بس احنا عايشين النهاردة ونقدر نعمل حاجة محدش عارف بكرة فيه ايه، فماينفمش نتأخر في عمل أي شيء ينفعنا في الآخرة..

ابتسمت سلمى لصديقتها وفرحت جدًا بتلك الفكرة، فالورد الذي كانت تفكر أن تعطيه لأمها سيدبل وأي هدية أخرى ستستعملها أمها فترة وتستفيد بها ثم تنتهي ذات يوم، أما ثواب الصدقة الجارية سيستمر، ويزرع البركة في حياتها ويُفيدها بعد مماتها..

فقررت سلمى أن تفعل ما نصحتها به صديقتها، وأيضًا ستعدد النوايا بأن تكون تلك الصدقة صدقة جارية لها ولأمها وأبيها رحمه الله وسيف، وأن تكون الصدقة بنية أن يبارك الله لهم في حياتهم ويرزقهم حسن الخاتمة، وبوفوق سيف وتحل مشكلة نجاحه وأيضًا

شفائها، وأن يفك الله ما بهم من كرب، فالله يُحب تعدد النوايا
ويجوز ذلك في الصدقات..

مر شهران والحال كما هو بالنسبة لسلمى، تتلقى علاجها دون تعب
أو اعتراض على حكمة الله، وتسعى إلى تحقيق الحلم.

أما سيف فقد قضت المحكمة بتصحيح ورقة امتحانه بواسطة
دكاترة آخرين وأثبت أنه يجيب بالإجابة المثالية ولا يُعطى
الدرجات، فعوقب الدكتور معدوم الضمير وتوقف عن العمل
وتخرج سيف رسمياً من كلية الهندسة وحدد ميعاداً مع أهل حنين
لزوجهما، فلا يوجد أي عائق للتأجيل؛ لقد تخرج وله عمله الخاص
الذي يكسب منه الكثير وينجح فيه وجهاز شقة فخمة في مكانٍ راقٍ..

في عمل ديما الجديد جمعتها الصدفة بزميلتها القديمة لبنى التي
تعمل في نفس الشركة، اتفقا سريعاً على أن يتقابلا بعد انتهاء
الدوام..

وبالفضل تقابلا في أحد الكافيهات واسترجعا ذكرياتهما حتى
جاءت سيرة نرمين، وكانت صدمة بالنسبة لديما أن تسمع أخباراً

سيئة عن نرمين، حيث توقف عقل ديما عن التفكير وتساءلت هل أنا سعيدة أم حزينة لسماعي تلك الاخبار؟

وقعت نرمين فريسة لشخص سيء السمعة، تعلق به قلبها سريعاً وأحبته حد الثمالة، بل ذابت فيه عشقاً وتمت خطبتها له سريعاً، بل ووصل الأمر أنها دخلت معه في شراكة في مشروع، وساهمت بكل ميراثها من أبيها، حيث ساهمت بأكثر من ٨٠٪ من رأس المال وأعطت لخطيبها كل الصلاحيات ومن أهمها إصدار الشيكات بتوقيعه منفرداً وسحب الأموال من حساب الشركة بتوقيعه منفرداً.

فشل المشروع وزادت الديون؛ فقام خطيبها بالقفز من السفينة قبل أن تغرق وقام بسحب الأموال المتبقية في الشركة وفر هارباً تاركاً لها الديون المتركمة، وأرسل لها خطاباً يبلغها بأنه لم يستطيع تحمل الديون ولا حل لديه سوى الهروب والنجاة بنفسه، حاول خطيبها من خلاله أن يُراعي ما تبقى لديه من ضمير أصبح في سكرات الموت، فاختم الخطاب بإعلانه لها عن فسخ الخطبة معلناً بذلك في ذات الوقت عن موت ضميره نهائياً..

شربت نرمين من نفس الكأس الذي سقت منه صديقتها؛ كأس

الغدر، كأس الأنانية وانعدام الضمير، لم تتعاطف ديمًا مع ما سمعته، فجرحها من نرمن جعلها لا تشفق عليها في أي شيء، فهذا عدل الله في الأرض، عندما تكذب سيُكذب عليك، عندما تخون سَتُخَانُ أشدُّ خيانة، وعندما تضر شخصًا وتجرح مشاعره فلا بد أن يأتي اليوم الذي تُجرح فيه..

وأثناء قيام لبنى بسرد ما حدث لنرمن من تعب نفسي وآلم، شعرت ديمًا بسعادة بالغة وشعرت بنشوة ولذة ملأت الأرض وما عليها ولسان حالها يقول:

- يا الله، ما اعدلك، يا من سميت نفسك العدل، ولكن!!

أصابها الذهول فجأة وتمنت لو أن أمامها مرآة لتتظر فيها فورًا، وقالت في نفسها، ما هذا؟ هل أنا ديمًا؟ أين قلبي؟ أين حبي للناس وتسامحي؟ هل أنا سعيدة بما حدث لنرمن؟ هل وصلت قساوة قلبي إلى هذا الحد؟ كيف تملأ الشماتة قلبي إلى هذا الحد؟! هل هذا غضب من الله، هل ينطبق على حالتي قول الله تعالى «ثم قست قلوبكم بعد ذلك فهي كالحجارة أو أشد قسوة...»؟

واستكملت لبنى سرد ما حدث لنرمن قائلة

- ووالدة نرمين ما قدرتش تتحمل اللي حصل لبنتها...

وهنا كانت الصدمة لديما فقالت لها فوراً:

- مالها مامتها؟ حصل ايه؟

كانت ديما تعشق والدة نرمين وتعتبرها مثل والدتها، وطلبت من لبنى أن تستكمل السرد، فقالت لبنى إن والدة نرمين لم تتحمل ما حدث لابنتها ونُقلت فوراً إلى المستشفى وأوصى الأطباء بضرورة إجراء عملية خطيرة في القلب.

شُلُّ تفكير ديما وتمنت لو أن تكون بجوار والدة نرمين الآن، وانتهى اللقاء بينهما على وعد أن يتقابلا سوياً في الأجازة الأسبوعية..

عادت ديما إلى بيتها والحيرة مسيطرّة على تفكيرها، كيف تطمئن على والدة نرمين؟ وفكرت في زيارتها في المستشفى ولكنها خافت أن تفهم هذه الزيارة على أنها شماتة، حتى هداها تفكيرها أن تكتفي بإرسال رسالة نصية على هاتف والدة نرمين لعلها تقرأها وتعلم ما تُكن لها ديما من حب، وبالفعل أرسلت الرسالة، وبالفعل تم قراءة الرسالة ولكن ليس من والدة نرمين، بل من نرمين التي

قامت بالرد برد صادم على الرسالة قائلة:

- موبائل ماما مش معاها، قلقانة عليها ازاي! وانتي كنتي عايزة
تسجني بنتها؟

لم تُعر ديمًا اهتمامًا للرسالة حيث إن ما تعرضت له من صدمات
أفقدتها ما تبقى لديها من إحساس، ولم تتعجب كثيرًا.
وفورا قامت ديمًا بمسح الرسالة وذهبت إلى فراشها، حيث لا داعي
في أن تفكر في شئٍ لا جدوى منه..

استمرت سلمى في التقديم في كثير من القنوات، وبداخلها يقين
أن حلمها يومًا ما سيكون واقعًا، في ذلك الوقت شعرت بحاجتها
إلى الكتابة، فالكتابة أصبحت لها الصدر الحاني الذي تلجأ إليه
عندما تريد التعبير عما بداخلها، هي صوت تنطق به عن طريق
يدها وقلمها.. أمسكت القلم وكتبت مقالًا جديدًا بعنوان «رسالتي
لكل من يظن أن أحلامه مستحيلة»

«لا أنكر أنني أُصبتُ بالإحباط، وأُصبتُ بخيبة الأمل لفترة ما،
لكنني سرعان ما عدتُ إلى صوابي، فكيف تكون أحلامي مستحيلة

ويوجد خالقٌ يقول لما ومن يشاء «كن.. فيكون»؟

كيف أراها بعيدة والله أنعم علينا بالدعاء؟ كيف أترك الأمر لخالقه الذين لا يملكون نفعاً ولا ضرراً أن يصيبونني بالإحباط وخيبة الأمل؟ كيف أضع أحلامي بين يدي مخلوق وأظن أنه هو القادر على مساعدتي رغم أن خالقي بيده كل شيء؟

قررتُ ألا أستسلم، قررتُ ألا أترك الظروف تتحكم بي وتُطيح بأحلامي وطموحاتي، قررتُ أن أحلم وأحلم وأسعى جاهدة لتحقيقها، وسواء حققتها أم لا، فيكفيني شرف المحاولة وعدم الاستسلام..

أريدك أن تعي يا عزيزي؛ سواء كنت في عمري أو أكبر أو أصغر مني سنًا، أنه لا يوجد من يستطيع حرمانك من أحلامك، ولا يحق لأي شخص أن يكسر ما بداخلك من حلم، وبالصبر والاجتهاد تصبح الأحلام حقيقةً والواقعُ أجمل..
أتمنى أن تصبح أحلامكم حقيقةً..

سلمى عمر

اتصلت بسلمى قناة فضائية معروفة سبق لها أن قدمت فيها عشرات المرات بلا جدوى ولكن شاء الله أن تقبل فيها؛ وليس فقط أن تقبل بل أن فكرة برنامجها التي اختارتها، وهي فكرة تدعو إلى أن نرى كل ما هو جميل في شبابنا وبناتنا، ويقسم البرنامج إلى فقرات، يتناول قصص نجاح لشباب صغير، يتناول فقرة عن الطرق المؤدية للنجاح وكيف لنا أن نصير على تحقيق الحلم، يتناول فقرة عن الأخلاق وأهميتها في مجتمعاتنا وعلاقتنا مع الآخرين، وأخيراً جانب ديني باستضافة داعية إسلامي قريب من الشباب مرة كل أسبوعين؛ ليتحدث معهم عن مشاكلهم وكيفية إيجاد الحلول لها.

نعم تحقق الحلم الذي ظلت ثلاثون عاماً تحلم به منذ أن كانت في المرحلة الابتدائية، تحقق الحلم الذي لم تملّ ولم تكفّ في الدعاء بأن يرزقها به الله، تحقق ما حلمت به يوماً أن تغير شيئاً ولو صغيراً في تفكير الشباب وأن يكون لها أثرٌ في حياة غيرها..

وجاءت أول حلقة من البرنامج الذي يُبث على الهواء مباشرة، وكان الجميع في انتظار ذلك اليوم؛ سلمى وأقاربها، أصدقائها خديجة وديما وعمرو، وجميع محاربي السرطان، وكانت الحلقة الأولى وموضوعها «كيف تترك أثراً وتُحقق حلمك وتتحدى أي صعوبات

مهما كانت درجتها.

- سلمى ناقص نص دقيقة ونكون على هوا، استعدى...٣..٢..١

قالها المخرج ثم أطلت سلمى بابتسامتها الرقيقة قائلة:

- مساء الخير، سعيدة جداً إنى هاكون معاكم في أول حلقة من برنامج «هنعيشها صح»، حلمت كثير واستنيت كثير اليوم ده والحمد لله ربنا كرمني إنى أحط رجلي على أول الطريق، عشان كده هيكون «تحقيق الحلم» أول حلقة عشان نفسي الكل يفرح بتحقيق حلمه، نفسي محدش يقف ويأس مهما مرت سنين أو قابل مشاكل، كلنا عندنا مشاكل كبيرة، ممكن مشكلتك تكون في الوحدة، ممكن تكون في ضعف الإمكانيات، ممكن تكون في الظروف الصعبة أو المرض، حاجات كثير أوي في الحياة بتوجعنا، والوجع ده لازم مايضعفناش، لازم يخلينا أقوى ويخلينا أكثر إصرار وعزيمة عشان نحقق حلمنا.. وفجأة صمتت سلمى فقد شعرت بألم غير محتمل في كل أجزاء جسدها، وأسندت رأسها على ظهر المقعد الذي تجلس عليه وأغمضت عينيها..

شكر وتقدير

شكرًا زوجي الحبيب؛ شكرًا لكونك رجلٌ في زمنٍ أصبح من فيه أشباه الرجال..

شكرًا لأنك السند، والحماية.. والأمان.. شكرًا لكونك أنت..

شكرًا لكل من ساعدني لتلامس كلماتي النور، ولكل من انتظر روايتي، ولكل من سيقراها حتى وإن لم تتلَّ إعجابه..

شكرًا لكل نقدٍ بناءٍ قيل لي عن روايتي الأولى «قلب نور»، والذي ساعدني أن أطور من نفسي في روايتي الثانية.. والتي أتمنى أن تحظى برضاكم.

شكرًا لدار إبداع وجميع العاملين بها..

شكرًا لأصدقائي وتشجيعهم لي (أسامه عامر، شريف عادل البيديوي، مي الدمرداش، أروى أحمد عمر، ديما مازن، نهى

أحمد صالح، رامى أحمد، إبراهيم أحمد عيسى، حلا المطري،
أمير عاطف، نهال أمين، نانسي محرم، د.محمد مرعى، د.رضوى
النجدي)

شكرًا لكل من أزالَ عني دمعتي يوم حزني، أو ساندني في أصعب
وأسوأ لحظات حياتي..
لكم جزيل الشُّكر والعرُفان.

مي عصام

شكر خاص لكل شخص أبكاني وظلمني، و لكل شخص ظننتُ
يوماً أنه «إنسان» وخذلني...

المؤلفة في سطور

مي عصام

خريجة كلية علوم جامعة حلوان قسم كيمياء ٢٠٠٩.

تعمل في مجال الأبحاث التسويقية.

صدر للمؤلفة :

رواية قلب نور الصادرة عن مؤسسة إبداع للترجمة والنشر والتوزيع

والتي صدرت طبعها الثامنة مؤخرًا.



للاطلاع على أحدث إصدارات مؤسسة إبداع

يرجى زيارة الموقع الإلكتروني

www.prints.ibda3-tp.com